



WANTOK

Niuspepa bilong yumi ol PNG stret!

Wan Wik,

Epril 7 - 13, 2005

NAMBA 1603

K1.00 long Mosbi tasol -Ausait Mosbi K1.30



Stori bilong Pope John Paul 2 insait -p 15 - 18

Great Quality

Affordable Price



Wol i krai

Moa long 500,000 manmeri i bin kamap long Rome long lukim na tok gutbai long Pop John Paul 2.

STAT long Sande moning long dispela wik, ol manmeri long olgeta hap long wol i krai na autim sore bilong ol long indai bilong Pop John Paul 2.

Maski ol i save olsem Pop i bin karim bikpela hevi bilong sik long ol mun i go pinis, planti manmeri i bin kirap nogut yet taim ol i kisim toksave olsem wasman bilong Katolik Sios long wol i bin dai bihain 27 yia.

Long 10 kilok long nait long Rom long Sarere nait, Asbisop Leonardo Sandri, Seketeriet ov Stet bilong Vatiken i bin tokaut, "Long 9.37 pm, Santu Papa bilong mipela i go bek long Haus bilong Papa."

Samting olsem 60,000 manmeri i bin bung long Santu Peter's Skwe. Olgeta i bin stap na beten long em.

Asbisop i bin mekim toksave bihain long ol manmeri i bin pinisim prea long Rosary bilong Pop John Paul.

Palamen long Italy i bin daunim flek bilong ol i kam hap tasol bihain long ol i harim toksave olsem Pop i bin dai.

Long Warsaw, kapitel siti bilong Polan, ol i bin makim dai bilong Pop na ol i ringim ol belo bilong sios na ol bikpela sairin. Long TV, ol manmeri i ritim nius

i bin aiwara wantaim taim ol i toktok.

Nau, ol manmeri i wok long go long Rome long stap long matmat bilong Pop John Paul we ol i tok bai i kamap long Fraide long dispela wik.


Long Tunde moa long 500,000 manmeri i bin kamap long Rome long lukim na tok gutbai long Pop John Paul.

Ol manmeri i sanap long lain ausait long St Peter's Basilica inap long 5-pela aua long lukim bodi bilong Pop i slip insait.

Wanpela yangpela meri, Francesca Illiano bilong Naples husat i bin sindaun long nait inap tulait i bruk i tok, "Em i soim mipela gutpela pasin tru long taim bilong em olsem Pop. Nau mipela i mas bekim."

Dispela tingting nau i bikpela tru long dispela wik taim ol manmeri bilong kain kain kantri, bilong kain kain wok na lotu i bin wanbel na sore long Pop John Paul 2.

Ol lida insait long kantri tu i bin salim tok sori bilong ol i go long Vatiken.



• Bodi bilong Leit Pop John Paul 2 i slip insait long St Peter's Basilica.

- Ol stori long ol tok sori bilong ol PNG lida long PES 11
- Ritim stori bilong wanpela meri PNG yet husat i bin kisim blesing bilong Pop John Paul 2 taim em i kam raun namba wan taim long PNG. PES 15

30% OFF
ALL 2005 DIARIES

Only While Stocks Last!

THEODIST
THE STATIONERY SUPERMARKET

Port Moresby - Waigani Drive
Tel: 325 6500. Fax: 325 0302
Lae - Milfordhaven Rd
Tel: 472 5488. Fax: 472 7838

Polis Ripot

NCD: Sampela memba bilong Mobail Skwad i bin paitim nogut tru tupela lain bilong salim buai.

Oi i bin yusim ol han bilong ol na ol bat o as bilong gan bilong ol na ol palang tupela wiken i go pinis.

Wanpela sinia polis opisa i bin lukim dispela i wok long kamap na i bin stopim ol dispela memba bilong mobail skwad.

Bihain dispela opisa i harim olsem ol dispela memba bilong mobail skwad i sutim tok long em long stopim ol long karimaut wok bilong ol.

"Ol i save olsem wanem ol i mekim i rong, na ol tanim bek gen na tok olsem mi rong long stopim ol," em i tok.

NCD: Trafik opis bilong polis long Nesenel Kapitell Distrik (NCD) i gat wanpela ka long helpim ol long wok bilong ol.

Wanpela kampani husat i no bin laikim nem bilong ol long kamap ples klia, i bin givim dispela ka long ol polis.

Polis Komanda bilong NCD, Tony Wagambie, i tok tenkyu na amamas long dispela kampani long dispela ka (Ford Falcon) we ol i givim long ol.

Em i tok olsem dispela kampani i lukim gutpela wok trafik opis i wok long mekim na i givim dispela ka long tok tenkyu long dispela wok, na tu helpim ol long mekim gut moa wok bilong ol.

Mani mak bilong dispela ka em klostu long K27,000.

Buka i gat prodak bilong helpim bodi

Paulias Tali i raitim

WANPELA man bilong ples Siwai long Bogenvil nau i wok long salim ol bus marasin prodak we em i tok i ken helpim long klinim na strongim bodi.

John Tanaku husat i marit long ples Gabadi long Sentral provins bipo i bin wok olsem fainens edministrata opisa long Waigani long 1987.

Bihain tasol em kamap projek plena bilong Vulupindi Haus bipo em i pinis long 1993. Em i go stap long ples bilong meri bilong em long Gabadi olsem wanpela subsistens fama.

Long 1995 Mista Tanaku i kisim save long mekim kompuha ti (wanpela kain marasin we ol i save yusim strong bilong ol masrum). Dispela marasin i save helpim planti man na meri i orait gen bihain long ol i kisim ol bikipela sik.

Mista Tanaku nau i salim 'kokonas kosmatik'na kosmatik sop. Dispela ol marasin inap long helpim ol man meri husat i gat sik asthma, scabis (kaskas) na ol arapela sik nabaut.

Masrum ti em wanpela bilong ol marasin we inap helpim daunim sik asthma na ol arapela strongpela sik nabaut. Hia long sentral provins na NCD moa long 200 ol sik manmeri i wok



John Tanaku i holim wel bilong kokonas, sop na masrum ti em i save mekim.

long kam kisim dispela marasin ti long en.

Long dispela tu dispela man Siwai i tok, "7 pela sik man we i gat paralais sik i bin kamap orait long dispela marasin bilong mi. Nau ol i wokabout gut tru."

Ol marasin olsem sop em K2, kokonas wel em K7 na em i save salim long Godens maket. Yu inap long bungim em long hap na baim. Narapela marasin sop em i salim long K7 we long kemis ol i salim K21 na tripela i gat long 3 pela sais A, B, na C.

Wel bilong kokonas bilong em i stap long K14 we long kemis ol i salim long K41.

Mista Tanaku i tok gavman bilong tude i mas luksave na sapotim o kamapim prodak bilong PNG yet. Dispela bai i mekim mani i mas kam insait long yumi yet.

PNG i gat ol prodak na marasin bilong em i stap, yumi ken kisim na mekim bilong helpim bodi bilong yumi. Noken tingim marasin bilong ovasis tumas.

Philemon tok klia long Yumi Yet Bris program

OPIS bilong Tresera i rausim wanpela paul tingting Morobe Gavana Luther Wenge i bin mekim las wik we i paulim Praitim Minista Sir Michael Somare long dispela Yumi Yet Bridge Program.

Minista bilong Fainens na Tresera Bart Philemon i tok dispela tingting bilong Gavana Wenge i no stap aninit long baset frem wok bitong 'Midium Tem Developmen Strateji (MTDS) we gavman i kodinetim na putim mani long en.

Bart Philemon i tok klia olsem dispela MTDS em gavman i kamapim bilong ikonimik na sosol developmen plen bilong 5-pela yia antap.

"Sapos mipela i sutim developmen bilong 1990s i go bek, bai mipela mas tingim long mekim hai riten sosol na ikonimik polisi. Gutpela program i mas gat disain long kisim bikipela mani long helpim ol eria we i nogat gutpela helpim bilong en," Mista Philemon i tok.

Wanpela long ol dispela nambawan hap we MTDS i lukluk long en em wok stretm bilong ol rot i stap insait long kantri.

Mista Philemon i tok dispela polisi i tok stret long stretim bilong ol rot i stap pinis i mas kamap na i tok dispela nupela tingting long kamapim nupela rot, bris na wof em bai i kamap bihain.

Em i tokim Mista Wenge olsem gavman i wetim ol wok painim na ol rekomendesen bilong dispela independen wok rivi we i kamap long fes hap bilong 'Yumi Yet Bris Program.' Taim dispela i pinis, bai NEC i ken mekim gutpela disisen long bihain taim bilong dispela program.

Advertisement for Cambridge International College, featuring text like 'TRAIN FOR SUCCESS IN 2005!' and 'YOUR professional accredited Certificate or Diploma or Degree.'


UPNG bai makim namba 50 greduesen

Maisan Pahun i raitim

MOA long 1000 sumatin bai greduet long Yunivesiti bilong Papua Niugini (UPNG) long tumoro.

Dispela greduesen bilong UPNG bai i namba 50 bihain long ol namba wan sumatin i bin greduet long yia 1955.

Dispela greduesen bai bikipela na narakain long ol arapela greduesen long bipo bikos long dispela yia greduesen i kamap long mun Epril. Bipo greduesen i save kamap long mun Mas na tu ol sumatin i save skul tripela semesta tasol. long Las



Maisan Pahun, man i raitim dispela stori bai greduet tumoro tu wantaim Bachelor ov Ats. Maisan i bin wok wantaim Wantok Niuspepa bihain long em i pinisim skul bilong em las yia. Hia em i traim Greduesen Gaun (klos) bilong em.

yia de i senis olsem na nau ol sumatin i skul tupela semesta na greduet long mun Epril.

Greduesen bai stat long 8 kilok moning wantaim ol sumatin

seremoni bai ges spika em Jastis Catherine Davani.

Bihain long 1 kilok bai ol sumatin long marasin, bisnis etministresen, na ol pos greduet sumatin long dispela skul bai i greduet. Ges spika long dispela apinun seremoni bai bipo spika bilong Nesenel Palamen Bernard Narakobi.

Ol arapela biknem lain long dispela greduesen seremoni em Chinese Ambasada, Nu Silan Hai Komisina na ol gavman sekreteri na opisel. Bai i gat ol arapela biknem manmeri bilong kantri i kam lukim dispela greduesen tu.

A cartoon strip titled 'TORO' with four panels. The first panel shows a man with a backpack saying 'AAH MOSBI! RAIT PLES YAH!'. The second panel shows a man saying 'AIYOO!! EM HUSAT OL DISPELA MANI I KAM LUKAUTIM GODENS MAKET? EM MAS LAIN BILONG ANDI SWASINEGA TEMINETA!'. The third panel shows a man shouting 'MI DAI NAU!!'. The fourth panel shows a man running away from a police officer, saying 'EM LUKIM OL AUSTRALIA POLIS NA EM PRET TRU...'. Other text in the panels includes 'TORO LUSIAM PLES NA KAM RAUN LONG GODENS MAKET...', 'EM FESTAIM BILONG EM LONG KAM LONG MOSBI...', 'WANPELA BILONG OL I TANIM NA LUKIM TORO...', and 'TORO EM TANIM TASOL NA TEK-OFF... MI PINIS LONG KAM LONG MOSBI, BIKPELA SENIS I KAMAP!'.

Ol Buin i sapatim otonomis gavman bilong Bogenvil

OL BIPO paitman na sief bilong ples Buin long Bogenvil nau i givim sapat bilong ol long nupela gavman bilong Bogenvil.

Ol ripot i kam long Bogenvil i tok ol i no wanbel long toktok we Francis Ona i mekim long em i no laikim ileksen bilong Bogenvil Otonomi Gavman i go het bikos ailan i kisim pinis independens aninit long Mekamui gavman we em i go pas long en.

Ol sief na bipo paitman long Buin i tok ol i wanbel long Mista Ona long kam aut long pablik bihain long em i hait long 16 yia tasol em i mas toktok wantaim ol arapela Bogenvil lida.

Tasol ol i tok ol i les pinis long ol toktok em i wokim i no save karim kaikai, olsem na ol bai sapatim ileksen bilong Bogenvil otonomi gavman we bai gat moa pawa long lukautim gav-

man, pipel na provins.

Ol i no wanbel long sistem bilong "king" we Ona i toktok long em bikos Bogenvil i nogat kain sistem long pasin tumbuna bilong em.

Ol sief na bipo paitman i bin tokim Bogenvil edministresen olsem ol i givim bikpela sapat long ileksen we i no long taim bai stat na edministresen tu i bin tokim ol olsem bai i gat gutpela sekyuriti long taim bilong ileksen.

Australia i no inap tok sori long Sir Michael - Wenge



• Ol Australia Federal Polis long PNG mekim mipela luk olsem wanpela teroris kantri Mista Wenge i tok.

Maisan Pahun i raitim

PRAIM Minista Sir Michael Somare i mas wanbel long dispela pasin ol sekyuriti opisa long Brisbane ples balus i bin wokim long em.

Bikos gavman bilong em i orait long kisim dispela 'Enhanced Cooperation Program' (ECP) we i lukim ol Australia polis manmeri i kam stap long kantri.

Dispela em toktok bilong Gavana bilong Morobe Luther Wenge long Tunde.

Mista Wenge i autim bel hevi bilong em bihain long ol pipel long Morobe Provins na Lae siti i laik kamapim wanpela bikpela protes long Lae Siti.

Em i tok bai em i sapatim dispela protes na givim petisen i go long memba bilong Lae na Minsta bilong Fainens Bart Philemon.

Mista Wenge i tok em i no inap kisim dispela petisen bikos em i wanpela strongpela birua bilong dispela ECP program we Gavman bilong Australia na PNG i kamapim long helpim PNG wantaim \$A2 bilien.

"Taim PNG i wanbel long kisim dispela 2 bilien program kontrak, dispela i mekim ol Australia bilip olsem PNG em wanpela eria we ol ting i gat teroris na tu ol i kolim olsem bes bilong teroris long go daun long Australia," Mista Wenge i tok.

"Yumi long PNG i no gat wanpela man o meri i dai hat long kamapim pasin olsem ol lain long Afganistan o Pakistan i save wokim. Yumi no gat wanpela man i save laikim pasin bilong kilim man na meri i dai," Mista Wenge i tok.

Dispela kain pasin i save kamap taim i gat pait long ples, ol i laik baim kompensesen, o pait long graun. Na tu planti dai i save kamap taim ol raskol i laik mekim stil na ol i kilim man husat i pasim wei bilong ol long stil.

Nau planti bilong ol Australia i lukim PNG olsem wanpela kantri i gat teroris long em bihain long dispela ECP program we i lukim ol Australia Federel Polis i kam long PNG.

Ol bai i tok ol polis manmeri bilong mipela i go long PNG bikos PNG i mas gat pret we ol teroris i ken kamap i go bikpela.

Mista Wenge i tok em i sore long ol sapota na ol lain i protes long Australia Gavman long tok sore long wanem samting i kamap long Sir Michael long Brisbane ples balus.

Tasol ol i mas tingim gut tu olsem em ol gavman na Somare yet i soim olsem PNG em wanpela kain kantri we raskol na teroris i pulap.

Olsem na Australia polis i kam pulap long kantri.

"Watpo bai Australia gavman i tok sore long dispela pasin, we ol i bilip olsem ol i wokim stretpela pasin long wokim long ol lain PNG?"

Australia mas tok sori

BELKROS i kamap yet long Australia i no tok sori long pasin we sekyuriti long Brisben ples balus i bin wokim long sekim Praim Minista Sir Michael Somare na tokim em long rausim su bilong em.

Memba bilong Wewak na Sedo Minista bilong Trensport, Sivil Aviesen na Woks, Kimson Kare i bin autim bel kros bilong em.

Dispela pasin i bin kamap long Mas 24 taim Sir Michael i wok long kam bek long wanpela bung long Nu Silan.

Sir Michael i no bin wanbel na kros long dispela kain pasin na planti pipel long PNG i bin sapatim em na autim belkros long Australia bikos pasin i no soim luksave long Sir Michael olsem namba wan lida bilong PNG.

Bihainim dispela, sampela memba bilong pablik long Mosbi i bin wokim tupela de mas las wik long Fonde na Fraide las wik long soim bel kros na askim gavman bilong Australia i tok sori long Sir Michael.

Tasol i kam inap nau, Gavman bilong Australia i no salim wanpela tok sori.

Hai Komisnin opis long Pot Mosbi i givim tok klia olsem Sir Michael i bin stap long komesel balus ron na i no long opisel raun i go long Australia. Na aninit

long lo bilong Aviesen Trensport Sekyuriti bilong Australia, olgeta manmeri long ol komesel balus ron i mas kisim sekap long sekyuriti. Dispela i karamapim tu Praim Minista bilong Australia na ol minista bilong em.

Mista Kare i tok PNG i mas wokim wanpela sekap long ol gavman opisel bilong Australia tu taim ol i kam long PNG.

"Watpo bai yumi givim bikpela luksave long ol gavman opisel bilong Australia taim ol i wokim pipia pasin long ol sinia opisa olsem Praim Minista long ples balus bilong ol? Sapos ol i wokim olsem long Praim Minista bilong yumi, yumi mas bekim wanpela long Australia. Dispela pasin i soim olsem Australia i lukim yumi olsem ol pipia bilong em.

"Olsem wanpela lida, mi lukim dispela pasin olsem em i taim yumi kirap long slip na kilim dai dispela samting ol i kolim "Australian Aid" o helpim mani yumi save kisim long Australia.

"Sapos yumi kisim moa helpim long ol, ol bai no inap givim luksave long yumi. Las em Praim Minista bilong Australia John Howard na ol sekyuriti i wokim kain sekap pasin i no givim luksave i mas salim tok sori i kam long Praim Minista na kantri."




Haus Bilas...Sapos yu laik putim sampela bilas long has bilong yu, lukaut tasol long Mathias Timothy.

Dispela man Sauten Hailans i save mekim na salim bilas bilong putim long dua olsem em i holim long dispela piksa we em i save mekim wantaim kanda.

Prais bilong en em K35 tasol.

Mathias i tok em i no skul man tasol em i no laik wetim narapela man long givim mani na kaikai olsem na em i lainim em yet long mekim dispela samting na salim long helpim sindaun bilong em na em i laikim bai ol arapela manmeri husat i nogat wok i mas lukim na bihainim em. Foto na Stori: ANDREW MOLEN



INDAI bilong Pop John Paul 2 i wok long bungim planti manmeri long olgeta hap long wol. Dispela wanpela man tasol i mekim bikpela wok-abaut na bungim planti manmeri tru na nau planti long mipela i pilim olsem mipela i nogat papa. Long bekim wok em i bin givim long mipela long laip bilong en, mipela i mas traim na bihainim sampela skul bilong em long sait bilong laikim na onaim ol arapela man olsem yu laikim ol long onaim yu.

PLANTI taim dispela kain pasin bilong laikim ol birua bilong yu i no save strong. Planti manmeri i save pundaun long dispela sait.

Pop John Paul yet i bin tok sori na givim bel bilong en long man husat i bin traim kilim em wantaim gan. Dispela i soim tru strong bilong dispela man, na bilip em i gat long bikman. Yu bai inap mekim wanpela?

OL manmeri i bin kros long pasin ol sekyuriti man long Brisben ples balus long Australia mekim long Praim Minista Sir Michael Somare i wok long indai nau. Olsem wanem? Bensin i pinis long fut falkon? I bin gutpela tru long lukim ol manmeri i belhat na wokabaut. Dispela i soim olsem pasin bilong onaim ol bikman i bikpela yet long pasin bilong mipela. Tasol wanem taim bai mipela i senisim dispela pasin bilong bikmaus nating na i nogat wanpela bikmaus i karim kaikai?

OL manmeri long wan wan ol liklik provins nau i wok long bungim hevi bilong ol setelmen lain i wok long bikhet na bagarapim ol as ples gen. Sapos gavman i no lukluk na stretim kwik dispela hevi, Papua Niugini bai i bruk yet. Yumi ken sapatim praime minista bilong yumi taim ol lain ausait i bagarapim em long arapela kantri. Tasol yumi ai pas yet long ol pasin mipela i mekim long mipela yet. Pasin bilong wantok i lus pinis?

LONG ol wik i kam mipela bai putim gut was long ol samting i wok long kamap long Rom. Bikos i no olgeta taim bai mipela i lukim makim bilong nupela Pop. Nau em i sans bilong yumi olgeta i stap tete long lukim na tingim long bihain taim.

Resis bilong sapatim ol yangpela meri i op

RESIS long sapatim skul bilong ol meri em Biersdorf Australia kampani i sponsaim gen i stat pinis.

Kampani ya i save kamapim ol Nivea prodak bilong lukautim bodi na em ol skin kea prodak olsem ol krim, oil, sop na ol arapela moa.

Nem bilong kompetisen we ol meri i gat kribmas name! long 18 na 35 i ken go insait long en em long Nivea Encouragement Award for Women 2005.

Resis ya i bin stat long las yia na yangpela meri Nu Ailan em Mary Lapos em wanpela Akaivis o e mi wok lukautim olgeta rekot wantaim Lihir Menesmen kampani i bin winim.

Resis i ron gen long namba tu yia nau na meri husat i win bai winim K10,000 long helpim em i peim ol trening, skul fi, ples bilong slip, kaikai na alauwens bilong wanpela yia.

Long lons bilong awod, Petron na Minista bilong Komyuniti Diverlopmen Dame Carol Kidu taim em i tok amamas long dispela kampani i sapatim skul na diverlopmen bilong ol meri i bin tok nau ol meri i wok long luksave olsem skruim save na wok bilong ol long edukesen em i bikpela samting na long dispela rot tasol ol bai helpim long ol wok diverlopmen na tu, luksave olsem ol i stap long wanpela level olsem ol man.

Long go insait long resis, ol meri i mas eksplenim o mekim klia watpo e mi mas winim dispela awod na rot we bai kos o skul yu laik go long em bai helpim diverlopmen yu yet na wok bilong yu. Yu mas raitim ol dispela samting long 500 words tasol. Resis i stat pinis na bai pas long Me 31. Ol jas bai glasim ol resis na fairiol jasim long husat meri tru i win bai kamap long Holiday Inn long Mosbi long Julai 9, 2005. Ol bai kisim tripela fainalis i kam long Mosbi long ol jas i ken glasim na skelim ol na tokaut long wina.

- Veronica Hatutasi

Hap Hap Nius

Bikmeri Dai

Bogenvil i bin tok gut-bai long wanpela gut-pela wokmeri long eduksen tas wiken bihain long em i dai. Leonie Kora bilong Manus provins tasol i marit long Raphael Kora bilong ples Hanahan long Buka Ailan i bin sik na dai long Gerehu long Mosbi na ol bin karim bodi bilong em i go long Buka na planim em long ples bilong man bilong em.

Birua

Wanpela man bilong Is Nu Briten provins husat i bin go long Lae, Morobe provins, long stap insait long greduesen bilong liklik kandere (ankol) bilong em long Yunivesiti ov Teknoloji i bungim birua na dai. Ol ripot i tok ol bin painim bodi bilong dispela man long wanpela raun-wara las Sande na kisim i go long Angau Haus sik mog. Ol ripot tok sampela lain i bin paitim Jacob Vagone long bik moning Sande taim em i wok long go bek long haus bihain long greduesen pati ol bin wokim bilong liklik kandere.

Lukluk Bek

Gavana bilong Bogenvil, John Momis, i singaut long ol man-meri bilong Bogenvil long lukluk bek na tingim wanem ol i bin pait long en. Mista Momis i bin mekim dispela tok long wanpela bung wantaim ol lida bilong Buka na ol sief long Buka las Sande. Ol i bin paitim tok long ol toktok bilong Francis Ona tu.

Pawa blekaut kamapim hevi long ol wok redi bilong ileksen

PAWA i go aut long Buka taun i wok long kamapim sampela hevi long ol wok redi bilong Bogenvil otonomi ileksen.

Menesa bilong Bogenvil otonomi ileksen Mathias Pihei i tok em i wari long pawa blekaut i wok long kamap bikos dispela i mekim ol wok redi i no hariap.

Long wiken, i no bin gat pawa long Buka Taun long Sarere na ol ileketorel opisa i no bin karimaut wok bilong ol long wanpela de olgeta taim pawa i aut.

Ol opisa i wok long ol wiken tu long karimaut ol wok na olgeta samting bilong ileksen bai redi bipo long ileksen i stat wantaim givim aut ol rit pepa long Epril 14, em i tok.

"Mi wari long pawa i wok long go aut olsem bikos mipela i mas pinisim olgeta wok redi long taim. Mipela i no hariap long ol wok long wanpela de tasol mi ting olsem bai mipela i wok hat na pinisim ol wok long taim stret. Mipela i mas

...Tasol wok i go gut

ogenaisim mipela gut long wok na ol samting i ken pinis long taim stret," Mista Pihei i tok.

Em i tok lusim dispela liklik hevi we pawa blekaut i kamapim, ol wok redi long namba wan ileksen bilong Bogenvil otonomi gavman i go gut tasol.

Long dispela wik, ol bin holim wanpela bung wantaim ol Ritening opisa long painimaut we ol wok inap long en.

Em i tok namba tu hap bilong redim ol ripot bilong Komon Rol i pinis.

Em i tok sapos dispela i pinis na ol i gesetim, em bai taim tu long ol kendidet i laik resis i givim nem bilong ol na stat resis.

Em i tok tu olsem moa pipel long saut na sentral Bogenvil nau i wok long askim long putim nem bilong ol long

Komon Rol na go insait long namba wan ileksen bilong Bogenvil Otonomi Gavman.

Dispela em ol lain we i no bin laik givim nem bilong ol pastaim ol lilektorel opisa i raun long ol ples.

Mista Pihei i tok tingting bilong ol i mas kliia bihainim ol aweanes wok na ol i laik putim nem bilong ol long Komon Rol.

Mista Pihei i tok olsem lileksen Menesa long namba wan gavman bilong Bogenvil, em i amamas olsem ol pipel i sapotim gut dispela ileksen.

Em i bilip olsem ol wok redi bai go gut na inapim taget o mak long de we olgeta samting i mas redi long en na ileksen i stat.

- Veronica Hatutasi

Bai i nogat moa Hai Skul

Paulus Tali i raitim

Dipatmen bilong Eduksen bilong Is Nu Briten provins bai i no inap kamapim moa nupela ol hai skul, Siaman bilong Is Nu Briten Provins Edukesen Bod, Boniface Setaro, i tok.

Em i mekim dispela toktok bihainim askim em Memba bilong Rabaul Dokta Alan Marat i mekim long painimaut sapos bai i gat nupela hai skul i kamap long putim ol manki long skul long en.

Dokta Marat i laikim bai ol pipel long Gela Gela na Sikut long Rabaul i mas i gat hai skul bihain long maunten paia i bagarapim ol pipel long Rabaul na nau ol i stap long dispela ol ples bai ol i ken go long skul.

Bihain long maunten paia i bin pairap na ol pipel i lusim Rabaul na stap long ol kea senta

ENB Provins Edukesen bod i no tok long kamapim wanpela hai skul long putim ol manki i go long skul.

Maunten paia i bin bagarapim tripela hai skul i stap long Rabaul em Boisen, Vuvu na Rabaul Hai Skul.

Dokta Marat i tok bikos long i nogat inap spes long manki i go long skul sampela o sapos nogat planti ol manki nau i stap nating long ol ples.

Tasol long bekim tu askim bilong Dokta Marat, mausman bilong ol skaut asosiesen long provins, Marcellino Tangilia, i tok sapos ol manki i no inap long go long skul ol i ken go na joinim skaut skul na lainim sampela gutpela ol samting bihain long ENB Edukesen bod i gat hevi long kirapim nupela skul.

Dispela bai helpim ol long noken stap nating na kamapim ol bikhet pasin tu.



Blesing...Cherrie Campbell (rait) bilong Yunaitet Sios long Buka Taun, Bogenvil, i wokim pre long wanpela sios memba insait long wanpela bikipela lotu bung bilong ol las wik. Foto: ALOYSIUS LAUKAI

ENB Gavman laik mekim Vunapope provinsel haus sik

IS NU Briten Provins Gavman i laik mekim Vunapope Katolik Haus sik long Kokopo, i kamap wanpela bikipela haus sik long provins.

Na Lod Meya bilong Kokopo taun Albert Buanga i askim strong ol memba bilong Provinsel Asembli long sapotim strong dispela tingting.

Siaman bilong Helt wantaim Provinsel Gavman na Presiden bilong Duk ov Yok Lokel Level Gavman, Isaac Tilom, i tok dispela tingting i bihainim disisen bilong gavman long kamapim gut wok bilong kisim ol helt sevis na ol pe na haus bilong ol helt woklain.

Em i tok dispela tingting bai strongim strong gutpela wok pren i stap namel long gavman na Katolik Sios long kisim helt na eduksen sevis i go long ol pipel.

Long wankain taim, Mista Buanga i tok ol sios olsem Katolik Sios i mekim planti wok long givim helt sevis i go long ol pipel insait long provins na sapot i mas go long mekim Vunapope Katolik Haus Sik i kamap olsem bikipela provinsel haus sik.

Haus sik i save kisim ol siklain bilong ol arapela Niugini Ailan provins tu.

Long nau yet, Nonga em i bikipela haus sik long provins.

Gavman i papa long Nonga Haus sik. Katolik Sios i papa long Vunapope Katolik Haus Sik.



Buka Ailan redi long turis sip bilong Amerika

LIKLIK taun long Buka i bisi tru long mekim ol wok redi long wanpela krus sip bilong Amerika bai kamap long ailan tude. Krus sip em sip i karim ol turis.

Nem bilong dispela sip em MV Clipper Odyssey. Em i karim moa long 100 turis pasindia na ol i kam long Amerika na Yurop. Planti long ol em ol lain i bin pait long Pasifik long Wol Wo 2. 90 em ol kru bilong sip. Laspela ples sip bai go lukluk raun long e em long Solomon Ailan.

Ol ripot i kam long Bogenvil i tok ol turis i laik lukim ol ples we bikipela pait long Wol Wo 2 i bin kamap long en na ol samting i stap nau olsem memori long wo. Sampela i laik lukim matmat bilong ol lain poroman soldia bilong ol.

Tasol ol bin kisim ol bun bilong planti Siapan (Japan) na Amerika soldia i bin dai long Bogenvil i go bek

long ol ples bilong ol pinis.

Ol dispela turis i gat bikipela laik long go long Kangu nambais long Buin, saut Bogenvil long lukim balus bilong Yamamoto em bos bilong ol Japan ami long Wol Woa 2.

Ol soldia bilong Amerika i bin sutim dispela balus bilong bikman na pait i bin pinis.

Nau, balus i stap long Buin. Tasol bikos rot i no gutpela tumas em i hat long ol turis i go long Buin na ples we balus i slip i stap long en na tu, planti ol turis i lapun, sip bai i no inap go long Buin na i stap long Buka tasol.

Bikos dispela em i namba wan taim long kain ovasis turis sip olsem long go long Bogenvil bihain long hevi, bikipela wok redi i kamap nau long ol. Ol kalsere grup na ol turis opereta i mekim ol wok redi long ol ples we ol dispela turia bai raun lukim.

Wanpela moa ilektoret bilong Madang?

Michael Novingu i raitim

LAS wik ol opisa bilong ilektoret Baundris Komisn i raun lukiuk long Madang provins long skelim na sekim ol ilektoret.

Dispela wok bilong sekim na skelim ol ilektoret na namba bilong ol manmeri i stap insait long wanpela ilektoret, i save kamap bihain long olgeta 10-pela yia.

Ol dispela opisa bai lukluk raun long ol arapela open ilektoret tu insait long Madang provins. Ol bai kisim tingting bilong ol manmeri sapos ol i laikim nupela ilektoret o nogat.

Dispela wok painimaut bilong ol i painim olsem Madang Open ilektoret i gat moa long 86,000 manmeri we i abrusim mak we wanpela ilektoret i mas i gat. Dispela mak em i mas i stap aninit long

37,000 na 56,000 manmeri. Long dispela as na ol i mas brukim Madang Open ilektoret i go kamap tupela ilektoret.

Na tu ol opisa i painim olsem Karkar na Bagabag Ailan i gat moa long 60,000 manmeri na i gat nid long kamapim wanpela ilektoret bilong en. Dispela bai brukim Sumkilba bai i mas i gat narapela ilektoret bilong em yet.

Siaman bilong ilektoret Baundris Komisn, Nick Suvulo, i tokim ol manmeri husat i bin kamap long dispela bung bilong ol olsem ol i mas paitim tok wantaim ol lokal level gavman kaunsel na ol pipel na lida bilong ol pastaim long ol i givim wanpela sabmisen o tok orait i kam long em long bringim fainel sabmisen i go long Nesanel Palamen long kisim tok orait bilong ol long kamapim nupela ilektoret.

Em i tok ol dispela sabmisen i mas kamap long Opis bilong ilektoret Baundris Komisn long Epril 24.

Long wankain taim komyuniti lida bilong Bel eria insait long Madang Open ilektoret, Sam Alo, i tok olsem em i amamas long dispela tingting bilong kamapim wanpela moa open ilektoret bilong Madang Open.

"Dispela bai kamapim gutpela wok bung na bai mekim isi long wok bilong wanwan memba long bringim sevis i go stret long ol manmeri," em i tok.

Mista Alo i tok em bai paitim tok wantaim ol komyuniti lida long eria bilong em na ol arapela eria insait long Madang distrik, long kisim tok orait pastaim long em karim sabmisen bilong ol i go long ilektoret Baundris Komisn long kisim tok orait bilong ol.

Hap Hap Nius

Raskol Pasin

Raskol pasin long Sepik Haiwe i wok long go daun olgeta bikos long wok bilong ol komyuniti polisman. Tasol gavman i no luk-save yet long gutpela wok bilong ol, Provinsel Polis Komanda bilong Is Sepik provins, Leo Kabilo i tok i no long-taim i go pinis.

Wenge helpim long lukautim mama graun

GAVANA bilong Morobe, Luther Wenge, i sapotim tingting o plen long kamapim wanpela kosavesen hap o ples tambu long Yus, Huon Peninsula, Morobe provins.

Dispela konsavesen hap em wanpela hap we lukautim bilong wanpela kain kapul we ol i save kolim Matschies.

Namba bilong ol Matschies i sot nau long wol na ol saintis husat i save glasim ol dispela abus i laik lukautim ol, glasim sindaun na raun bilong ol, na helpim long strongim bek namba bilong ol.

I gat ol tingting tu long kamapim wanpela konsavesen bod insait long provinsel gavman.

Mista Wenge na wanpela grup bilong ol saintis na saveman bilong polisi bilong Amerika na Papua Niugini, i bin bung long Lae las Fraide long givim sapot bilong ol long kamapim dispela konsavesen hap.

Dispela projek i kam aninit long Tree Kangaroo Conservation Programme (Tri Kangaroo Konsavesen Program) long Amerika.

Mista Wenge i tok olsem em i laik lukim dispela projek i kamap bikpela.

Mi tingim ESP - Aimo

MEMBA bilong Ambunti/Drekikier, Tony Aimo, i tok em i no bin resis long kamap gavana bilong Is Sepik provins (ESP) bikos em i bilip dispela em i no gutpela bilong provins.

Mista Aimo i bin kisim dispela kot eksen we i bin rausim kaunsel Henry Ariro olsem gavana bilong provins, tasol em i no bin resis long dispela posisen, na i bin makim Memba bilong Palamen bilong Yangoru/Saussia, Peter Wararu long kisim.

Is Sepik Provinsel Asembli i bin makim Mista Wararu olsem gavana las wik. Nogat man i bin resis wantaim em long dispela posisen.

Mista Aimo i tok olsem em i bin kisim dispela kot eksen agensim Mista Ariro bikos makim bilong em i no bin stret aninit long Ogenik Lo bilong Provinsel na Lokel Level Gavman, tasol em i no bin tingting long resis long posisen bilong gavana em yet.

Ol kea senta kisim trening long helt

WORLD Vision (Wol Visen) opis long Madang provins, i wok long holim ol helt trening program bilong ol manmeri bilong Manam Ailan husat i stap long hevi bihain long birua bilong maunten paia.

Dispela program i kamap long Potsdam Kea Senta long Zogari ples na bai ron inap long wanpela mun.

Meri husat i go pas long dispela program, wanpela nes, Janet Ariku, i tok olsem wanpela bilong ol bikpela wari nau yet em sindaun bilong ol manmeri long ol dispela kea senta.

Misis Ariku i tok olsem ol toilet i no bin gutpela tumas, tasol nau, bihain long ami i mekim wok long ol, i orait liklik, na wok i bin kamap tu long mekim hap we ol manmeri i save kisim wara na dring i gutpela moa.

Program i lukluk long helpim long developim tingting bilong ol manmeri, long helpim ol klia long ol senis we i wok long kamap long laip bilong ol bikos long birua we i bin kamap.

Program i lainim ol manmeri tu long ol gutpela we bilong ol long sindaun long sait bilong helt.



Australian Government
AusAID



PABLIK TOKSAVE RAITING KOMPETISEN- "THE GUNS ISSUE IN PNG"

Papua Niugini Guns Control Committee i singautim ol sumatin long Nesanel, Sekonderi na Hai skul skul long go insait long raiting resis bilong gan.

Nesanel Gavman i bin kirapim Komiti long etresim dispela sik long lo na oda hevi i go bikpela moa na pasin bilong bagarapim narapela i go antap bikos mak long yusim ol gan tu i go antap. Dispela em ol gan ol i wokim long fektori na long ples.

Komiti i laikim pablik kam insait na helpim long dispela wok na em i redim ol dispela kwesten long ol sumatin bilong Gret 11 na 12 na ol Gret 9 na 10 long en.

YIA 11-12: WHY IS THE USE OF GUNS IN PAPUA NEW GUINEA UNSAFE, AND HOW CAN WE BRING ILLEGAL GUNS UNDER CONTROL?
(500 WORDS o raitim ol tingting bilong yu long 500 wods)

1ST Prais: K500.00
2ND Prais: K250.00

YIA 9-10: WHAT PENALTIES SHOULD BE IMPOSED ON PEOPLE WHO USE GUNS FOR ILLEGAL PURPOSES?

1st Prais: K500.00
2nd Prais: K250.00

Ol rul long bihainim long go insait long kompetisen o resis.:

- Lain i laik go insait long resis i mas skul long wanpela Nesanel, Sekonderi na Hai skul we Nesanel Gavman i gat luksave long en.
- Ol lain i go insait long resis ya i mas gat gutpela aidentiti o luksave olsem poto we i soim olsem em i skul long dispela skul na wanem gret em i stap long en.
- Ol pikinini na hauslain bilong ol lain i stap insait long Komiti na Seketeriet i no inap long go insait long dispela resis.
- Resis bai pas long Mei 10, 2005.

Salim envelop i gat resis bilong yu i go long dispela adres:

The PNG Guns Control Committee
"Writing Competition"
P O Box 1270
BOROKO
NCD

Ol bai toksave long ol wina long bikpela kibung ol i kolim long Nesanel Gan Samit ol bai kamap long Goroka long Jun 6 inap long 10 long dispela yia.

Meja Jenerel JERRY SINGIROK MBE (Rtrd)

Siaman

Hap Hap Nius

Subsidi

Klostu K52 milien i kam long baset bilong Enga Provisel Gavman i go pinis long edukesen subsidi progrem insait long provins. Dispela i bin stat long 1996. Gavana bilong Enga Peter Ipatas i tokaut long dispela taim em i givim moa long K52,000 skul fi i go long ol Enga sumatin long Divine Word Yunivesiti las wiken long Madang. Long dispela K52 milien, em i tok hap i go long stretim ol skul insait long provins.

Papagraun i gat bikpela kros

Maisan Pahun i raitim

WANPELA papagraun kampani bilong Maunten Kare Gol Main i no amamas long olpela developing kampani bilong ol na nau em i wet long kisim nupela kampani.

Maunten Kare Investment Limited kampani i autim wari na tingting bilong ol i kam long *Wantok Niuspepa* long las wik.

Wanpela dairekta bilong dispela papagraun kampani i kam long Mosbi na i tok olsem nau olgeta 69 Inkoporetet Len Grup (ILG) long Maunten Kare eria i wanbel pinis long kisim nupela kampani.

Long wanpela pas ol dairekta i givim i tok olsem ol i kisim pinis wanpela kampani bilong Gret Briten nem bilong em Russdale Investment LTD long developim Maunten Kare gol main.

Long 15 yia olgeta Madison Enterprises kampani i bin wokim driling long Maunten Kare tasol nogat wanpela developmen i go insait long dispela eria. Man i go pas long dispela ol papa graun invesmen kampani Muniah Ker Las Aku i tok dispela kampani

...Mipela i pinis long kisim ol nupela kampani i kam long hia.

i no bringim wanpela sevis i go long ol eria olsem long Pogera, Mt Kare, Tari, Paila, Laiagam, Kandep, Wabag, Kompiam Ambum na Wapenamanda.

Bekim long dispela hevi ol 69 ILG long Maunten Kare eria i pasim tok long rausim Madison kampani na tokaut olsem ol i noken kisim nupela laisens long wok gen.

Ol papagraun i tok Madison kampani i no bringim wanpela sevis olsem helt, edukesen, rot na bris i go long dispela eria long dispela 15 yia ol i mekim wok developmen long Mt Kare Gol main.

Olsem na nau ol i laikim dispela nupela kampani Russdale Investment LTD we i gat moa long 200 yia save long wok maining long kam developim

Maunten Kare gol main.

Mista Muniah Ker Las Aku i askim ol pablik na ogenaisesen long dispela gol main eria long noken yusim midia o ol niustlain long bekim tingting bilong ol pipel long dispela hevi bilong ol.

Em i tok ol dispela 69 ILG i sanap wantaim na i laikim dispela gol projek long go het yet na bai ol i ken kisim sampela kain gutpela sevis.

Nau yet nogat wanpela gavman sevis olsem helt, edukesen, rot na bris i save go insait long Maunten Kare eria, na ol manmeri i laik tru long lukim kain sevis olsem i go, em i tok.

"Mipela i wetim dispela join vensa agrimen wantaim Russdale Investment," Mista Muniah i tok.

Rausim ol manmeri raun nating long Goroka Taun



• Ol Asaro Madman (taisman), soim gutpela kala bilong Goroka, tasol i gat nogut sait bilong Kol Ples tu. Foto: PNGBD.COM

OL SUMATIN bilong Goroka, Isten Hailan provins, i save stap long Yunivesiti ov Papua Niugini (UPNG) i no amamas long kain bikhet pasin nau i wok long kamap long taun bilong ol.

Ol i tok bipo i no save gat dispela pasin bilong pik poket na paitim ol manmeri nating. Dispela pasin i bin kamap long nau tasol we planti ol setelmen manmeri i kam pulap long taun na kamapim dispela kain hevi.

Ol i bin autim belhevi bilong ol bihain long wanpela niuspepa ripot i stori long ol bikhet man i bin paitim tupela turis waitmeri long Goroka taun long sampela wik i go pinis.

Man i go pas long dispela bel hevi i singaut long ol provinsel atoriti na politisen long lukluk i go insait long dispela bikpela hevi we i wok long bagarapim gutpela nem bilong ol asples na lain Goroka.

"Mipela ol Goroka em gutpela lain stret, na mipela save stap isi. Tasol ol dispela lain long blok na ol setelmen nambaut i save wokim na bagarapim

nem bilong mipela," Wanpela seken yia sumatin i tok.

Long bekim dispela ol i laikim ol lida bilong ol long rausim ol dispela nupela setelmen lain na ol setelmen ples we i wok long kamap insait long Goroka taun.

Ol i singaut long memba bilong ol Bire Kimisopa long luksave long dispela hevi na tu pasim 'Wol Treid Senta'.

Dispela buai maket i bringim kainkain pasin na i bagrapaim lukluk bilong taun.

Raymond Hanave husat i go pas long dispela kempen i tok nau em i taim ol Goroka opim maus na wokim samting stret.

"Mipela save pasim maus na lukim ol arapela lain i wokim samting. Nau ol i kam bagarapim taun bilong mipela. Mipela mas rausim ol i go," Raymond i tok.

- Maisan Pahun



BANK OF PAPUA NEW GUINEA

PRESS RELEASE

KINA FACILITY RATE FOR APRIL 2005

The public is advised that based on the assessment of the key macroeconomic indicators available to the Bank of Papua New Guinea, the Kina Facility Rate (KFR) will remain unchanged at 7.00 percent for the month of April 2005.


Benny Popoitai, MBE., Acting Governor



NOKEN BAGARAPIM OL PIKININI!



Em i rait bilong ol pikinini long stap insait long ol bung na gimim tingting bilong ol.




Na em i wok bilong ol long makim ol gutpela tingting.



WANTOK

i go pas long dispela kempen!



Sapotim 'Chief'...Ol manmeri insait long Mosbi i bin go pas long wanpela mas i go long Hai Komisn opis bilong Australia long givim wanpela petisen o pepa we i askim Gavman na Praim Minista bilong Australia long tok sori long Sir Michael Somare bihain long ol sekyuriti opisa long Brisbane Intanesenel ples balus i bin semim em taim em i go na kam bek long New Zealand tupela wik i go pinis. Foto: NEVILLE CHOI

Ol Mis Milen Be meri lainim long Red Cross

OL MERI husat i bai resis long kamap Mis Milen Be 2005, i bin mekim wanpela bikpela 4 de raun wantaim Red Cross long Milen Be provins i no longtaim i go pinis.



• Mis Stephen.

Dispela raun i bin raun bilong wanpela progrem bilong Red Cross we ol meri i bin lainim long wok bilong Red Cross.

Ol 6-pela meri, Jemimah Dickson (Mis Masurina), Relvie Eremas (Mis Alotau Stevedoring), Mary Joe (Mis Yato'o Furniture), Maryanne Diudi (Mis Bawanbwana), Belinda Ale (Mis Heavy Equipment Repairs), na Mimosah Bayagau Mark (Mis Tiripu Tupagogo and Sons), i bin mekim dispela raun

wantaim Red Cross Nesenel Seketeri Diseminesen Opisa, Gima Kila, husat i bin raun i go long provins.

Ol i bin raun i go lukim Edministreta bilong Milen Be provins, Henry Bailasi, na Alotau Jenerel Haus Sik.

Bihain ol i bin raun lukim sampela ol komyuniti na hai skul wantaim meri husat i Mis Milen Be nau yet, Helen Stephen.

Hap Hap Nius

Wara De

Ol komyuniti skul sumatin long Alotau, Milen Be provins, i bin amamasim World Water Day (Wol Wara De) long Mas 22 long Alice Wedega Pak (gaden bilas) wantaim ol singsing, danis, pilai na stori bilong wara. Wol Wara De em we United Nations General Assembly (Yunaitet Nesens Jenerel Asembli) i makim long tingting wara na we em i save helpim sindaun bilong ol manmeri.

Helpim Fama

Koari Special Purposes Authority (Koari Spesel Pepeses Atoriti) i wok long painim ol we long kamapim moa sans long ol fama long ol eria bilong Rigo na Koiari long Sentral provins long salim ol krop (wanem ol i planim) bilong ol.

Nupela Teng

Soger Klinik long Sentral provins i bin kisim tupela wara teng, mani mak bilong ol K7000 las Fraide. Koiari Special Purposes Authority (Koiari Spesel Pepeses Atoriti) i bin baim ol dispela teng bihain long ol i bin lainim olsem klinik i bin stap wantaim nogat wara inap klostu tupela yia. Sista husat i bosim klinik, Theresa Kape, i tok olsem larowari Hai Skul i bin stop long saplaim o givim wara long ol bihain long ol i bin kamapim wanpela K48,000 sas long elektrisiti o pawa we ol i nidim long ronim wara pam.

Mipela laikim ol bris

OL MANMERI long Botue ples long Noten provins, i laikim gavman long kamapim ol bris long helpim ol kisim ol wet pam (oil palm) bilong ol i go long ol mil.

wok stretim long ol bikpela rot.

Ol i tok olsem ol i bin mekim dispela singaut long 1996 na i wok long wetim bekim bilong dispela singaut yet.

Ol manmeri, planti bilong ol husat i save groim wel pam, i wok long singaut long Gavana bilong Noten provins, Bani Hoivo, na ol narapela provinsel memba, long mekim tupela bris na karimaut

Mausman bilong Botue Oil Palm Association (Botue Wel Pam Asosiesen), Bill Ghaneey, i tok olsem planti ol groa i les pinis long karim ol kago we i hevi tru na bihainim ol longpela rot long taim bilong rausim wel pam.

Kros kamap long Ihu

IHU Distrik long Galp provins bai kamap wanpela 'no go zon' o hap we ol manmeri i no inap go nating long en, sapos ol memba bilong Elare Meas Foundation (Elare Meas Foundesen) i go het wantaim tingting bilong ol.

gavman sevis i go long distrik, i tok olsem ol bai mekim dispela hap wanpela no go zon o ples tambu.

Elare Meas Foundesen, husat i bel hat long gavman bikos ol i no lukim wanpela

Wanpela mausman bilong foundesen, William Keare, i tok distrik i no kisim wanpela gutpela samting long ol wok bilong katim na salim diwai we i wok long kamap long Vailala na Purari inap long 13 yia nau.

Tei stap long trabel

...Tupela bikpela polisman kisim sas long paulim mani

William Natera i raitim

DISTRİK Kot long Popondetta i surikim taim bilong Sief Inspekta Teddy Tei long sanap long kot i go long Epril 18.

Dispela i bin kamap bihain long ol polis prosekyuta i bin askim kot las wik Fraide long namba wan harim bilong kot long dispela keis, long givim ol 14 de long stretim ol pepa bilong ol, Popondetta Distrik Kot i bin tokim Wantok Niuspepa long Tunde.

Polis i bin holim pasim na sasim Tei, husat i Polis Komanda bilong Noten provins nau stap long 21 de saspensen, long paulim mani bilong Nesenel Gavman.

Eking Polis Komanda bilong Noten provins, Sinia Inspekta Wellington Siega, i bin tokim Wantok Niuspepa long Tunde olsem Mista Tei i no bin tok long dispela kot sapos tru em i rong o

nogat long dispela sas.

Popondetta Distrik Kot i tokim olsem dispela tokaut bai kamap long Epril 18.

Tei, husat i stap long beil, i gat 38 krismas na i bilong Bukapena ples, Mul Baiyer distrik long Westen Hailans provins.

Mak bilong mani we polis i tok em i paulim em K3,870.80.


Polis i tok Tei na Sinia Konstabel Simon Kur, opisa husat i bosim Intenel Investigesen Yunit bilong Sauten Komand, i no bin kisim tok orait long wanpela man na i bin senisim wanpela sek mani i go long mani long wanpela stua long Boroko, Nesenel Kapitel Distrik (NCD), na yusim long ol wok bilong ol yet.

Polis i tok olsem dispela mani i bin bilong lukautim stap bilong tupela polisman long Lamington Hotel long Popondetta taim ol i raun i go long mekim wok long hap.



Polis i holim pasim na sasim Kur pinis long paulim mani, na em bai sanap long Nesenel Kot.

Ol ripot i tok olsem keis bilong Tei na Kur, i tupela bilong 60 keis bilong polis opisal korapsen we Kriminel Investigesen Divisen i wok long mekim wok painimaut i go insait long en.




Discover...

The All-New

HIACE

Ela Motors



- ☑ Bigger 3.0Lt Engine
- ☑ 16 Seater LWB
- ☑ Bigger Cargo Capacity
- ☑ More Safety Features
- ☑ Improved Stability and ride comfort

DISCOVER A WHOLE NEW WORLD OF DRIVING AT ELA MOTORS TODAY

For More Information Contact: Port Moresby Ph 3229400 Fax 3217268 or Lae Ph 4781800 Fax 4722463

Raun lukim ol meri na pikinini long PNG



• Bikos Motlok Ailan i stap longwe long biksolwara, em i hat tru long kism helt na ol arapela sevis. Long dispela taim, wanpela medikel lain bilong Buka haus sik i bin go long sekim ol siklain na i bin sans tu long givim banis sut long ol pikinini. *Poto: ALOYSIUS LAUKAI*

• Lou Anderson i bin wok wantaim midia seksen bilong Hai Komisin bilong Australia long Mosbi long tupela yia 6-pela mun. Planti poro niuslain i bin stap long gutbai pati bilong em na sampela i sanap wantaim em long poto. *Poto: WILLIAM NATERA*



• Ol mama bilong Sen Peter Sanel Erima Peris i amamas na welkamim Gavana Jenerel Sir Paulias Matane long peris long Ista Sande. *Poto: OPIS BILONG GAVANA JENEREL*



• Sir Paulias Matane i sekan wantaim ol pikinini na mama bilong Sen Peter Chanel Erima Peris husat i bin amamas tru long bung em. *Poto: OPIS BILONG GAVANA JENEREL*

Stori long "Domestic violence" long famili, hap namba tri

Taim mi gat bel, em i save tokim mi olsem mi gat bel long papa bilong mi yet. Pasin bilong paitim na bagarapim mi i go nogut stret. Em i save paitim mi wantaim hap timba, botol, naip na wanem samting em i painim.

Man bilong em i bikpela man, longpela bilong em olsem 6 feet (fit) na em i strong moa long mi na em i save wilwilim mi nogut stret.

Ol pikinini i pret nogut. Skin bilong mi i pulap long ol kain mak we em i katim mi na paitim mi long en. Polis stesen na haus sik em ol ples mi. Mi bin wokim planti ripot long polis mi lusim tingting long hamas tru. Mi tingim yet namba wan taim mi bin go long polis stesen na ol polis i tokim mi olsem dispela em samting bilong famili long stretim. Na mi mas go long haus. Long dispela taim, mi no save long ol rait bilong mi na mi no tok wanpela samting.

Bihain long mi marit long dispela man na laip bilong mi i no gutpela bikos em i save paitim na tok nogutim mi tumas, mi bin ronawe i go long famili bilong mi. Maski em i save raun wantaim planti narapela meri, em i save kam painim mi na kros paitim mi yet.

Ol pikinini bilong mi i save les long lukim em i mekim nogut long mi na ol i save traim long helpim mi. Mi save sori tru long lukim ol i laik helpim mi. Wanpela de, dispela man i lukim lapun mama bilong mi long maket na em paitim em. Em i tromoim ol kros toktok olsem mi wok long stap long haus wantaim mama na em i wok long salim mi i go long ol arapela man. Man, lewa bilong mi i bruk taim em i wokim olsem long lapun mama bilong mi.

Famili bilong mi na komyuniti bilong mipela i les pinis long em. Brata bilong mi na ol arapela yangpela manki long komyuniti i wokim tok lukaut long em olsem sapos em i kam gen long hap bilong mipela, ol bai kilim em.

Stori i bin kamap long wanpela YWCA NBC Radio Tokbek Program we UNFPA i sponsaim na i save kamap namel long 8 na 10 kilok nait long olgeta Tunde. Sapos yu gat sampela askim long ol samting i sut long program, toktok long projek kodineta long telepon namba 3232884/3252181 o, rait long Tokstret Projek Kodineta, P O Box 5884, Boroko, NCD. Moa long dispela stori neks wik.

Meri lida long Motlok singaut strong long nes



• Misis Faite i singaut strong long wanpela nes i mas wok na stap long Motlok Etpos. *Poto: ALOYSIUS LAUKAI*

Aloysius Laukai i raitim

LIDA bilong ol meri long Motlok Ailan long Bogenvil i mekim strongpela singaut i go long Gavman bilong Bogenvil long strongim wok long Motlok Etpos.

Marena Faite i tok hevi bilong ol meri na mama i bikpela tru na ol i laikim bai i mas gat nes i stap long liklik haus sik bilong ol long Motlok.

Em i tok haus sik i mas gat ples bilong ol mama long karim bebi long wanem haus sik i stap longwe long Buka na i kam inap long nau, ol meri i save karim bebi long wanwan haus bilong ol.

Em i tok sapos nogat ol i save go long Buka na ol i tromoim bikpela mani long peim rot na ples bilong stap long en.

Misis Faite i tok ol mama i wari tru long ol yet na ol pikinini bilong ol olsem na ol i singaut long Kaunsel

bilong ol Elda (COE, ol elda em ol bikpela man) na Gavman bilong Bogenvil long luksave na mekim samting long hevi bilong ol.

Long askim wanem kain wok ol meri i wokim olsem grup, Misis Faite i tok long dispela taim, ol i stap nating tasol.

Long bikpela wok ol mama i bin mekim, Misis Faite i tok olsem long Krismas taim, ol mama i bin mas (wokabaut) i go long opis bilong COE long stopim ol yangpela i dringim hombru.

Ol i bin wokim dispela bikos ol yangpela i bin save dringim hombru na pait nabaut na bagarapim gutpela sindaun insait long liklik aitan komyuniti bilong ol. Na bihain long ol i bin mekim dispela, samting i orait na ples i stap gut Misis Faite i tok.

Motlok i gat bia bilong em yet we ol lapun bilong ol long bipo yet i save mekim long kokonas.

Lo bilong lukautim ol pikinini



LONG dispela taim, yumi harim na lukim long TV, ol man i save bagarapim ol pikinini na wokim ol kain pasin nogut long ol. Ol i save kolim ol dispela kain man "Paidofilia".

Dispela kain man i save gat laik long ol pikinini o yangpela man (nogat tumas long pikinini meri). Sampela ol dispela man em ol save lain, ol poroman na ol lain i holim ol bikpela wok komyuniti i gat luksave long ol.

Ol pikinini i no toksave long dispela kain samting i kamap long ol bikos ol i pret long mekim save, man i givim ol presen o mani na ol i sem olsem ol narapela bai lap o toktok nabaut long ol. Olsem na long dispela taim, lukautim na givim ol tok stia long ol pikinini long lukaut gut long ol dispela kain hevi bikos em i ken kamap long ol.

Gutpela sindaun bilong pikinini em i bikpela samting na long daunim dispela hevi, yumi mas ripotim i go long ol atoriti sapos yumi lukim sampela lain i bagarapim ol pikinini long ol rot we yumi bin toktok long en long ol wik i go pinis.

Sotpela Tok Lukaut

Skrum Taktok long AIDS.
Save i ken abrusim sik

Yu no inap long kism binatang bilong sik AIDS long ol dispela rot:

-Serim kaikai, holim skin bilong narapela, sikan, sindaun klostu long manmeri i gat sik AIDS.

-Serim kom, betsit, tawel o klos.

-Moskito i kaikaim yu, ol natnat bilong bet, ol arapela insek o binatang o ol animal.

Yu ken abrusim binatang bilong AIDS sapos yu bihainim ol dispela rot:

1-Noken slip wantaim narapela patna inap yu marit. Na bihain long marit stap pas wantaim dispela wanpela patna tasol.

2-Sapos yu nogat binatang bilong AIDS na yu slip wantaim arapela manmeri, yu mas pas wantaim wanpela patna husat i no gat binatang bilong AIDS.

3-Yusim kondom o karamap long banisim yu yet long binatang bilong sik AIDS.

Moa neks wik.



Kuk Kona
wantaim
MERI WANTOK

Hot Chicken Curry

(Stail Kari kakaruk kuk bilong Indonesia)

Yu mas i Gat:

1-pela liklik kakaruk o ol hap hap kakaruk
2-pela tispun pinat oil
2-pela hap galik we yu mekmekim

1-pela anien yu katkatim

4-pela tispun pinat bata

2-pela tispun sol Kokonas milk

2-pela tispun pauda flaua

2-pela lemon o juis o lip bilong laim diwai

We long Kukim

1-Hatim oil na isi isi praim anion inap em i tanim braun.

2-Kapsaitim karipauda i go. Putim i go insait tu pinat bata na sol. Kapsaitim isi flaua i go na kukim gut.

3-Tanim isi isi kokonas milk na tanim isi go inap sos i boil.

4-Putim i go insait ol

hap hap skin na lemon na lip bilong laim (olsem lemon tasol). Larim i kuk isi long 2-pela awa.

Toksave:

1-1 moa gutpela sapos yu redim dispela kaikai wanpela de pastaim long yu laik kaikai long en.

2-Yu ken yusim pis o mit long dispela kuk sapos yu sot long kakaruk.

3- Yu ken yusim tu ol kakaruk i gat bun we i ken kuk hariap na sotim taim bilong kuk long en.

4-Long wokim kain stail kari kuk bilong Indonesia, yu mas i gat: 2 tispun lombo paura, 2 tispun graun kumin (cumin - em wanpela kain sayor bilong mekim kaikai i hot), 1-tispun tumerik, 1-tispun graun korian-da na 1 tispun kawawar.

TOKTOK NATING
Wantaim
Fr. Paul Liwun SVD



PLANTI bilong yumi i bin ritim stori buk bilong katun. Ating sampela bilong yumi i bin ritim katun buk ol i kolim "Doonesbury". Dispela i bin stori long wanpela meri bilong Asia. Nem bilong meri em i Kim. Olsem wanpela sumatin bilong hai skul, em i save hat wok tru long stadi na mekim ol wok ol tisa i save givim long en. Olsem na em i bin winim Nesenel Skolasip. Olgeta sumatin i save driman long kisim dispela skolasip.

Wanpela de hetmistres bilong skul bilong em i bin singautim em i go long opis bilong em. Em i tokim Kim olsem, "Kim, mi laik tokim yu olsem mi wantaim olgeta tisa i amamas tru bikos yu bin winim dispela Nesenel Skolasip.

Dispela em i wanpela gutpela na bikpela amamas bilong skul na famili bilong yu. Hatwok na win bilong yu i soim olsem - planti sumatin i save feil long dispela skul - em i no rong bilong tisa o rong bilong skul tasol.

Gutpela kaikai bilong yu nau i skulim yumi olgeta olsem disiplin na self motivesen long stadi na ol arapela wok bilong skul em i as bilong kamapim gutpela wok na kaikai".

Na Kim i bekim "Em i tru, misis. Tasol mi no bilip olsem olgeta manmeri bilong dispela komyuniti i gat wankain tingting olsem yu."

Em i tru. Wanem samting Kim i tok. Bikos, sampela de bihain wanpela grup bilong papamama husat i gat pikinini i skul long wanskul wantaim Kim i bin kam long haus bilong Kim na krosim papamama bilong Kim.

Ol i singaut na tok nogut long papamama bilong Kim olsem: "pikinini bilong yu i bagarapim nem bilong skul na bagarapim nem bilong ol arapela sumatin.

"Olsem wanem na em i nap mekim gut long wok bilong en? Yu no inap tokim pikinini bilong yu long lukim TV planti taim moa olsem pikinini bilong mipela, a?"

Papa bilong Kim, em i bilong Amerika, i bin bekim kros bilong ol na i tok: "Long taim pikinini bilong mipela Kim stap liklik yet, mipela i bin planim na skulim em long ol gutpela skul bilong disiplin na gutpela wok pasin.

"Taim em i liklik yet em i save hat wok na soim rispek i go long arapela manmeri olsem na nau dispela pasin i stap strong insait long en. Olsem wanem mipela i senisim? Em bai i hat ya!"

Em i tru. Sapos yumi planim gutpela wok pasin, na lainim pikinini long hat wok na soim rispek long arapela taim ol i liklik yet - em bai mekim pikinini i save mekim gut long stadi na wok bilong ol long bihain taim.

Yunien bilong ol mama laikim ol meri kisim sans na luksave

Veronica Hatutasi i raitim

JENDA Ikwlati o luksave long ol man na meri long gat wankain rait em bin het tok insait long amamasim we ol Angliken Mama Yunion long Pot Mosbi Dalosis i bin holim long dispela wik long luksave long De bilong Ledi.

Long dispela de, ol Mama Yunion long olgeta hap long wol i luksave long Anansiesen bilong Santu Mama Maria em God i kisim em i go antap long Heven.

Dispela de i save pundaun long Epril 25 olgeta yia tasol long dispela yia, Gut Fraide i bin kamap long dispela de na ol Mama i bin surikim amamas bilong ol i kam long dispela wik Mande.

Presiden bilong Mama Yunien long Mosbi Marinda Guka i tok ol meri i sapatim dispela het tok na ol i laikim luksave

bikos ol meri i mas wok bung wantaim ol man long olgeta eria bilong developmen.

Em i tok dispela wankain luksave i mas stap long sios tu.

"Ol meri long Mama Yunion i luksave long dispela na ol i laikim bai sios i givim sans long ol meri long holim ol lidasip posisen. Ol meri i no lukim olsem i gat samting i no stret long ol meri i go insait long ministri bilong sios na piksa em long ol meri i kamap olsem pater. Dispela i kamap pinis long Austrilaia na Inglen we i gat ol meri pater long Angliken Sios. Mi no lukim dispela olsem samting i no gutpela long ol meri i kisim ministri olsem pater na autim Gutnius na tu, givim ol Sakramen.

Misis Guka i tok tru, ol samting we sios i gat long em bipo na i holim long em tasol i moabeta long glasim na skelim na rausim ol dispela i no gutpela. Na larim ol

gutpela i stap. Long wankain taim tu, ol nupela senis i kamap na i gutpela long bihainim sampela ol gutpela samting we nupela senis i kamapim.

"Ol meri long sios, na i no Angliken Sios tasol ol arapela sios tu, i mas kisim sans long sios long karimaut ol wok lidasip," Misis Guka i tok.

Moa long 100 long ol Mama Yunion memba long ol Angliken peris insait long Mosbi Dalosis i bin stap long dispela bikpela amamas we i bin kamap long Holi Famili Angliken Sios long Hohola, Nesenel Kapitel Distrik (NCD). Sampela Mama Yunion memba i bin kam long Dogura na Popondetta Dalosis long Oro provins.

Ol bin gat gutpela de tru wantaim ol naispela kala bilas, singsing tumbuna na danis we ol Oro na Tufi lain i bin kamapim.

Waigani Katolik Sios lukim 42 nupela pikinini kisim baptais

Paulus Tali i raitim

ISTA Sande lotu bilong Katolik peris long Waigani insait long Mosbi i bin lukim 42 nupela memba i go insait long sios taim ol i kisim sakramen bilong Baptismo.

Long dispela taim, moa long 800 Kristen manmeri i kamap long dispela lotu we 42 bebi na wanpela sekenderi skul meri i bin kisim baptais.

Memba bilong Kerowagi, Alphonse Willie, i bin i stap long lukim dispela samting.

Em i lukim ol Kristen i tingim dispela bikpela de bilong Kraisa na em i amamams tru long kain lotu i kamap.

Pater John Glynn i bin go pas long program bilong baptisim na lotu.

Long Sarere nait ol i bung na laitim paia long makim dai na kirap bek bilong Jisas.

Long Mun Julai dispela yia ol Katolik Kristen long olgeta hap

bai tingim de bilong wanpela strongpela lotu man husat i bin i dai long taim bilong woa long han bilong ol Siapan (Japan) na i kisim blessing long dispela Pop i dai long wik i go piniis, em Pop John Paul 2, long kamap olsem wanpela Blesset o mak klostu long Santu.

Bikpela bikpela amamas long makim dispela i bin kamap long Januari 1995 we leit Pop John Paul 2 i bin go pas long em long Sir John Guise Stadium long Waigani, Mosbi.

Wok redi bilong dispela bai kamap long Jun 30 i go inap bung bai kamap long Julai 7.

Ol pater bai redi tu long Rabaul na Rakunai we em i as ples bilong Blesset Peter Torot long amamasim dispela de.

Planti manmeri rounim kantri i sori tru long dai bilong leit Pop John Paul 2, na i wok long tingim em long prea.



Singsing Na Amamas...Las wik Sande, Yunaitet Sios long Buka i bin holim wanpela bung wantaim ol arapela sios olsem Metodis na Asembli ov God na CMF. Prisa Cherrie Campbell bilong Yunaitet Sios i bin wokim toktok. Ol wanwan grup long ol sios i bin putim kamap ol singsing.

Bung i kisim tu ol lain bilong Ishmael Toroama, strongpela BRA paitman na grup bilong em i kam olgeta long Buka. Bihain long lotu grup i go long Aero Trening Senta long Wakunai.

Foto: ALOYSIUS LAUKAI

Luteran Marimari Kongrikesen helpim Manam pipel

Paulus Tali i raitim

MARIMARI Luteran Kongrikesen long Godens insait long Papua Distrik i soim gutpela pasin taim ol i holim wanpela sios bung long bungim mani bilong helpim ol manmeri bilong Manam Ailan long Madang husat i painim hevi bihain long maunten Manam i pairap na bagarapim ples graun bilong ol.

Dispela apil o helpim i bin kamap tripela Sande stat long 27 Februari i go inap long 6 Mas, 2005.

Ol i givim samting olsem klos, laplap, siot, trausis na mani samting long Manam.

Na long taim bilong kisim dispela ol samting long Marimari Kongrikesen, Siaman bilong Manam



• Ol lain Manam taim ol i bin lusim ailan bihain long maunten i bin paia na sua long Bogia. FAIL POTO

Restoresen Komiti Sir Arnold Amet i tok em i amamas long kain helpim i kamap. Em i tok pasin bilong helpim i mas i stap.

"Yumi olgeta lain manmeri i wanpela pipel bilong God tasol. Hevi i save kamap long

olgeta manmeri na i no save kaunim yu husat man o meri. Em i ken kamap long yumi tu.

Nau yet ol turangu Manam husat i stap long Bogia Kea Senta i gat bikpela hevi long stap bilong ol long planti ol samting. Na i gutpela yumi i

helpim ol na kain pasin em yupela i mekim em i gutpela tru," Sir Arnold i tok.

Em i tok moa long ol pikinini sapos ol inap long helpim tu ol wanlain pikinini olsem ol yet long Manam husat i stap long ol kea senta.

"Ol skul manki long Manam i nogat gutpela ples bilong skul.

"Nau yet planti i stap nating long wetim wanem taim ol samting olsem klasrum na ol ples we ol skul bai stap long ol long go skul.

Nau yet ol Manam i wet tasol long Provinset Edukesen Dipatmen bilong Madang long givim wanem kain tok orait long ol skul bai stap long ol. Sampela husat i go skul nau i stap long ol skul bilong ol as ples Bogia.



"Jon Bilong Baptais i autim tok"

Dispela em i gutnius bilong Jisas Kraisa, Pikinini Bilong God. Dispela gutnius em i kamap pastaim olsem profet Aisaia i bin raitim, "Harim. Bai bai mi salim wanpela man bilong autim tok bilong mi, na em i go paslain long yu. Na em bai i redim rot bilong yu. Long ples i nogat man, maus bilong wanpela man i singaut olsem, 'Redim rot bilong Bikpela. Stretim ol rot bilong en.'" Jon, dispela man bilong givim baptais, em i kamap long ples i nogat man, na em i autim tok long ol manmeri i mas tanim bel na kisim baptais, na bai God i tekewe sin bilong ol. Em i autim tok olsem, "Wanpela man i kam bihain long mi, na strong bilong em i winim strong bilong mi. Mi no gutpela man inap long mi brukim skru na lusim string i pasim su bilong em. Mi save baptaisim yupela long wara. Tasol em bai i baptaisim yupela long Holi Spirit. Mak 1: 1-8

Glasm Tok wantaim Bisop Peter Fox

BINATANG bilong sik nogut AIDS i wok long go bikpela na kisim planti moa manmeri. Na em bai bagarapim sosaiti bilong yumi. Long olgeta hap bilong graun, mak long ol manmeri we dispela sik i kilim ol dai i ovarim 10 milien. Na sapos yumi i no bisi long wokim wanpela samting long dispela nau, laip bilong yumi, ol pikinini na ol bubu bai bagarap tu. Dispela sik em i namba wan birua sik kantri bilong yumi i bungim na i nogut moa long ol arapela hevi we pait na mama graun i kamapim.

Tasol yumi gat sans yet. Yumi ken daunim tasol yumi mas wokim samting nau. Yumi gat tripela samting long paitim sik ya long en na em long Save, Laik pasin long helpim narapela na Komitmen o tingting i mas stap pas long wok yumi staitim.

1-Save - Sapos yumi save rot we yumi ken kisim binatang bilong AIDS, yumi mas was gut na wokim samting long abrusim dispela. Kisim binatang em bai yumi gat AIDS we bai kilim dai man. Yumi mas luksave long dispela. Toksave i stap.

Anglicare StopAIDs i save givim aut infomesen long dispela na Nesenel AIDS Kaunsel i

Stap long dispela wok. Yumi mas askim na bai yumi kisim ol dispela infomesen o save.

2- Compassion o laik pasin long helpim narapela - Ol lain i gat binatang pinis em yumi kolim ol HIV positiv lain na ol i laikim helpim long stap laip wantaim dispela sik longpela taim. Luksave na lukautim ol pipel i stap long hevi em i wok bilong yumi olsem Kristen manmeri na sapos yumi no wokim dispela, yumi no laikim Jisas. I no ol dispela lain tasol i gat binatang bilong AIDS i stap long hevi, tasol ol arapela tu. Ol famili, pren na komyuniti long ol lain i kisim sik AIDS i laikim helpim bilong yumi. Yumi lukim ol pikinini i nogat papamama i raun nabaut long rot long sik AIDS tasol. I no longpela taim nau na yumi olgeta bai gat hevi long dispela sik bikos ol lain yumi laikim inap gat dispela sik. Tanim baksait na sasim ol lain i gat binatang bilong AIDS i



no we bilong ol lain i bihainim Jisas

Komitmen - Long luksave bilong ol Kristen, marit em i olsem man na meri i mas pas wantaim wanpela narapela long laip. Bikpela luksave is tap long dispela na tupela man na meri i mas pas long wanpela narapela tasol. Olsem ol Kristen manmeri, yumi noken mas sem long bihainim dispela na wokim olsem. Stap pas tasol long wanpela poroman na noken wokim paul pasin wantaim ol narapela i gat bikpela wok bilong em long pait agensim sik AIDS. Long ol singel lain tu, luksave na bihainim gutpela Kristen pasin long "sexual morality" o pasin bilong slip wantaim wanpela narapela i bikpela samting. Pasin bilong slip wantaim narapela tasol yu no bisi na i wokim nabaut i no nogut pasin tasol, em i rong. Yumi olgeta i mas wok hat long daunim sik HIV/AIDS. i nogat rum long gat ol tingting olsem o, mi no inap long kisim dispela sik, nogat. Yumi ken daunim dispela sik. Em bai hat tasol yumi ken daunim sapos yumi putim strongpela laik long dispela.

Ol Kristen sios i mas go pas long soim rot. Ol manmeri i save harim yumi. Ol i lukluk long pasin bilong yumi. Yumi ken helpim long daunim pasin bilong no laikim o lukluk nogut long ol lain i gat binatang bilong AIDS. Yumi ken givim tok lukaut long birua na hevi we manmeri i kalap nabaut na slip wantaim planti poroman i ken bungim long en. Sios i gat longpela histri long lukautim ol lain i stap long hevi.

Tasol olsem wanem sapos yumi feil long luksave long ol samting i kamap nau na i no wokim samting? Bai yumi bungim Jisas olsem wanem long taim em i kam mekim kot long las de?

Em i taim pinis long yumi long pait agensim binatang bilong AIDS.

Mi singaut long olgeta Angliken Sios memba long kamap olsem "RED RIBEN SIOS".

Sampela toktok na tok sori long dai bilong Pop i kam long PNG wantaim Veronica Hatutasi

Pop John Paul 2 i bin namba tri long holim wok longpela taim long histori bilong ol Pop- long go pas long Katolik sios long wol. Em bin kisim 26 yia bihain long ol i makim em long dispela wok long Oktoba 14, 1978. Em bin raun long 126 kantri long olgeta hap bilong wol, moa yet long ol tet wol o ol liklik kantri long Afrika, Esia, Saut Amerika na Pasifik. Em i gutpela poroman bilong ol yangpela manmeri, em i namba wan Pop long kamapim pren pasin wantaim Muslim Sios, ol Jewis pipel husat i bin tok sori long ol long yia 2000 long ol birua Katolik Sios i bin wokim long ol bipo na olsem, em bin Pop bilong olgeta pipel.

Moa stori bilong Pop long pes 15-18.

MAUSMAN BILONG POP LONG PNG, APOSTOLIK NUNSIO, ASBISOP ADOLFO TITO YLLANA:

"DISPELA em i taim bilong tok tenkyu long Bikpela long givim Santu Papa olsem presen long yumi. Lewa bilong olgeta Katolik pipel na Kristen long wol i go aut long dai bilong em.

"Santu Papa em i trupela wasman bilong ol sipsip bilong em. Em i trupela tisa husat i bin mekim ol samting em i skulim long laip bilong em, em i laip piksa long trupela gutpela man.

"Em i Pop bilong pipel na wanem kantri em i go long en we PNG i wanpela long ol, em i givim wankain luksave na laik pasin i go long ol pipel.

"God Papa i bin givim yumi long gutpela presen we yumi mas lukluk long en na bihainim.

"Em i Pop bilong ol yangpela na ol bin laikim em tumas. Na planti yangpela pipel i save bihainim em na ol i harim ol toktok bilong em.

"Dispela em i bikpela samting bikos long kain stap tude, yumi no lukim planti yangpela i gat dispela kain laik na harim tok bilong ol bikpela manmeri.

I gutpela long yumi long lukluk long dispela na traime bihainim ol pasin na toktok bilong em we em i givim long yumi," Nunsio i tok.

Nunsio em i olsem ambaseda o mausman bilong Pop insait long PNG.



• Apostolik Nunsio.

Na bihainim dai bilong Pop, planti Katolik pipel, ol arapela lotu lain, ol bikman bilong gavman na ol lain i makim ol Hai Komisn bilong ol arapela kantri i wok long go sainim nem na putim ol tok sori toktok long Pop insait long wanpela buk long pies na opis bilong Nunsio long Korobosea long Mosbi.

Nunsio i tok bai Katolik sios i salim wanpela man long PNG i go makim sios long ol lotu bilong Pop we bai kamap long tumora.

Toksave long dispela bai kam long Vatiken yet. Nunsio i tok em bai i no inap long go bikos em bai makim opis i stap tasol narapela yet bai go.

Em i tok nau yet, Ol kadinel bai bung na 9-pela de bihain long ol i planim Pop, mak long 117 Kadinel bai bung na makim nupela Pop.

Pop John Paul 2 i bin kisim ples bilong Pop John Paul 1 husat i bin wok long 33 de tasol na i dai. Pastaim long en em Pop Paul namba 6 na pastaim long en em Pop John 23.

TOKTOK BILONG GAVANA JENEREL SIR PAULIAS MATANE:

"LONG makim ol pipel bilong PNG na olsem man i makim Het bilong Stet, Kwin Elizabeth 2, mi salim tok sori long dai bilong Santu Papa, leit Pop John Paul 2 na ol Katolik pipel long wol.

"Em bin kamap Pop long 1978 na em bin namba wan Pop husat i no bilong Itali bikos e mi kam long kantri Polen. Long dispela taim, mi bin makim PNG long Yunaitet Nesens long Wasington na mi na meri bilong mi i bin bungim na harim em taim em bin toktok long Yunaitet Nesens long dispela taim. Mi na meri bilong mi i bin bungim em 8-pela taim long ovasis na long PNG. Laspela taim mi lukim em long 1986 long Santu Peters Skwe we planti tausent pipel i bin bung na pre. Mipela i no sekan wantaim em tasol em bin pre na tromoim han i kam long mipela.

Katolik sios i gat moa long wan bilien memba long wol. Long laip bilong em,

Leit Pop John Paul 2 i bin bihainim trupela Kristen laip, givim wankain luksave long olgeta manmeri, maski ol i Katolik o ol i bilong narapela lotu. Em i gutpela piksa bilong lida long ol lida long PNG na wol long bihainim. Dispela i min olsem ol lida i mas karimaut gut wok long sevim ol narapela olsem i stap long skul bilong Jisas na PNG em i Kristen kantri. Dispela i stap insait long Mama to bilong yumi.

"Laip bilong em i piksa long olgeta yangpela pipel long wol. Inap yumi bihainim dispela long senisim pasin bilong yumi insait long laip bilong yumi na pasin bilong yumi long wok."

"Mi na meri bilong mi, ol wok manmeri long Gavman Haus na ol pipel bilong PNG i tok sori tru long lusim dispela bikpela lida na salim bikpela tok sori bilong mipela i kam. Mipela i tingim olgeta husat i save long Pop John Paul 2. (Sam 116:15).



Tingim Pop...Pramin Minista bilong Papua Niugini, Sir Michael Somare, i raitim tok sori bilong em long dai bilong Pop John Paul 2, insait long wanpela tok sori buk long wokhap bilong Mausman bilong Pop long PNG, Apostolik Nunsio, Asbisop Adolfo Tito Yllana, long Mosbi long Tunde. Foto: VERONICA HATUTASI

BISOP PETER FOX LONG MAKIM ANGLIKEN SIOS:

LONG olgeta Brata na Susa long Katolik Sios long PNG i kam long Angliken Sios long PNG.


Mipela i sori tru long harim nius long dai bilong Pop John Paul 2. Olsem wanpela i bin bungim hevi long sik na tu em i lapun, mipela i tok tenkyu long em i kisim malolo na mipela i save olsem em i stap long gutpela han bilong yu Sevia bilong mipela. Pop i dai stret long lsta taim yumi amamas long kirap bilong Bikpela Jisa na mipela i givim tok tenkyu long santu na amamas dai bihain long laip em bin stap long en wantaim dispela hop.

Tasol i gat sori taim tu bilong yumi. Papa Santu Pop John Paul 2 i bin pulim lewa bilong ol pipel long olgeta hap, ol Kristen na ol dispela i no Kristen. Em i kisim luksave long kain santu laip em bin bihainim na em i winim laik na luksave bilong ol pipel long wol long daun pasin

na strong bilong em. Bai yumi misim em, long dispela, mipela long Angliken Sios i serim taim bilong sori long Santu Papa wantaim yupela.

Long wankain taim, mipela i skruim bikpela tok sori long ol brata na susa bilong mipela long Katolik Sios long PNG. I pilim olsem mipela i lusim gutepla pren na brata na yupela i mas pilim olsem yupela i lusim papa bilong yupela. Mipela i pre long yupela na wantaim yupela.

Papa Santu i man bilong bildim o sanapim ol bris na em bin wok hat tru long Yuniti long Spirit we yumi bilipim olsem em i laik bilong God long ol pikinini bilong em. Tru, yumi no painim yet fut yuniti we yumi laikim tasol Pop John Paul i pulim yumi klostu stret long wanpela narapela na long tok tenkyu long laip na piksa bilong em, yumi stap wantaim wanpela spirit na tingting. Wantaim yumi ken amamas olsem em i kisim gutpela malolo long gutpela ples.



• Pop John Paul 2. Wanpela strongpela lida husat i soim gutpela piksa.

EUNICE ARAVA LONG MAKIM YUNAITET SIOS LONG PNG:

LONG makim Yunaitet Sios long PNG na olgeta sios lida na pipel bilong mipela, mipela i salim bikpela tok sori tru long famili bilong leit Pop John Paul 2 na ol Katolik sios pipel long wol long lusim lida, gutepla stia na piksa na spiritual lida.

Mipela i givim bikpela luksave long wanpela spiritual papa husat i gutpela modol o piksa na pren long planti manmeri long wol. Gutpela piksa long bikpela na gutpela lida yu lusim bihain i ken kamap olsem rot ol pipel long dispela graun i ken bihainim.

Nius Bilong HIV AIDS

Tok Lukaut



wantaim David Ephraim

PLANTI taim yumi save harim na ritim long niuspepa long AIDS. Na planti taim bai yu ting wanem em HIV/AIDS. HIV em binatang we i save bagarapim strong bilong bodi na AIDS em ol kainkain sik. Olsem na noken ting olsem HIV na AIDS em wankain.

Long tok piksa HIV em olsem birua soldia i kam pait wantaim ol soldia bilong yu o difens o strong bilong bodi bilong yu.

Bikpela pait i bruk tasol HIV soldia i gat moa pawa na ol i kisim i dai olgeta soldia bilong yu na yu nogat moa strong i stap.

HIV em dispela binatang na save wok long kilim i dai ol difens o immune system bilong bodi. Taim yu gat HIV em i no min olsem bai yu dai nating.

Yu ken stap long-pela taim tasol sapos yu no lukautim gut bodi bilong yu orait long dispela rot ol kain kain sik bai kamap insait long bodi bikos bodi bilong yu nogat moa strong long pait wantaim ol dispela ol sik. Em na yu tok AIDS nau.

AIDS em ol kainkain sik wok bung wantaim bikos strong bilong bodi i no moa gat strong long pait.

Olsem na tingim HIV em binatang husat i save kilim i dai ol strong bilong bodi na AIDS em ol kain kain sik.

Taim manmeri i gat HIV i dai, em i min olsem binatang o daunim difens o strong bilong bodi long pait wantaim ol kain kain sik na long dispela rot manmeri i save i dai long ol dispela sik na i no HIV.

HIV i save daunim strong bilong bodi na ol sik i save kilim manmeri i dai.

Long bungim ol dispela sik wantaim ol save man bilong helt i save kolim AIDS. Long nara-pela taim bihain bai mi toktok long rot we manmeri i save kisim HIV.

LONG Tok Lukaut mi laik toktok long sampela rot we yumi ken wokim long abrusim ol birua olsem HIV/AIDS, pasin raskol na pasin bilong salim bodi long mani.

Long tude i gat planti ol yangpela husat i no inap pinisim o edukesen sistem i rausim ol. Sampela nogat mani long baim skul fi.

Na i gat kainkain ol samting we i wokim planti yangpela stap nating long striit na i wok long kamapim kain kain ol birua pasin.

Long helpim ol dispela kain lain gavman, ol NGO na sios na yumi olgeta pipel mas kamap wantaim ol rot bilong kamapim ol samting we ken helpim ol long wok wantaim ol save bilong ol.

Taim gavman, ol NGO, sios na yumi ol pipel i no luksave long dispela samting bai yumi kisim bikpela hevi bihain.

Nau yet i gat sampela nait klab insait long Mosbi i wok long wokim strip so (danis as nating) askim i go long gavman na pipel bilong PNG.

Moabeta yupela mas traim long kamapim rot bilong helpim ol yangpela ol meri husat wok long wokim olgeta we bai ol i luksave long gut-pela rot bilong wokim mani.

Sapos yupela i no luksave ating planti kain ples olsem kamap nau bai yupela bai luksave.

HIV/AIDS kamap na stap pinis, inap long pasim yu na tingting bilong yu.

Luksave long Wol Helt De

Seketeri bilong Dipatmen bilong Edukesen Peter Baki i askim strong ol skul long givim bikpela tingting long het tok bilong Wol Helt De na dispela em "Make every mother and child count", o Mas kaunin olgeta mama na pikinini.

Mista Baki i tok dispela het tok em i bikpela samting bikos em i sut long ol pikinini.

"Mi tok sirong long olgeta skul i givim luksave long dispela de we i kamap tude Fonde Epril 7 bikos em i karamapim ol pikinini bilong tude na wanem samting yumi i mas mekim long mekim

laip bilong ol i helti na ol bai gat amamas long nau na bihain taim," Mista Baki i tok.

Long wankain taim tu, Nesene! Kapitel Distrik (NCD) bai holim Nesene! Helt Ekspo (ekspo em olsem so) 2005 long Sarere Epril 9 na Sande de namba 10 olsem hap millen luksave long amamasim bilong Wol Helt De.

Mista Baki i askim ol sumaitn long go long dispela so we bai kamap long Sir John Guise Indo Stadium. Sampela skul ol i makim ol bai stap insait long dispela so.

Mista Baki i tok Helt Ekspo em

i gutpela sans long kisim ol infomesen long ol kain sik na rot we yumi ken stopim ol.

Ol sumatin bai kisim ol tok stia long ol saveman long helt na kisim tu ol toktok long ol liklik buk, ol posta na niusleta ol i ken yusim tu long wok bilong ol long skul.

Mista Baki i bin tok ol sumatin i ken lainim planti samting i sut long sait bilong helt long dispela ekspo.

Nasional Niuspepa (Nesene! Niuspepa) i sapotim Dipatmen bilong Helt long putim kamap dispela ekspo.

Tok klia long nupela edukesen plen

NESENE! Edukesen Plen 2005-2014 em Gavana Jenerel Sir Paulias Matane na Dipatmen bilong Edukesen i bin lonsim tupela wik i go pinis long Mosbi.

Dispela plen bai skruim ol wok i stap pinis long NEP bilong 1995-2004.

Long dispela taim tu, nupela edukesen rifom i bin stat na bai nupela plen bai kisim dispela i go insait.

Long ol wik i kam, Wantok Niuspepa bai putim ol liklik hap nius long mekim klia long ol manmeri long ol samting we i stap insait long plen.



Bikpela Meri Bilong Edukesen...Piksa long misa bilong leit Rafaella Bengo long Santu Mary's Katolik Haus Lotu long Mosbi. Wanpela gutpela poroman bilong Mista na Misis Bengo, Praim Minista Sir Michael Somare i bin stap long dispela misa tu.

Leit Misis Bengo i bin wok wantaim Dipatmen bilong Edukesen long 38 krismas olsem wanpela tisa long komyuniti, hai skul na sekenderi level. Las long en, em bin wok wantaim Kurikulum Dipatmen long Gaidens seksen olsem Gaidens opisa taim em bin kisim sik na dai. Em bin wanpela gutpela piksa bilong ol meri long PNG. Foto: NEVILLE CHOI

Yau na mauspas senta skruim strong wok

LONG dispela taim, ol pikinini we mama i karim ol yaupas, mauspas na aispas pikinini na ol arapela manmeri tu we i bin bungim hevi na ol i no inap harim o i no inap toktok i gat sans long kamapim gut laip bilong ol.

Insait long kantri, ol i sanapim ol spesel skul we ol aipas, mauspas na ol arapela we i gat sampela kain hevi i ken go long em. Sampela long ol kain senta em long Maunten Zion Senta na skul bilong ol Blind o aipas long Goroka insait long Isten Hailens, Cheshire Homes na Spesel Trening Senta long Hohola long Mosbi na i gat ol arapela kain skul moa olsem long ol narapela provins.

Long Morobe provins, Morobe Spesel Edukesen Risos Senta (MSERC) i save helpim ol dispela kain pikinini na long dispela yia, em i karimaut namba wan Rurel Autris Program we em i kisim sevis i go long ol ples longwe long taun na ol hap bilong kisim sevis long en.

Senta inap long skruim dispela helt program i go aut wantaim mani helpim na sapot bilong Komyuniti Dvelopmen Skim (CDS) projek.

MSCRC i gat klinik bilong helpim ol lain i gat hevi long toktok na harim long Morobe provins ol i kolim long Hearing and Speech klinik i wok long helpim tru ol pikinini na ol bikpela manmeri long kisim tes na ol samting bilong helpim ol long harim toktok.

Long wankain taim tu, moa trening i wok long kamap long ol manmeri i ken karimaut wok bilong lukautim na skulim ol pikinini i mauspas na aipas.

I no long taim i go pinis, tripela wokman bilong MSCRC i bin karimaut ol wok sekap long moa long 200 pikinini na ol bikpela manmeri long ol ples namel long Hobu na Wagang insait long Nawae Distrik long Morobe provins. Bai ol i skruim yet program i go long Bukawa, Basong na Mutzing pastaim long nambawan raun bilong program i pinis.

Nau, planti samting i wok long kamap long Hearing na Speech Klinik.

Kodineta na supavaisa bilong trening long klinik, Peter Bartlett husat i wanpela volantia Odioologis o speselis long ol aipas lain i save wok long ples

Balarat long Australia long haus sik bilong ol aipas na mauspas i tok senta i karimaut ol trening long Toktok na Patoloji na Audio o long sait bilong lukluk we ol save lain bilong Australia i karimaut. Antap long dispela klinik i kisim tripela nupela wok-lain long helpim karimaut wok.

Nem bilong ol em long Philip Badawol i kodineta bilong klinik, Eric Honenu em wokman long Hearing Klinik na Foreting Yanta i save mekim ol "Ear mould" (yau mol) o ol samting long putim long ia long helpim man i harim toktok.

"Ol dispela yangpela man i amamas long kisim trening na lainim long givim tes long ol lain ia na mauspas, wokim ripot i go long ol mediket dokta na mekim ol yau mol long putim long yau na i ken helpim long harim," Mista Bartlett i tok.

Long wankain taim tu, helpim mani i kam long AusAID i helpim klinik long baim ol spesel mesin we ol liklik pikinini we krismas bilong ol inap long 6-pela mun i ken kisim tes long harim.

Long ol yia i go pinis, ol pikinini i mas gat tripela krismas bipo ol i go kisim tes long harim.

Mista Bartlett i tok i nogat planti hap long PNG we ol aipas na mauspas i ken kisim ol helpim samting na MSERC em i wanpela long ol dispela ples we i salim ol dispela helpim samting bihain long ol i karimaut tes.

Mista Bartlett i tok tu olsem ol lain i gat hevi long harim bai i no inap long wef longpela taim long kisim ol helpim yau mol bikos Mista Yanta i wokim ol long hap nau.

Pastaim ol i save wetim ol samting ya i kam long Australia long wanem klinik i save kisim mesamen bilong ol wanwan man na salim i go long Australia we ol i save wokim na salim i kam bek long PNG long givim i go long ol yaupas lain.

Mista Bartlett i tok olsem dispela klinik bilong ol yau na mauspas i sapotim tu ol bisnis haus bikos em i karimaut ol edukesen aweanes long hevi na bagarap nois i ken kamapim long ol woklain insait long wokples, na senta i save karimaut ol tes program i go long ol wokman bilong ol kampani.

Temu luksave long ol helt woka

TAIM luksave i go long ol helt woka na volantia insait long ol provins husat i mekim bikpela wok long traim daunim sik TB, askim i go long komyuniti, gavman na ol developmen patna long givim sapot na helpim bilong ol.

Bipo Seketeri bilong Helt na Minista bilong Lens na Fisikel Plening, Dokta Puka Temu, i bin wokim dispela singaut long amamas bilong makim Wol TB De.

PNG i gat pinis Dairek Obseva Tritmen Sotkos (DOTS) program we ol lain i gat sik TB i kisim marasin long skel na taim. Na ol i mas kisim na pinisim ol marasin long taim stret bilong em na kamp orait. Na sapos ol i bikhet long kisim marasin long taim, ol bai birua na givim sik long ol arapela.

Olsem na bikpela singaut em bin mekim em long painim dispela 15 pesen i gat sik TB husat i no save yet ol i gat dispela sik na ol i birua long wanem ol i wok long givim sik long ol narapela.

"Yumi mas painim dispela 15 pesen (%) manmeri i gat sik TB tasol ol i stap namel long pablik. Ripot long PNG long wok bilong pait agensim sik TB i no gutpela na kantri i stap bihain yet long dispela pait. PNG i wok long painim tasol tupela pipel wantaim sik TB long olgeta 10-pela man i gat TB.


"Na 8-pela manmeri i stap yet wantaim sik na i no kisim marasin o stap long DOTS program.

"Toksave i go aut long komyuniti em go aut na painim ol dispela lain manmeri i no kam insait long sistem bikos em ol tasol i wok long givim sik long ol arapela.

"PNG nau i gat 22 pesen mak long ol sik TB lain i kamap orait (aninit long DOTS program). Tasol yumi mas go antap long 75 pesen mak we Global Dvelopmen Milenium Gol i tok long kantri i mas inapim long en.

Na em i tok yumi mas wok bung wantaim long inapim dispela mak. Dokta Temu i tok PNG i gat bikpela wok yet long mekim.

- Veronica Hatutasi



Salim ol pas i kam
long WANTOK
NIUSPEPA: P.O.
Box 1982, Boroko
N.C.D 111
Fax: 325 2579
Email:
word@global.net.pg

Noken hariap long kilim bebi

Dia Edita,
Mi wanpela manki long Wau, Morobe provins na mi laik bekim tingting bilong Gavana Luther Wenge i bin kamaut long namba 3 de bilong mun Mas long dispela yia. Em long tingting bilong rausim nupela bebi long bebi. Dispela tingting bilong yu mi laik tokim yu olsem, gavman na sios bilong kantri PNG i putim lo pinis na i tok, tambu long kilim man. Dispela lo em i stap pinis. Na nau yu wanem kain nupela gavman laik kirapim nupela lo bilong rausim ol nupela o wara wara bebi long bel bilong ol mama. Yes gavana, ating aste tasol yu mas pinis skul bilong lo olsem na yu laik tingting long strongim dispela nupela lo we yu kisim long en. Mi laik tokim yu olsem, yu no inap tru long stopim ol

man na meri long wokim gaden bilong ol. Man na meri i mas wokim gaden na dispela kaikai bilong gaden mas helpim ol. God wokim man na meri long slip wantaim na bai tupela i gat kaikai. Dispela kaikai em wanem? Yu save long em tu o? Yes gavana, mi laik askim yu, yu save long wok gaden tu o? Sapos yu save long wokim olgeta na kamap bilong ol kaikai long gaden, orait noken kamapim bebi gen. Dispela tingting bilong rausim ol nupela bebi long bel em mi laik tok olsem em i no stret. Bikos Gavman na Sios bilong yumi i putim lo pinis olsem na yu noken opim rot long kilim ol man gen.

**JAY WAHAUWEC
WAU
MOROB PROVINS**

Sios em i gutnius bilong Krai

Dia Edita,
Mi bin ritim pas i stap long Wantok Niuspepa (Feb 24-Mas 2, 2005). Na pas i gat het tok "Wanpela sios tasol long Baibel". Planti man i save ting olsem: mipela i mas bihainim Baibel wanpela tasol. Tasol mi laik askim ol long wanpela samting. Wanem samting i kamap pastaim Baibel (N.T.) o Sios? Yumi mas bihainim Gutnius bilong Jisas Krai, em i tru. Tasol i nogat wanpela hap bilong Baibel we em i tok: Bihainim Baibel wanpela tasol". Dispela tok; "bihainim Baibel wanpela tasol" em i tok tok bilong man tasol. Taim Jisas i wokabaut long graun, em i autim Gutnius inap long tri yia samting. Na bipo em i go bek long heven, Krai i wokim Sios antap long Pita - Ston. Long nainpela yia samting nogat wanpela man i raitim Gutnius long pepa, tasol Sios bilong Jisas i stap na i wok long autim Gutnius long maus bilong ol wokman bilong em. Na bihain sampela wokman bilong Sios: Matiu, Luk, Mak, Jon, Pita, Poi, Jems ol i bin raitim tok bilong God long

pepa na Baibel (N.T.) i kamap. Dispela Sios, Krai i bin wokim antap long Pita. Jisas i tok: Na mi tokim yu Pita na bai mi wokim Sios bilong mi antap long dispela ston na strong bilong indai i no inap long daunim em (Mt 16:17). Taim Pita i dai (yia 64 AD), Sios i bin makim arapela pop, em Linus, bilong skruim wok bilong Pita. Linus i dai, orait Sios i makim narapela, em i Kletus na narapela, narapela i go inap nau. Olgeta taim Sios bilong Jisas i gat Lida (Pop) bilong lukautim Sios. Long taim Pita i stap (namba wan Pop) i go inap long nau (Pop Jon Poi II) i gat 264 ol Pop. Sios, Jisas i bin wokim antap long Pita i mas autim Gutnius long olgeta manmeri (Mt 28:18-19). Em i Sios olgeta taim na bilong olgeta ples. Long ples Latin em i min Katolik. Na dispela Sios tasol em i no inap long lus, o em i no inap long paol long autim tok tru. Jisas i promis: Strong bilong indai i no inap long daunim dispela Sios (Mt 16:18).

**FR. GEORGE
KUNDIAWA
SIMBU PROVINS**

Haus pamuk i kamap pinis long Wewak taun

Dia Edita,

Mi laik raitim dispela pas i go long Wantok Niuspepa na tok kros long wanpela bia klab i stap long Wewak taun we i save bungim ol pamuk meri o 2 kina meri na wokim ol pamuk pasin long spak na dring bia. Klostu long Wewak Peninsula hotel i gat wanpela poka pasin haus i stap na ol i salim bia na ol dispela paia rais o strit meri i save kam giaman salim smok na buai na wetim ol kastoma bilong ol long baim bia na givim mani long wok pamuk pasin.

Long olgeta gavman potnait long Trinde i go Sarere dispela haus i save hot na paia lait long ol pasin pamuk taim ol i spak pinis na longlong. Mi laik askim Is Sepik Provinsel Gavman long rausim laisens bilong dispela klab na stopim dispela pasin bikos dispela em i bringim sik nogut AIDS na binatang HIV i kam.

**JOHN KRISOAKI
WEWAK
IS SEPIK PROVINS**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na edres bilong yu long olgeta pas yu salim i kam, tenkyu. -Edita

Bihainim gut tingting bilong God

Dia Edita,

LIKLIK tingting bilong mi bihainim dispela hap tok we Memba na tu Gavana bilong Morobe Luther Wenge i bin tok long mekim kamap lo long kilim na rausim bebi bilong em (em Luther Wenge) nau i stap na kamap gavana? Sapos mama bilong yu i bin mekim dispela, long taim yet bai i nogat Luther Wenge tude laka? Luther Wenge, yu mas amamas olsem mama bilong yu i no bin mekim dispela kain pasin long rausim yu insait long bel bilong em. Olsem na nau yu stap. Tingting bilong yu em i no bihainim lo bilong God na tu save yu gat em husat i givim yu dispela save? Em bilong yu yet o God i givim yu? Na nupela bebi insait long bel bilong

mama em i man (human being) laip i pas long mama na i go long bebi na olsem em i stap laip. Maski sapos em i wara wara yet long bel bilong mama. Luther Wenge, yu mas save tu olsem, tupela man na meri i go wantaim na kamapim dispela bebi. Sampela oi i plen long kamapim bebi, na sampela em laik bilong bodi i strong tumas na tupela go het na slip wantaim na bebi i kamap. Yet, dispela bebi em i gat laip na em pulim win i stap long bel bilong mama. Husat man o meri i gat gupela save na klia tingting long save long gupela na nogut, bilong wanem em mas go na mekim nating? Na taim hevi i kamap olsem mama i gat bel nau, dispela i min em mas hariap na rausim bebi long bel bilong em? Nogat tru ya! Long wanem God tu i no oraitim dispela kain pasin i mas kamap. Olsem na yupela ol meri taim yu go aut wantaim boipren o

man bilong yu, plis tingting gut pastaim, yu redi tru long lukautim bebi o yu laik kisim filings tasol na dispela nau i kamapim hevi long yu? Luther Wenge, yu mas save tu olsem pasin bilong rausim bebi long bel bilong mama em ol kolim long inglis olsem Fes digri meda. Bikos dispela bebi em i gat laip na yu kirap na kilim man i dai - inglis ol tok 'cold blood murder'. Na tu dispela kain rausim bebi bai i opim rot long planti meri tude bai go het long mekim pamuk pasin i go moa bikipela i winim mak bilong nau. Long wanem? Ol bai no wari sapos ol i gat bel em bai ol go isi tasol na kilim na rausim long bel na ol i go het long mekim pamuk pasin na dispela kantri bilong yumi bai go bagarap tru.

**P.I.
LORENGAU
MANUS PROVINS**

Wanpela sios tasol long Baibel

Dia Edita,

BIHAINIM pas bilong Mark Dua, Church of Christ - June Valley, NCD olsem na mi putim aut wanem mi save long en. Mama sios tru bilong ol arapela sios, em Katolik Sios. Em i wanpela na i apostolik. Em sios Jisas i kirapim bilong mekim wok bilong Kingdom bilong God. Em sios hetman bilong em i stap long Rom. Olgeta arapela sios i bin harim tok bilong God long maus bilong Katolik sios tasol.

Santu Pita Apostel em i nambawan Pop bilong Katolik sios (Mat 16:15-19) long yia 30 i kam inap long (1978) Pope Joannes Paulus 2 i kamap 264 Pop bilong Katolik sios nau em i bin hotim wok i kam long dispela yia. Sios i statim tru wok bilong Jisas Krai long taim bilong pentikos. Holi Spirit i kam daun long ol Aposel na ol i go aut na autim gutnius bilong Jisas.

Long yia 1054 Otodoks sios long Is Yurop ol i tanim baksait long Pop. Long yia 1521 Martin Luther i lusim Katolik sios na statim Luteran sios. 1533 Jon Calvin i lusim Katolik sios na go pas long stat bilong Calvinist sios; 1534 King Henri 8 Ingran i no moa laik harim tok bilong Pop, stat bilong Angliken sios na planti moa ol sios i kirap i stap nau long PNG na wol olgeta.

**ALOIS MAXIE
KAVIENG
NU AILAN PROVINS**

Sikman nogat inap kaikai long Kundiawa haus sik

Dia Edita,

DISPELA komplek bilong mi i go long Sief Eksekutiv Opisa. Dokta Guapo, na namba tu bilong em DFA Sista Orpah Tugo olsem tupela katim kaikai bilong sik manmeri na pikinini, na nau ol kisim taim tru. Kundiawa haus sik i gat ol planti sikman, na ol i kam long olgeta hap long ol arapela provins tu. Ol i kam long Hagen, Mendi, Wabag, Goroka na tu sampela sik man bilong Madang na Lae tu i kam antap long Kundiawa haus sik bikos ol dokta bilong Kundiawa haus sik ol rait dokta maski ol bikipela bagarap i kam tasol yu kam long haus sik bilong Kundiawa bai yu orait olgeta. I gat moa long 250 ol sikman ol slip long haus sik. Long wan wan de 20kg rais, 6 tinpis, 2 paket bikipela suga, o 1 na hap bek kaukau wantaim liklik sup kukim na givim ol. Yu skelim ol sikman na kaikai i no inap long ol. Ol kuk kukim kaikai na skelim tu i no nap long ol. Planti taim ol sikman i go lukim DFA long kaikai na em i no mekim wanpela samting long ol. Mi laik save long Helt Dipatmen i gat mani bilong sikman kaikai o nogat? Mi lukim i no stret na mi askim.

**APA DILU
KUNDIAWA
SIMBU PROVINS**

Promis bilong Somare wara nating

Dia Edita,

Mi wanpela manki Wabag na tupela kris-mas mi stap long Wabag na mi kam bek long Mosbi na mi luksave olsem nogat wanpela samting i kamap hia long Mosbi. Yia 2002 Somare i promis long apim pe bilong ol wok manmeri na katim prais bilong tiket i kam daun olsem 50% o 60% tasol em i no mekim tru tru long ai bilong mipela o manmeri bilong PNG. Toktok bilong em i maus wara nating na mi askim Somare gavman long wanem taim yu katim balus tiket prais kam daun olsem 50-60%. Toktok bilong yu i go olsem maus wara na nau yu stap olsem Somare na yu mas apim pe bilong ol wokmanmeri na katim tiket prais i kam daun.

**JACOB TIPINGI
POT MOSBI**



WANTOK KOMENTRI

Wol i ken bung na wanbel

OLGETA manmeri long wol i ken bung na wanbel i ken stap tu o nogat?

Dai bilong Pop John Paul 2, nau i wok long soim olsem maski yu wanem kain lotu, gutpela man o man i mekim trabel bipo, maski yu praim minista bilong kantri o yu manki na pikinini nating, yu ken i gat wanbel na bel isi.

Planti manmeri long ol kain kain hap bilong wol nau i wok long luksave long strong bilong dispela wanpela wasman bilong Katolik Sios long ples daun.

Na yumi tu hia long Papua Niugini i noken lusim tingting long pasin bilong Pop John Paul 2 we raun bilong em i bin winim raun bilong olgeta arapela Pop bilong bipo.

Tru tumas, Pop John Paul 2 i no bin wanpela man nating.

Em i luksave long strong bilong bilip long bikman God Papa we pasin bilong laikim arapela i ken brukim olgeta kain banis na birua.

Nau long dispela taim we ol pait gan i pulap yet long han bilong ol pipel bilong mipela, bai mipela i ken tok nogat long pasin bilong bagarapim ol arapela?

Nau yet taim i save gat ol kros namel long ol lotu i stap long wol, mipela bai inap long givim bel isi long ol arapela manmeri bilong arapela lotu o nogat?

Long dispela taim we ol bikpela birua olsem sik na ol bikpela bagarap i kamap long wol, mipela i ken lainim wanem samting tru long indai bilong Santu Papa Pop John Paul 2?

Em i bin gat strongpela tingting long ol samting olsem pasin bilong yusim karamap bilong sem long taim bilong slip wantaim arapela, pasin bilong kilim bebi i stap yet long bel bilong mama, na pasin bilong kros namel long ol lotu.

Planti manmeri i no bin wanbel long ol dispela strongpela tingting bilong em, tasol mipela i mas askim, bilong wanem tru na em i bin gat dispela kain ol tingting.

Sapos mipela i glasim gut tingting bilong dispela Pop, bai mipela i ken painim wanpela bikpela as tingting i stap.

Em dispela luksave olsem laip bilong manmeri, maski mipela i bebi tasol na i stap yet insait long bel bilong mama, em i laip bilong man pinis. Na mipela man yet i no inap long pinisim laip bilong narapela man.

Long sait bilong yusim ol samting olsem kondom long pasim bel o long banis long ol sik nogut, as tingting i stap long bihainim gutpela laip na pasin.

Sapos yu bihainim gutpela laip na pasin, bai yu no inap long bagarapim tingting bilong yu long mekim ol kain kain pasin nogut.

Olgeta samting em i mekim i bin i gat as long en. Nau em i dai pinis, olgeta manmeri husat i bin kisim skul long laip bilong em i mas wokabaut bihainim insait long laip bilong ol yet.

Hailans Rijon o Gan Rijon?

NESENEL Gans Kontrol Komiti nau i mekim ron bilong em long Hailans rijon.

Siaman bilong dispela komiti em bipo komanda bilong PNG Difens Fos, Meja Jenerel Jerry Singirok. Taim dispela komiti na toktok bilong gan i no kamap, mi bin toktok long gan las yia long namba tri kolom bilong mi long dispela niuspepa.

Mi bin tok olsem hailans rijon i sindaun antap long wanpela taim bom. Dispela em ol toktok bilong mi long dispela taim.

"Long las wik i bin gat wanpela woksop bilong Pasifik Ailan Forum long Mosbi. Long dispela bung, Ekting bos bilong Politikel na Ligel Stadis bilong Nesenei Rises Institut, James Laki i tok ol bikman olsem ol politisen na bisnisman i save painim isi long kisim ol pistol na gan. Em i tok long dispela as na planti trabel pait na raskol pasin i kamap bikpela long Papua Niugini.

"James Laki husat em wanpela ami ofisa wantaim Papua Niugini Difens Fos (PNGDF) i tok tu olsem ol gan amori o ples bilong lokim ol gan bilong polis na ami em isi long ol gan i lus.

Dispela mun wanpela trabel pait i bin bruk namel long tupela hauslain long Apa Bena long Isten Hailans provins. Dispela



TOK PISIN
wantaim
PETER MAIME

raita i bin toktok wantaim Provinsel Polis Komanda, Suprintenden, Philip Solala, na em i tok 11-pela man i bin dai long dispela pait. Wanpela bilong ol husat i dai em wanpela liklik pikinini i pulim susu yet long mama.

"Ripot Suprintenden Solala i kisim long opis bilong em i tok olsem, ol pait man long dispela ol haus lain i bin yusim ol hom-met gan na tu ol strongpela gan em ol polis na ami i save yusim long mekim wok bilong ol.

"Dispela kain trabel pait wantaim gan em i no kamap long Isten Hailans tasol. Dispela hevi i stap long olgeta Hailans rijon. Em i stap long Simbu, Westen Hailans, Enga na Sauten Hailans provins.

Planti man, meri na pikinini i bin dai pinis long maus bilong gan long Hailans.

Planti bisnis tu i go long paia na ol famili i lusim ples na ronawe i go hait long bus.

Ol papa i sikirap long pait tasol ol mama na pikinini i save bungim hat taim long ren, kolwin na hangre.

"Tu ol rot bilong kar, bus i karamapim, i nogat bris, i nogat haus sik na i nogat skul bilong ol pikinini. Pait i save bagarapim ol gutpela sevis bilong ol pipel.

Planti ol hailans manmeri nau i ronawe i go long ol nambis ples long wokim bisnis, salim ol pikinini i go long skul na painim ol arapela sevis bilong gavman.

"I luk olsem dispela hevi bilong pait wantaim gan i no inap pinis. Planti taim ripot i save kam long niuspepa na radio olsem polis i save holim pasim ol stil gan long haiwe and long ol ples balus. Ripot tu i save tok olsem ol dispela gan em ol man i laik kisim i go long Hailans.

Bilong wanen na ol gan i laik go long Hailans olgeta taim? I gat wanem kain gutpela wok bilong ol dispela gan?

"Sapos gavman na ol lida bilong yumi i no mekim wanpela samting long stopim ol gan i ron nabaut long kantri, ating PNG bai bungim bikpela bagarap. Na em bai stat pastaim wantaim Hailans rijon".

Nau Nesenei Gans Kontrol Komiti i harim wanem kain toktok long hailans?

Lida mas sanap strong long gutpela taim na taim nogut

LIDA i gat wok long tingting long ol samting em wantaim ol arapela lida i ken mekim. Na em i no ken surik long tokaut long ol dispela samting, maski sapos ol pipel i no laikim em o em wanpela tasol i save tingim tok bilong em i stret. Taim ol



Ol prinsipol bilong gutpela lida
wantaim
Evangelist
OHARE JABERE

lain i mekim ol arapela kain, orait ol lida bai i beten na tingting long wok bilong God na tok long Baibel bai ol i redi long mekim wok bilong God. Na sapos arapela manmeri i kam na tokim hevi bilong ol, orait ol lida i no ken stori nambaut long dispela samting. Na sapos sampela lida i les o i gat planti wok na i no inap helpim yu, orait yu wanpela i mas bilip na i go mekim wok bilong kantri na sios.

Em i mas sanap strong maski em wanpela tasol i laik mekim wok. Baibel i gat stori bilong ol sampela man i gat biknem long wok bilong God. Planti taim ol dispela man i nogat poroman.

Ol i stap wanpis tasol. Abraham wanpela tasol i go painim nupela graun.

Na Josep em i stap wanpis long Isip na Moses wanpela tasol i go antap long maunten. Devit i nogat poroman taim em i pati long Golaia, na Ilaija em i stap wanpis na winim ol pris bilong God-bal.

Daniel wanpela tasol i bin beten long rum bilong em yet na bihain ol birua i putim em long hul bilong ol laion. Jeremaia na Ezekiel dispela tupela profet bilong God i no gat man bilong helpim tupela taim wanpela i autim tok bilong God long ol wantok.

I tru ol dispela man i stap wanpis, tasol yumi mas tingting long Bikpela Jisas yet. Em wanpela tasol i stap long Gaden Getsemani na i no gat man i helpim em long kot. Em wanpela tasol i hangamap long diwai kros. Taim em i

stap long Getsemani, ol tripela pren bilong em i slip tasol. Na Judas, dispela man i bin stap olsem disaipel bilong Jisas, em i kisim pe bilong putim Jisas long han bilong ol birua. Long Matyu 26:56 yumi lukim ol disaipel i ranawe long Jisas na taim Jisas i hangamap long diwai dros na karim sin bilong yumi, God Papa tu i lusim em (Matyu 27:46).

Tasol nau yumi Lida i ken save olsem sapos yumi hatwok tru long tingim gutpela rot bilong mekim wok bilong Lida tingim Jisas Krai Bikpela lida bilong yumi.

Gutpela taim o taim nogut lida i mas sanap strong olsem Lida tru tru bilong Papua Niugini. Sapos Lida stap wanpis tasol long taim Lida i mekim dispela wok, orait Bikpela Jisas bai i poroman lida na lida stap klostu tru long en (Hi 13:5; Matyu 28:20).

Dispela Wantok Niuspepa komentri laik tokim yumi long gutpela pasin bilong Lidasip yu save ritim na amamas o nogat yu ken ring long Mobail 684 0503.

WANTOK
Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Jeremy Burgess and printed by Pacific Star, P.O. Box 6817, Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Pop John Paul 2 1920 - 2005

1920 - 2005

Karol Josef Wojtyla, man we planti manmeri long wol i save long en long nem John Paul II stat long mun Oktoba 1978 taim em i kamap Pop, mama i bin karim em long Wadowice, wanpela liklik siti i stap 50 kilomita samting ausait long Cracow long Mei 18, 1920.

Em i namba tu long tupela pikinini man bilong papa bilong en Karol Wojtyla na mama Emilia Kaczorowska.

Mama bilong em i bin indai long 1929.

Bikpela brata bilong em Edmund, wanpela dokta, i bin dai long 1932 na papa bilong en, wanpela ami opisa i bin dai long 1941.

Em i bin mekim Fes Santu Komunio bilong em taim em i 9 krismas tasol na em i bin kisim sakramen bilong konfamasio taim em i 18 krismas.

Bihain long em greduet long Marcin Wadowita Hai Skul long Wadowice, em i enroll long Jagiellonian Yunivesiti long Cracow long 1938 na skul ekting na drama.

Ol ami bilong Jemeni i bin pasim yunivesiti long 1939 na yanpela Karol i bin wok long wanpela ples we ol i save brukim stor namel long 1940 na 1944. Bihain long en em i bin wok long wanpela kemikel faktori long mekim mani na abrusim rausim bilong em i go long Jemeni.

Long 1942 em i luksave long singaut bilong God papa long wok pater na em i statim skul pater long wanpela seminari long Cracow we i wok long hait na givim skul pater aninit long lukaut bilong Cardinal Adam Stefan Sapieha, as bisop bilong Cracow.

bilong French Dominiken, Garrigou-Lagrange. Em i pinisim doktoret bilong em long Tioloji long 1948. Long dispela taim we em i kisim malolo, em i bin mekim

long bikpela seminari long Cracow.

Long Julai 4, 1958 em i kamap Auxiliary Bisop bilong Cracow aninit long Pop Pius XII.

Long January 13, 1964, Pope Paul VI i makim em Asbisop bilong Cracow. Bihain long en em i makim em cardinal long Jun 26, 1967.

Long stat bilong wok bilong em olsem Pop long Oktoba 16, 1978, Pop John Paul II i mekim 104 raun bilong em ausait long Italy na 146 insait long Italy. Taim em i stapo Bisop bilong Rom, em i raun lukim 317 long 333 sios paris long Rom.

John Paul II i bin mekim 147 bietifikesen seremoni (we em makim 1,338 manmeri i kamap Blessed) na 51 kanonaisesen seremoni (we em i makim 482 manmeri i kamap Santu) long taim em i Pop. Em i bin mekim 9-pela consistories we em i makim 231 cardinal. Em i bin kamapim tu 6-pela plenary kibung bilong College of Cardinals.

Nogat wanpela arapela Pop i bin bungim planti manmeri olsem John Paul II i mekim: inap nau moa long 17,600,000 pilgrim i bin stap insait long ol Jenerel Audiens we i save kamap long olgeta Trinde (moa long 1,160).

Em i bin mekim 38 opisel raun bilong bung wantaim ol gavman minista bilong ol kain kain kantri. Na 738 kibung wantaim ol Heds ov Stet o bikman bilong ol kantri long wol. Em i bin bung wantaim 246 Praim Minista bilong ol kantri long wol.



Bihain long Seken Wol Woa, em i go het long skul bilong em long meja seminari bilong Cracow taim em i op gen na skul bilong tioloji long Jagiellonian Yunivesiti inap long odinesen bilong em long Cracow long Novemba 1, 1946.

Bihain tasol long en, Cardinal Sapieha i salim em go long Rom we em i wok aninit long lukaut

wok pastoral bilong em namel long ol imigren bilong Poland long France, Belgium na Holland.

Long 1948 em i go bek long Pland na em i wok olsem vicar bilong ol kain kain paris long Cracow na chaplain bilong ol yunivesiti sumatin inap 1951, taim em i go bek skul gen long Pilosopi na Tioloji. Em i bin kamap profesa long moral theology na sosol etiks

Mama na pikinini tingim Santu Papa

Veronica Hatutasi i raitim

WOL i krai long Santu Papa Pop John Paul 2 em bosman bilong Katolik Sios long wol husat i bin dai long samting olsem 5.37 long Sande moning Mas 27.

Maski ol i bilong ol arapela Kristen lotu na ol arapela lotu olsem Muslim, Jewis o wanem moa na ol i bilong wanem kantri na ol i gat wanem kain skin kala na wanem kain politiks ol i bilip long en, lewa na sori bilong olgeta i go aut long leit Pop John Paul 2.

Maski em i Pop bilong ol Katolik, em i Pop bilong olgeta pipei na ol yangpela.

Em i sutim lewa bilong olge-

ta long gutpela daun pasin na stia bilong em, pasin bilong luksave long olgeta pipel olsem ol i wankain, em i laikim gutpela sindaun long wol na em i no save pret o wansait long tokaut long ol samting i kamap long wol, maski ol i sut long sios, politiks, envaironmen, pait, ol yangpela na ol arapela samting.

Hia em stori bilong wanpela mama na pikinini husat i bin bungim Pop taim em bin kam namba wan taim long PNG long 1984. Na dispela bung na blesing we ol bin kisim i mekim ol i putim Pop olsem wanpela spesel bikman long laip bilong ol.

I GO MOA LONG PES 18





Pope long bipo...

Hia nau em ol piksa i soim laip bilong Karol Josef Wojtyla - Pop John Paul II:



• Manki husat bai kamap Pop - Pop John Paul 2 taim em i liklik manki i sanap kisim piksa bihain long em i kisim sakramen bilong Fes Komunio long as ples bilong em long as daiosis bilong Krakow, Poland.




• Soldia bilong Poland - 19 Krismas Karol Wojtyla i sanap holim rafel taim ol i sanap long pareit long Julai 1939. tupela mun pastaim long seken wol woa i kamap, em i bin go trening long wanpela kem long Westen Ukren long Isten Poland.



• Yangpela Cardinal - Pop John Paul 1 (Iep-han) i bungim Cardinal Karol Wojtyla taim em i Asbisop bilong Krakow. Em i bin kamap Pop long Oktoba 16, 1978.



• 'Mi nupela bisop bilong Rom' - Pop John Paul 2 i soim em yet long ol manmeri i sanap long Santu Peter Skwe long namba wan taim long mun Oktoba 16, 1978. Em i no kolim em yet olsem Pop, tasol 'nupela bisop bilong Rom, ol i singautim em kam long long we kantri'.



• Piksa bilong Pop - Pop John Paul II (Karol Jozef Wojtyla) bilong Poland, bihain long em i kamap Pop long 1978.



• Soim solidarity - Pop John Paul 2 i werim tumbuna klos bilong ol Poland long namba wan raun bilong em i go bek long as ples bilong en bihain long em i kamap Pop. Pop i bin toktok strong long ol pipel bilong Poland long pait long kamap fri.



• Taim em i bungim birua - Wanpela han i holim gan i makim na sutim Pop John Paul 2 taim em i sanap baksait long ka na ron namel long Santu Peters Skwe long Mei 13, 1981. Bihain long ol dokta i traim stretim em inap 41 aua olgeta, Pop i orait bek. Mehmet Ali Agca, man husat i traim kilim em i bin kisim luksave na abrusim mekimsave long mun Jun 2000. Wanpela mun bihain long Pop i tokaut olsem dispela birua em i bin tok klia pinis long wanpela long ol sikret bilong Fatima we tripela pikinini bilong Portugal i bin harim taim ol i bin lukim Mama Maria long 1917.



• Kisim gutpela win... Pope John Paul 2 i wokabaut lukim ples long ol Dolomait maunten long Julai 15, 1996.



Pope i raun...



• Sore long Holokos - Pop John Paul 2 i bungim Edith Tzirel, wampela meri husat i bin abrusim Holokos o kilim bilong ol manmeri bilong Israel long seken wol woa. Pop i bin givim luksave long ol Israel manmeri husat i bin lusim laip bilong ol long dispela taim na soim sore bilong en. Tzirel i bin tokaut olsem long liberesen de taim ol i bin go fri, wampela pater, Karol Wojtyla i bin givim kaikai long en na kisim em i go lukim ol arapela manmeri i bin ronawe abrusim dispela bikpela birua.



• Pop John Paul 2 i tok gutbai bihain long em i bung wantaim Asbisop Christodoulos, lida bilong Othodox Sios bilong Greece long Mei 4, 2001. John Paul em i bin namba wan Pop long go raun long Greece insait long 1,300 yia oigeta.




• Pop i bungim Yasser Arafat - Lida bilong Palestain, Yasser Arafat na Pop John Paul 2 i sikan long wampela praivet kibung long haus bilong Pop, Castel Gandolfo, klostu long Rom long mun Ogas 2001.



• Pait agensim krismas bilong en - Pop John Paul 2 i tromoi han taim em i kamap long ples bilong em long wikli jenerei odiens long Paul VI Hall long Vatican, mun Mas 2002.



• Givim luksave long Pop - Ol luksave long Pop long ol dispela kain samting bilong Katolik Sios. Wampela piksa bilong Pop ol i mekim wantaim glas long wampela windua bilong stua long Rom.



• Wari long Pop John Paul i go bikpela - Pop i lusim strong bilong en taim em i mekim misa long St Peters Skwe long Vatican long Oktoba 1, 2003. Planti manmeri i wari tru long em.



• Toktok long haus sik windua - Pop John Paul 2 i toktok long windua bilong rum bilong em long namba 10 floa long Gemelli haus sik bilong Rom long Sande, Mas 13, 2005 taim em i wok long lukim dokta long stretim pulim win bilong em.





1920 - 2005

Mama na pikinini tingim Santu Papa

I KAM LONG PES 15

Nem bilong mama em Selina Kili na pikinini bilong em Liberty.

Selina em i wanpela Katolik na em i bilong Is Nu Briten tasol em i marit long Buka Ailan. Famili bilong em i Katolik na ol i stap long Mosbi.

Pikinini bilong em Liberty i bin gat 9-pela mun tasol taim em i kisim blesing long leit Pop John Paul long Santu Mary's Katidrel long Mosbi long nambawan wokabaut bilong em long 1984, tasol nau em i gat 21 krismas na em i skul long Yunivesiti ov Teknoloji long Lae long Morobe provins.

Bikpela sori i bin kisim tupela mama na pikinini long harim dai bilong Santu Papa, man husat ol i save lukluk long em olsem stia na gutpela piksa long laip bilong ol.

Selina yet i stori nau:

"Mi kirap nogut na mi sori tru long harim nius long dai bilong Santu Papa tasol mi tok tenkyu long bikpela na gutpela wok em bai kamap orait tasol wol olsem wanpela lida we wol i luksave long en.

"Mi save bihainim ol nius na stori bilong em long radio, TV na niuspepa na moa yet, taim em i sik. Na mi wok long beten olsem em bai kamap orait tasol long bikmoning Sande, em i lusim yumi.

"Mi na bebi bilong mi i bin laki tru long stap insait long grup we mipela i bin bungim Pop na sekan wantaim na kisim blesing long em bihain long bikpela Misa lotu long Santu Mary's Katidrel long Mosbi. Mi bin laki tru long kasen bilong mi i givim mi wanpela tiket na mi na bebi bilong mi i bin nap long sekan na kisim blesing bilong Pop. Kasen bilong mi Thomas Bunbun i bin stap long grup i kam long Rabaul Asdaiosis long bungim Santu Papa. Mi save tokim Liberty olsem em i laki tru bikos long dispela grup, i nogat ol liklik bebi tumas na em i bin kisim kis na blesing bilong Bikman.

"Mi putim Pop John Paul 2 olsem rol modol o gutpela piksa long laip bilong mi. Taim mi bungim hevi, mi save putim pre i go long em long kisim i go long Papa God.

Taim mi harim dai bilong em long bikmoning Sande, mi sori tru tasol tingting bilong mi i bin sut stret long bikpela amamas i bin pulapim mi taim mi na bebi bilong mi i bin bungim em na em i blesim mipela, kis long bebi na sekanim mi. Long dispela taim, mi luksave long em olsem em i wanpela santu man na long laip bilong mi, em i kamap olsem wanpela gutpela stia.

"Mi nogat planti tingting nabaut tasol mi bilip olsem em i kamap santu stret nau. Em i narakain Pop husat i bin kamap gutpela pren bilong olgeta pipel long wol. Long mi na famili bilong mi, em i givim mipela gutpela blesing. Na dispela piksa mipela i gat long ol (tripela), em ol potografa bilong Vatiken yet i bin kisim na mipela i bin baim long K5 long Sen Joseph's Sios," Misis Kili i tok.

Wantok i bin kisim liklik toktok bilong Liberty taim em i malolo long klas bilong em long Yunitek we em i wokim fainel yia bilong em long Akitekisa.

"Taim mama i ring i kam na tokim mi nius long dai bilong Pop long Sande moning, mi kirap nogut na mi sori. Bikman antap i singautim em tasol em i lusim bikpela han mak bilong em long wol we em bin laikim gutpela sindaun na bel isi, wankain luksave long olgeta pipela bilong wol na ol narapela bikpela wok long sios na wol politiks.



"Mi pilim bikpela ona tru olsem em i bikpela samting long kisim blesing na Pop i kis long mi taim mi bebi na tingting bilong mi i bin go long dispela kwik-taim mama i tokim mi nius.

"Taim mi wok long groap, mama i save stori long mi na soim tu poto long mitupela i stap namel long ol narapela manmeri i kisim blesing na sekan long Pop. Poto i save hangamap long rum na husat narapela lain i kam long haus i save lukim. Mi gat bikpela luksave long Pop na taim mi bungim sampela hevi, mi save pre long em i karim prea i go long Papa God. Pop em i bikman, em i spesel long laip bilong mi na bai mi skruim luksave bilong mi moa yet long em," Liberty i tok.

Nem bilong mama em Selina Kili na pikinini bilong em Liberty.

Selina em i wanpela Katolik na em i bilong Is Nu Briten tasol em i marit long Buka Ailan. Famili bilong em i Katolik na ol i stap long Mosbi.

Pikinini bilong em Liberty i bin gat 9-pela mun tasol taim em i kisim blesing long leit Pop John Paul long Santu Mary's Katidrel long Mosbi long nambawan wokabaut bilong em long 1984, tasol nau em i gat 21 krismas na em i skul long Yunivesiti ov Teknoloji long Lae long Morobe provins.

Bikpela sori i bin kisim tupela mama na pikinini long harim dai bilong Santu Papa, man husat ol i save lukluk long em olsem stia na gutpela piksa long laip bilong ol.

Selina yet i stori nau:

"Mi kirap nogut na mi sori tru long harim nius long dai bilong Santu Papa tasol mi tok tenkyu long bikpela na gutpela wok em bin mekim long sios na wol olsem wanpela lida we wol i luksave long en.

"Mi save bihainim ol nius na stori bilong em long radio, TV na niuspepa na moa yet, taim em i sik. Na mi wok long beten olsem em bai kamap orait tasol long bikmoning Sande, em i lusim yumi.

"Mi na bebi bilong mi i bin laki tru long stap insait long grup we mipela i bin bungim Pop na sekan wantaim na kisim blesing long em bihain long bikpela Misa lotu long Santu Mary's Katidrel long Mosbi. Mi bin laki tru long kasen bilong mi i givim mi wanpela tiket na mi na bebi bilong mi i bin nap long sekan na kisim blesing bilong Pop. Kasen bilong mi Thomas Bunbun i bin stap long grup i kam long Rabaul Asdaiosis long bungim Santu Papa. Mi save

tokim Liberty olsem em i laki tru bikos long dispela grup, i nogat ol liklik bebi tumas na em i bin kisim kis na blesing bilong Bikman.

"Mi putim Pop John Paul 2 olsem rol modol o gutpela piksa long laip bilong mi. Taim mi bungim hevi, mi save putim pre i go long em long kisim i go long Papa God.

Taim mi harim dai bilong em long bikmoning Sande, mi sori tru tasol tingting bilong mi i bin sut stret long bikpela amamas i bin pulapim mi taim mi na bebi bilong mi i bin bungim em na em i blesim mipela, kis long bebi na sekanim mi. Long dispela taim, mi luksave long em olsem em i wanpela santu man na long laip bilong mi, em i kamap olsem wanpela gutpela stia.

"Mi nogat planti tingting nabaut tasol mi bilip olsem em i kamap santu stret nau. Em i narakain Pop husat i bin kamap gutpela pren bilong olgeta pipel long wol. Long mi na famili bilong mi, em i givim mipela gutpela blesing. Na dispela piksa mipela i gat long ol (tripela), em ol potografa bilong Vatiken yet i bin kisim na mipela i bin baim long K5 long Sen Joseph's Sios," Misis Kili i tok.

Wantok i bin kisim liklik toktok bilong Liberty taim em i malolo long klas bilong em long Yunitek we em i wokim fainel yia bilong em long Akitekisa.

"Taim mama i ring i kam na tokim mi nius long dai bilong Pop long Sande moning, mi kirap nogut na mi sori. Bikman antap i singautim em tasol em i lusim bikpela han mak bilong em long wol we em bin laikim gutpela sindaun na bel isi, wankain luksave long olgeta pipela bilong wol na ol narapela bikpela wok long sios na wol politiks.

"Mi pilim bikpela ona tru olsem em i bikpela samting long kisim blesing na Pop i kis long mi taim mi bebi na tingting bilong mi i bin go long dispela kwik-taim mama i tokim mi nius.

"Taim mi wok long groap, mama i save stori long mi na soim tu poto long mitupela i stap namel long ol narapela manmeri i kisim blesing na sekan long Pop. Poto i save hangamap long rum na husat narapela lain i kam long haus i save lukim. Mi gat bikpela luksave long Pop na taim mi bungim sampela hevi, mi save pre long em i karim prea i go long Papa God. Pop em i bikman, em i spesel long laip bilong mi na bai mi skruim luksave bilong mi moa yet long em," Liberty i tok.

Pop John Paul 2 bai slip long Vatiken



• Bodi bilong Leit Pop John Paul 2 i kisim blesing insait long St Peter's Basilica haus lotu long Rome.

BODI bilong Leit Pop John Paul 2 bai kisim olgeta ona bilong Roman Katolik Sios long Rom long Fraide moning.

Dispela em i toksave i kam long bikpela kibung bilong ol Kadinel we i bin kamap long makim de bilong misa bilong matmat na ples we ol bai planim bodi bilong Pop. Dispela bai bihainim rot bilong ol Pop bilong bipo insait long ol grotto i stap aninit long Vatiken na i no long as ples bilong em long Poland.

Ol 65 Kadinel husat i bin sindaun long dispela 2 na hap aua kibung em i moa long hap long 117 kadinel husat i gat krismas aninit long 80. Dispela i stap aninit long ol lo bilong konklev bilong makim nupela pop. Dispela wok bai i no inap go het yet inap long tupela wik. Wok ya i mas stat namel long tupela wik bihain long matmat bilong em. Dispela matmat bilong em i mas kamap insait long wanpela wik bihain long Pop i dai.

Ol kadinel i bin mekim tok promis long noken toktok long ol samting i kamap insait long kibung bilong ol bai ol i no inap long toktok long ol samting i kamap bihain.

Kadinel bilong Jemeni, Joseph Ratzinger husat i holim wok olsem Dean bilong College ov Kadinels bihain long Pop i dai bai go pas long misa bilong matmat bilong Pop. Dispela bai kamap long fran bilong St Peters long ai bilong 200 wol lida na inap long 5 milien manmeri.

Presiden bilong Yunaitet Stets George Bush bai i stap. Em bai namba wan Presiden bilong Amerika husat bai go lukim matmat bilong wanpela Pop.

Em bai stap wantaim ol arapela wol lida na moa long 100 heds ov stet.



Xerrox Studios go bek long asples

WANPELA long ol namba wan praivet musik rekoding studio insait long Pot Mosbi nau i karim olgeta masin bilong em i go bek long painim as ples bilong en.

Studio ya we em i bin kisim nem bilong en long namba wan ben i bin rekodim musik wantaim ol nau i sanapim pinis nupela opis bilong en long Buka Allan long Bogenvil.

Nau em i wok long rekodim ol ruts musik bilong ol stret bilong Bogenvil.

Ben Sirox na nem bilong en i makim ol wan wan ples long Bogenvil Ailan.

Si em tupela namba wan leta bilong nem bilong ples Siwai long Saut Bogenvil na ROX em pinis bilong nem "Torox" bilong makim Torokina long sentrel wes Bogenvil.

Taim SIROX i bin stat, em i kamap long wanpela famili tasol. Em dispela em Poowa famili bilong Siwai na Manguana famili we mama bilong ol em bilong Torokina.

Sirox ben i bin kamap long tingting bilong Cornelius Poowa na Emmanuel Manguana long 2000. Dispela tupela man i bin bungim dispela ben bilong amamas na pilai musik raun long ol nait klab long Mosbi. Ol i bin tingting long rekodim musik bilong ol long rilisim na salim ol yet.

Long 2001, ol Poowa na Manguana famili i bin bung na pasim tingting bilong rejstaim wanpela kampani wantaim Invesmen Promosen Atoriti bilong lukautim bisnis bilong Sirox.

Tasol dispela wok bung i no bin stap long taim na Emmanuel i bin bruk wanpela yia bihain na statim Cyclone Studios bilong em yet. Cyclone Studios nau i mekim nem pinis wantaim ol ben olsem Niu Age Band, Junior Insects na Pahutz Ben na sampela arapela.

Taim Manguana i lusim Sirox, Poowa Famili i bin painim wanpela nupela nem bilong kampani na ol i no laik yusim ol nem bilong Siwai na Torokina bilong wanem ol i yusim pinis.

Em nau Xerrox Studios i kamap.

Cornelius Poowa i stap wok olsem prinsipal bilong Xerrox Studios na Xerrox Ben na wantaim helpim bilong ol brata bilong em Vincent na Jeffrey, ol i rekodim ol Gospel musik albam olsem Love For The Lost bilong grup Fragile long 2003. Bihain long en, ol i rekodim 6-pela albam long 2004, wanpela solo musik albam bilong Baker Vele em i



kolim Way Of Life, wanpela bilong grup Miti Singers ol i kolim Miti Fio aninit long lidasip bilong wanpela Luteran Pasto. Pater Justin Ratsi, wanpela Katolik Pater bilong Buka i bin rekodim Love At First Degree. Wanpela miks Kerema-Manus grup, Waterworks i bin rekodim sampela gospel singsing, wanpela prodaksen i bihainim tingting bilong Convent Praise na namba 6 albam em Situation Life bilong wanpela solo musik atis Loxmhan.

Dispela nem Loxmhan i mekim mi tingim wanpela arapela yangpela musik atis



• **Dadiigii i bin wanpela atis i bin rekod wantaim Xerrox Studios taim em i yusim yet nem Arcmahn.**

Xerrox i bin painim husat i bin rekod aninit long nem Arcmahn husat i bin kamap namba wan nupela regel musik man, DADIIGII (Armstrong Gomara) man mi stori long en las wik.

Maski ol rekoding bilong Arcmahn i no bin kamaut long Xerrox Studios, ol arapela 6-pela albam nau i stap aninit long lukaut bilong CHM.

Cornelius i tokim mi olsem DADIIGII nau i wok long rekodim bek sampela long ol olpela singsing bilong em long dispela namba wan albam bilong em, Days of Ma Life.

Long pinis bilong las yia, Cornelius i bin tingting planti long bihain taim bilong em long rekodim musik bilong em long Mosbi taim ol kain kain liklik studio i bin kamap.

"Mi lukim olsem bai i hat wok moa long pulim ol nupela o biknem musik atis long rekod wantaim liklik nem studio olsem Xerrox olsem na mi paitim tok wantaim ol brata susa bilong mi long karim stu-



• **Bosman bilong Xerrox Studio long Bogenvil, Cornelius Poowa.**

dio i go aut long Mosbi. Ol i bin luksave long hat wok long bihain taim tu," Cornelius i tok. "Long stap laip na mekim mani long dispela indastri, wok bilong karim studio i go long arapela hap em wanpela rot tasol we mipela i ken makim na rekodim ol nupela musik atis. Na mipela i save olsem mipela inap painim long Bogenvil."

Klostu tripela mun i go pinis, ol Poowa brata i pekim olgeta rekoding masin bilong ol na makim pies stret.

Cornelius i painim wanpela hap spes insait long wanpela haus we Xerrox Studios i lukautim wantaim Bogenvil Auto Klinik. Tasol hevi nau i stap em studio i no inap long pasim olgeta pairap bilong ol masin na wok i kamap long woksop i stap long ausait.

"Mi bin tok orait long wanpela arensmen we ol ben i save kam long san long stretim olgeta musik bilong ol na bihain ol i go bek. Na long nait taim woksop i pas, ol ben i save kam bek gen long stretim ol vokols," Cornelius i tok. "Em i gutpela plen bilong rekodim musik nau mipela i stap long dispela hap, na mipela i rekodim pinis tupela nupela albam we ol i redi long rilisim nau."

Xerrox Studios long Buka i pinisim tupela musik albam, Highway To 4 bilong wanpela ben bilong Saut Bogenvil, Exile Natives, we ol i singsing long hevi bilong lusim as ples bilong ol na kam bek na stap long Buka Allan bihain long hevi bilong Bogenvil.

"mi no save ol manmeri bai pilim wanem long dispela albam taitel, tasol em i singsing long givim luksave long Buka Haiwe we i gat planti tok win olsem em i karim nem John Teosin Haiwe we i stat long Buka Taun na i go olgeta long isten sait bilong ailan, bihain em i tanim saut wes long Cape Hanpan na i pinis long Kessa Plantesen."

John Teosin i bin lida bilong wanpela bikpela kago kal long 1960s ol i kolim Hahalis Welfare Sosaiti.

Namba tu albam i pinis long Xerrox Studios em i wanpela gospel albam i kam long Kingsway Gospel, tupela man i kam long Saut Bogenvil na em i wanpela gutpela albam tru.

Cornelius Poowa nau i stap long Mosbi long produsim tupela albam na rekodim i go long kaset wantaim CHM husat i tok orait long distributim ol albam tu.

"Vincent na Jeffrey i wok long rekodim wanpela nupela ben bilong Selau eria, ol i kolim ol yet ACT 17, na dispela albam bai pinis long neks mun na ol wok i kamap pinis i soim olsem ACT 17 i ken kamap namba wan musik grup long Bogenvil yet."

Cornelius i tok em i wok long kisim bikpela helpim long Buka bisnis komyniti husat i sapotim sels bilong ol albam bilong bipo ol i rekodim long Pot Mosbi.

"Mi salim wok bilong mi, mi yet taim mi go long ol wan wan lain manmeri, mi pilaim musik bilong ol Menesa na sapos ol i laikim, ol i save

putim oda long hamas yunit ol i laik baim."

Bikpela sapot bilong em i kam long ol loko binis olsem Ameram Trading, Liberty Trading, Jomik, Ruhumo Trading na Bogenvil Auto Clinic na em i wok long lukluk long strongim namba bilong ol kastoma bilong em taim ol nupela rekoding bilong em i go aut long maket.


"Nau yet mi wok long wok long wanpela bikpela projek Chin H Meen i givim mi lon painim na makim ol Hevi Metel ben long rekod na rilisim long maket long Australia," Cornelius i tok. "Na mi go long hap rot pinis. Nau mi mas painim wanpela gutpela lit singa. Mi bai makim wanpela long wanpela odisen ekseais mi bai mekim taim mi go bek long Buka long wanpela o tupela wik i kam."

Xerrox Studios i bin toktok pinis wantaim wanpela grup long kantri Belgium ol i kolim ol yet Friends Of Papoea (Papua) long rekodim Bogenvil musik bilong tude we i gat bikpela maket long Yurop.

"Dispela bai bikpela tru bilong Xerrox na mi bai stat wok long en taim mi painim gutpela ples bilong sanapim studio bihain long dispela yia," Cornelius i tok.

Yu ken ritim ol stori bilong PNG musikman/meri long What's On with Raitman insait long Post Courier tasol, Trinde, olgeta wik.

Pablik soim belhat long Australia semim Sir Michael



YUMI FM NATIONAL WEEKLY HITPARADE Sarere April 9, 2005 Twisties i sponsa

Singsing	Musik Atis	Dispela Wik	Towescop	Itambu	
					10
			Meri Wantok	Sharzy	11
Rosie Marara	Sharzy	1	Six Pocket	Pikinini Black Bokis	12
The Way	Soul Harmony	2	Veuku	Pune Kapa	13
Lalatora	Sebeats of Sepoe	3	Sigi Mangi	Grumo Masalai	14
Poroman Lewa	George Telek	4	Promise	Itambu	15
Kande	DadiiGii	5	Mi Nao	Sharzy	16
Mi No Bin Tok	DadiiGii	6	Iti Bayama	Armstrong	17
Mi No Blik Sot Yet	DadiiGii	7	Dimigura	Bits & Pieces	18
Emsi	DadiiGii	8	Lili	Itambu	19
Tropical Fine	Oshen	9	Jombie Kunex	New Painim Wok	20

EMTV GAID

Fonde 7/04/05	Mande 11/04/05
5.30 JOYCE MEYER MINISTRY	4.29 STATION OPEN
6.00 NINE EARLY MORNING NEWS	4.30 US MASTERS GOLF
9.00 CREFFLO DOLLAR	9.00 CREFFLO DOLLAR
9.30 DR PHIL	9.30 CLASSROOM BROADCAST
10.20 EMTV PRIME TIME LINE UP	2.30 KIDS KONA
4.57 EMTV TOKSAVE	4.57 EMTV TOKSAVE
5.00 THE PRICE IS RIGHT	5.00 THE PRICE IS RIGHT
\$100,000 SUPER SHOWCASE	6.00 NATIONAL EMTV NEWS
NATIONAL EMTV NEWS	6.30 A CURRENT AFFAIR
6.30 A CURRENT AFFAIR	6.58 TOK PISIN NEWS UPDATE
6.59 LOTTO DRAW	7.00 LOTTO DRAW
7.00 CHM SUPER SOUND	7.01 PRAISE
7.57 EMTV TOKSAVE	8.00 INSAIT
8.00 SPORT SCENE	8.27 EMTV TOKSAVE
9.30 NRL FOOTY SHOW	8.30 WHO WANTS TO BE A MILLIONAIRE
11.00 AFL FOOTY SHOW	9.30 C.S.I CRIME SCENE INVESTIGATION
12.00 NIGHTLINE	11.00 EMTV NEWS REPLAY
0.30 STATION CLOSE	11.30 CHM SUPERSOUND
	00.00 NIGHTLINE
	1.00AM CLOSE

Fonde 09/04/05	Mande 11/04/05
4.59 STATION OPEN	5.29 STATION OPEN
5.00 CREFFLO DOLLAR	5.30 JOYCE MEYER MINISTRY
5.30 JOYCE MEYER MINISTRY	6.00 TODAY SHOW
6.00 US MASTER GOLF	9.00 CREFFLO DOLLAR
9.00 CLASSROOM BROADCAST	10.00 CLASSROOM BROADCAST
KIDS KONA	4.57 EMTV TOKSAVE
EMTV PRIME TIME LINE UP	5.00 THE PRICE IS RIGHT
4.57 EMTV TOKSAVE	5.30 CRICKET CONTINUES
5.00 THE PRICE IS RIGHT	6.00 NATIONAL EMTV NEWS
\$100,000 SUPER SHOWCASE	6.30 A CURRENT AFFAIR
NATIONAL EMTV NEWS	6.58 TOK PISIN NEWS UPDATE
6.00 NATIONAL EMTV NEWS	6.59 LOTTO DRAW
6.30 A CURRENT AFFAIR	7.00 HAUJ & HOME
6.58 NEWS UPDATE TOK PISIN	8.00 CHANGING ROOMS
6.59 LOTTO DRAW	8.27 EMTV TOKSAVE
7.00 TOK PIKSA	8.30 THE APPRENTICE
7.30 SURVIVOR PALAU	9.30 THIRD WATCH
8.27 EMTV TOKSAVE	10.30 EMTV NEWS REPLAY
8.30 FRIDAY NIGHT FOOTBALL	11.00 ER
10.30 AFL	00.00 NIGHTLINE
00.30AM STATION CLOSE	00.30 STATION CLOSE

Sarere 9/04/05	Trinde 13/04/05
8.00 PLANET FANTA	6.29 STATION OPEN
9.30 DOWNLOAD	5.30 JOYCE MEYER MINISTRY
10.00 SO FRESH	6.00 NATIONAL NINE EARLY NEWS
11.30 WORLD OF WILDLIFE	7.00 TODAY
12.00 SPECIAL: THE PACIFIC WAY	10.30 CLASSROOM BROADCAST
1.00 EMTV WIDE WORLD OF SPORTS	2.30 KIDS KONA
4.00 THE CAR SHOW	4.57 EMTV TOKSAVE
4.30 THE BOAT SHOW	5.00 THE PRICE IS RIGHT
5.00 ESCAPE WITH ET	6.00 NATIONAL EMTV NEWS
5.30 FISHING AUSTRALIA	6.30 A CURRENT AFFAIR
6.00 NATIONAL EMTV NEWS	6.57 TOK PISIN NEWS UPDATE
6.30 AUSTRALIA'S FUNNIEST HOME VIDEO	6.59 LOTTO DRAW
7.00 STARSTRUCK	7.00 PREMIER SPECIAL: MAKING OF HARRY POTTER FILM
8.30 SOUTH PACIFIC MUSIC	7.30 MCLEOD'S DAUGHTERS
9.27 EMTV TOKSAVE	8.27 EMTV TOKSAVE
9.30 XENA: WARRIOR PRINCESS	9.00 WEDNESDAY NIGHT MOVIE: STAR WARS / A NEW HOPE
10.30 HECULES	11.00 SOUTH PACIFIC MUSIC
11.00 EMTV NEWS REPLAY	11.30 EMTV NEWS REPLAY
00.00 CLOSE	12.00 NIGHTLINE
	12.30 STATION CLOSE

Sande 10/04/05
5.29 STATION OPEN
5.30 US MASTERS GOLF
9.30 BUSINESS SUNDAY
11.00 SUNDAY FOOTY SHOW
12.00 BOOTS 'N' ALL
12.30 GOOD SPORTS
1.00 AFL GAME
4.00 SUNDAY AFTERNOON FOOTBALL
6.00 NATIONAL EMTV NEWS
6.30 SEVENTH HAVEN
7.30 60 MINUTE
8.30 SUNDAY NIGHT MOVIE: HEARTS IN ATLANTIS
10.30 EMTV NEWS REPLAY
11.00 PRAISE-GOSPEL SONGS
00.30 STATION CLOSE



60 MINUTES
7.30 PM
EVERY SUNDAY

CATHOLIC RADIO 103.5 FM


Fonde	Mande	Turde	Sarere	Trinde	Sande
6.00 ANGELUS	6.05 SUNDAY EUCHARIST (replay)	6.00 ANGELUS	6.00 ANGELUS	6.00 ANGELUS	6.00 ANGELUS
6.06 MEDITATION/INSPIRATIONAL MUSIC	7.00 HOLY ROSARY	6.06 MEDITATION/INSPIRATIONAL MUSIC	6.05 MEDITATION/INSPIRATIONAL MUSIC	6.06 MEDITATION/INSPIRATIONAL MUSIC	6.06 MEDITATION/INSPIRATIONAL MUSIC
7.00 VATICAN RADIO WORLD NEWS	7.30 CATHOLIC INSIGHT	7.00 VATICAN WORLD NEWS	7.00 VATICAN WORLD NEWS	7.00 VATICAN WORLD NEWS	7.00 VATICAN WORLD NEWS
7.15 VATICAN ENGLISH PROGRAM	8.00 VATICAN WORLD NEWS	7.15 VATICAN ENGLISH PROGRAM	7.15 VATICAN ENGLISH PROGRAM	7.15 VATICAN ENGLISH PROGRAM	7.15 VATICAN ENGLISH PROGRAM
7.35 NON-STOP GOSPEL MUSIC	8.15 VATICAN ENGLISH PROGRAM	7.35 NON-STOP GOSPEL MUSIC	7.35 NON-STOP GOSPEL MUSIC	7.35 NON-STOP GOSPEL MUSIC	7.35 NON-STOP GOSPEL MUSIC
8.00 JOURNEY HOME (EWTN)	8.40 IN THE LORD'S VINEYARD	8.00 JOURNEY HOME (EWTN)	8.00 JOURNEY HOME (EWTN)	8.00 JOURNEY HOME (EWTN)	8.00 JOURNEY HOME (EWTN)
9.00 VATICAN RADIO WORLD NEWS	10.00 NON-STOP GOSPEL MUSIC	9.00 VATICAN RADIO WORLD NEWS	9.00 VATICAN RADIO WORLD NEWS	9.00 VATICAN RADIO WORLD NEWS	9.00 VATICAN RADIO WORLD NEWS
9.15 VATICAN ENGLISH PROGRAM		9.15 VATICAN ENGLISH PROGRAM	9.15 VATICAN ENGLISH PROGRAM	9.15 VATICAN ENGLISH PROGRAM	9.15 VATICAN ENGLISH PROGRAM
9.40 KIDS SING-ALONG		9.40 KIDS SING-ALONG	9.40 KIDS SING-ALONG	9.40 KIDS SING-ALONG	9.40 KIDS SING-ALONG
10.00 CATHOLIC JUKEBOX		10.00 CATHOLIC JUKEBOX (EWTN)	10.00 CATHOLIC JUKEBOX	10.00 CATHOLIC JUKEBOX	10.00 CATHOLIC JUKEBOX
10.30 GOSPEL MUSIC		10.30 GOSPEL MUSIC	10.30 GOSPEL MUSIC	10.30 GOSPEL MUSIC	10.30 GOSPEL MUSIC
11.00 NON-STOP GOSPEL MUSIC		11.00 NON-STOP GOSPEL MUSIC	11.00 NON-STOP GOSPEL MUSIC	11.00 NON-STOP GOSPEL MUSIC	11.00 NON-STOP GOSPEL MUSIC
12.00 ANGELUS		12.00 ANGELUS	12.00 ANGELUS	12.00 ANGELUS	12.00 ANGELUS
12.05 VATICAN WORLD NEWS		12.05 VATICAN WORLD NEWS	12.05 VATICAN WORLD NEWS	12.05 VATICAN WORLD NEWS	12.05 VATICAN WORLD NEWS
12.20 VATICAN ENGLISH PROGRAM		12.20 VATICAN ENGLISH PROGRAM	12.20 VATICAN ENGLISH PROGRAM	12.20 VATICAN ENGLISH PROGRAM	12.20 VATICAN ENGLISH PROGRAM
12.40 REFLECTION MUSIC		12.40 REFLECTION MUSIC	12.40 REFLECTION MUSIC	12.40 REFLECTION MUSIC	12.40 REFLECTION MUSIC
1.00 LAMB'S SUPPER WITH DR. SCHOTT HAHN		1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN	1.00 LAMB'S SUPPER WITH DR. SCHOTT HAHN
2.00 MUSIC		2.00 MUSIC	2.00 MUSIC	2.00 MUSIC	2.00 MUSIC
3.00 CHAPLET OF DIVINE MERCY		3.00 CHAPLET OF DIVINE MERCY	3.00 CHAPLET OF DIVINE MERCY	3.00 CHAPLET OF DIVINE MERCY	3.00 CHAPLET OF DIVINE MERCY
3.20 NON-STOP GOSPEL MUSIC		3.20 NON-STOP GOSPEL MUSIC	3.20 NON-STOP GOSPEL MUSIC	3.20 NON-STOP GOSPEL MUSIC	3.20 NON-STOP GOSPEL MUSIC
4.00 CATHOLIC JUKEBOX (ENCORE)		4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)	4.00 CATHOLIC JUKEBOX (ENCORE)
4.30 NON-STOP GOSPEL MUSIC		4.30 NON-STOP GOSPEL MUSIC	4.30 NON-STOP GOSPEL MUSIC	4.30 NON-STOP GOSPEL MUSIC	4.30 NON-STOP GOSPEL MUSIC
5.00 JOURNEY HOME		5.00 JOURNEY HOME	5.00 JOURNEY HOME	5.00 JOURNEY HOME	5.00 JOURNEY HOME
6.00 ANGELUS		6.00 ANGELUS	6.00 ANGELUS	6.00 ANGELUS	6.00 ANGELUS
6.05 MADANG LOCAL NEWS		6.05 MADANG LOCAL NEWS	6.05 MADANG LOCAL NEWS	6.05 MADANG LOCAL NEWS	6.05 MADANG LOCAL NEWS
6.10 VATICAN ENGLISH PROGRAM		6.10 VATICAN ENGLISH PROGRAM	6.10 VATICAN ENGLISH PROGRAM	6.10 VATICAN ENGLISH PROGRAM	6.10 VATICAN ENGLISH PROGRAM
6.30 LAMB'S SUPPER WITH DR. SCHOTT HAHN		6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN	6.30 LAMB'S SUPPER WITH DR. SCHOTT HAHN
7.00 HOLY ROSARY		7.00 HOLY ROSARY	7.00 HOLY ROSARY	7.00 HOLY ROSARY	7.00 HOLY ROSARY
7.30 CATHOLIC INSIGHT		7.30 CATHOLIC INSIGHT	7.30 CATHOLIC INSIGHT	7.30 CATHOLIC INSIGHT	7.30 CATHOLIC INSIGHT
8.00 VATICAN WORLD NEWS		8.00 VATICAN WORLD NEWS	8.00 VATICAN WORLD NEWS	8.00 VATICAN WORLD NEWS	8.00 VATICAN WORLD NEWS
8.15 MADANG LOCAL NEWS		8.15 MADANG LOCAL NEWS	8.15 MADANG LOCAL NEWS	8.15 MADANG LOCAL NEWS	8.15 MADANG LOCAL NEWS
8.30 VATICAN ENGLISH PROGRAM		8.30 VATICAN ENGLISH PROGRAM	8.30 VATICAN ENGLISH PROGRAM	8.30 VATICAN ENGLISH PROGRAM	8.30 VATICAN ENGLISH PROGRAM
9.00 TOK STREET LONG HVAIDS		9.00 TOK STREET LONG HVAIDS	9.00 TOK STREET LONG HVAIDS	9.00 TOK STREET LONG HVAIDS	9.00 TOK STREET LONG HVAIDS
10.30 VATICAN ENGLISH PROGRAM		10.30 VATICAN ENGLISH PROGRAM	10.30 VATICAN ENGLISH PROGRAM	10.30 VATICAN ENGLISH PROGRAM	10.30 VATICAN ENGLISH PROGRAM



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Albizia saman (rain tree)



Nem bilong en: ren tri, monkey pod diwai, saman

Ples diwai i kam long en: I kam long Wes Indis na nau em i stap groa long olgeta hap bilong tropiks na i kamap long planti kantri tru.

Groa bilong dispela diwai: Em i wanpela bikpela diwai we i save groa inap long 45 mita na namel bilong em i 2 mita samting. Bikpela bilong het bilong diwai em namel long 55 na 60 mita. Skin bilong en i braun na bilak, na taim em i save groa, em i save kamap rap. Longpela bilong ol lip em namel long 15 na 30 cm, em i no sap long as na het bilong lip tasol em long het bilong em stret em i save go sap. Ol lip i bikpela moa long het bilong en na i winim as bilong em. I save gat namel long 12 na 16 long auta pinnae bilong en na namel long 6 na 10 long lowa pinnae. Flaua bilong em i

save groa planti planti, kala bilong em i pink na em i save groa wan wan o planti long wanpela bikpela grup, na i save groa kamaut long kona bilong ol lip we bikpela bilong em i namel long 5 na 7 cm. Mit bilong ol sidling i malumalu, longpela bilong en i save groa namel long 12 na 25 cm na namel bilong em i 2cm.

Ples we em i save groa: Em i save groa long ol ples we sari i save strong na kol bilong en i stap long mak bilong 22 digris na i save groa gut 700 mita samting antap long mak bilong solwara, we mak bilong ren i save stap namel long 600 na 2500 mm na ples drai i save kamap aninit long 6-pela mun. Em i save laikim lait tasol em i ken groa long kain kain graun.

Bikpela bilong em: Long ol ples i hat na wet, em i save groa bikpela na i gat bikpela ruts o rop na het bilong em i save hevi bihain long 40 na 50 yia.

Yu ken yusim dispela diwai: Ol i save yusim dispela diwai long givim kol long san namel long ol gaden. Yu ken yusim diwai bilong en long mekim ol kaving o sia na tebol, mekim haus, ol bot na plaiwut. Em i gutpela paiawut. Yu ken yusim ol lip bilong mekim rup bilong haus na ol i save kaikaim tu pikinini diwai bilong en. Em i gat gam na resin o samting olsem glu.

Rot bilong groim: Em i save groa gut long sid.

Menesmen bilong diwai: Em i wanpela gutpela diwai bilong groim long sait bilong rot taim em i yangpela yet. Tasol long ol ples i hat na wet, em i ken groa i go bikpela tru na het bilong diwai i ken hevi bihain long 40 na 50 kris-mas.

McCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg
"Long kisim tok stia long olgeta wok diwai"

Bisnis bilong kakao bai kirap

WOK bilong kamapim kakao (cocoa) bai kirap long ol tupela yia long kam.

Niusleta bilong Rural Industries Council (Rural Industries Kaunsel, RIC) ol i save kolim Agrikalsa Bun bilong Papua Niugini i tok olsem long 2003 mak bilong ol ekspot bilong kakao, o kakao Papua Niugini i salim i go ovasis, bai i stap long 40, 439 tonnes (tans) na mani mak bilong en bai inap long K258 milien. Mak bilong ekspot i bin i go antap liklik long 40, 493 long 2003 i go long 41, 717 las yia, tasol i bin go daun olgeta bihain long dispela bikos ol prais bilong kakao long wol maket i bin go daun long dispela taim.

Tasol RIC i lukim olsem na mak bilong ol ekspot bilong kakao we i bin 41, 717 las yia, bai i go antap long 42, 325 long dispela yia. Na dispela mak bai i go antap yet neks yia long 43, 451.

RIC i bilip olsem mak bilong ol ekspot bai i go antap bikos ol groa i bai planim moa kakao nau bikos prais bilong kakao i wok long i go antap gen; Wok bilong planim kakao long Bogenvil bai kirap inap long 10 pesen (%); na ol groa bai yusim ol haibrid kakao we i save gro hariap moa.

RIC i tok olsem i luk olsem PNG i gat inap long wan milien manmeri husat i save mekim wok bilong kamapim kakao.



• Wan milien manmeri long PNG i save wok kakao. FAIL POTO

SBDC go pas long trening

SMOL Bisnis Developmen Koporesen (SBDC) na Nesanel Fiseris Atoriti (NFA) i bin sainim wanpela Memorandum ov Andastending (MOU) long kamapim developmen bilong wanpela trening program bilong ol liklik fiseris bisnisman na meri. Dispela trening bai skruim wok

trening SBDC i mekim pinis aninit long 'Statim na Strongim Fiseris Bisnis bilong Yu' program.

SBDC i wok long go pas long dispela Statim na Strongim Bisnis bilong Yu (SIYB) program we em i namba wan trening program insait long Papua Niugini

nau.

Dispela SIYB program i bin stat insait long kantri long 1996. Tete, dispela program i save kamap insait long moa long 150 patna ogenaisesen na i gat moa long 270 trena husat i ken givim dispela trening program long ol arapela manmeri long kantri.

Dispela trening program i save kamapim ol wanwan trening program we i sut stret long ol liklik taget grup olsem fiseris, timba, agrikalsa na ol arapela lain husat i nogat inap taim bilong mekim ful taim trening.

PNG Program Opis bilong Intanesenel Leba Ogenaisesen (ILO) i kamapim namba wan trening program long wol bilong fiseris sekta insait long kantri.

Dispela SIYB program i save kamap long olgeta hap long wol, tasol PNG tasol i gat wanpela we mipela yet i kamapim bilong yusim insait long fiseris sekta long hia.



• Menesing Dairekta bilong SBDC, Brian Komun na SIYB Nesanel Menesa Tibawi Longai i makim SBDC na sainim MOU wantaim NFA. Poto: NEVILLE CHOI

Cat® Skid Steer Loaders

- 216
- 226
- 228
- 232
- 236
- 242
- 248



Engine performance and operator comfort maximise production.

Smooth, Easy Controls

- Two hydraulic joystick controls require only minimum wrist/hand movement, greatly reducing operator fatigue.
- Auxiliary hydraulics are actuated by a thumb-operated rocker switch on the joystick.
- Hand-throttle allows you to run at a constant speed, or an accelerator pedal can be used during load and carry, excavating or backdragging.

Operator Comfort

- Optional suspension seat adds operator comfort.
- Clear view of the work tool reduces operator fatigue and increases productivity.

Power and Versatility

- The Cat 3034 Engine is proven and reliable.
- Powerful hydraulics deliver outstanding lift and breakout forces.

Hastings Deering




PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



Harim TOK PISIN long
Radio Australia 101.9FM Port Moresby

Tok Pisin Service
6am - 7am: 6080; 7240(KHZ)
7pm - 9pm: 5995; 6020; 9710; 1280(KHZ)

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun Mas 2005

MANDE Moning 6AM 6.30AM 6.55AM 7AM Nait 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op - Nius na Karen Afeas Ol Heltain - Musik na Chat Heltain na Musik Stesen Pas
TUNDE Moning 6AM 6.30AM 6.55AM 7AM Nait 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op - Nius na Karen Afeas Nius Heltain - Musik na Chat Heltain na Musik Stesen Pas
TRINDE Moning 6AM 6.30AM 6.55AM 7AM Nait 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op - Nius na Karen Afeas Ol Heltain - Musik na Chat Heltain na Musik Stesen Pas
FONDE Moning 6AM 6.30AM 6.55AM 7AM Nait 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op - Nius na Karen Afeas Ol Heltain - Musik na Chat Heltain na Musik Stesen Pas
FRAIDE Moning 6AM 6.30AM 6.55AM 7AM Nait 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op - Nius na Karen Afeas Ol Heltain - Musik na Chat Heltain na Musik Stesen Pas
SARERE Moning 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op Ol Heltain na Program Priviu Musik na Chit-Chat Nius na Karen Afeas Serah (Famili bilong Serah) Musik NIUS Musik na Chit-Chat Musik Stesen Pas
SANDE Moning 7PM 7.01PM 7.15PM 7.30PM 8PM 8.15PM 8.30PM 8.40PM 8.55PM 9PM	Stesen Op Ol Heltain na Program Priviu Musik na Chit-Chat Nius / Serah Riplei Riviu NIUS Musik na Chit-Chat Musik Stesen Pas

PASIFIK NIUS

Ol Pasifik na Esia lida soim bel amamas long Pop John Paul 2
 OL BEL sori na amamas i kamap raun long wol long Pop John Paul 2 i dai long Rom i pinisim 26 yia em bin stap olsem hetman bilong Katolik Sios long wol.

Dispela spirituel lida bilong 1.1 bilien memba bilong Katolik Sios i bin dai tupela de bihain long lewa na kidni bilong em i stop long wok, na tupela mun em i bungim bikipela hevi long sot win na ol narapela hevi long bodi. Krismas bilong em 84.

Ol lida bilong Esia-Pasifik i stap namel long ol lida i tokaut long bel sori bilong ol.

Praim Minista bilong Papua Niugini, Sir Michael Somare i tokaut long bel sori bilong em na i tok Pop i wanpela long ol bikipela lida tru long ol taim nau yumi stap long en.

Sir Michael i tok em i bin save wok strong bilong strongim fridom, bel isi bilong ol kain kain lotu na jastis bilong olgeta man na meri long graun.

Pope i bin raun go long Papua Niugini long 1984 na 1995.

Indonesia em i gat bikipela Muslim manmeri long wol i soim bel sori bilong em long Pop na i tokaut long Pop olsem

husat i kisim ples bilong em bai bihainim wok bilong em na go pas long promotim gutpela sindaun long wol.

Ol Muslim lida i bin joinim Presiden Susilo Bambang Yudhoyono na ol narapela bikman bilong lotu na i tok, wol i lusim wanpela bikipela lida tru.

Kwiktaim Presiden i salim wanpela toksave bilong bel sori i go long Valiken.

Siaman bilong namba tu bikipela Muslim ogenaisesen bilong Indonesia, Muhammadiyah, i bin tok amamas long wok bilong Pop long global peace.

Ahmad Syafiqi Maarif i tok em i bin wanpela lida i bin pait bilong wol pis.

Ol i bin holim ol lotu bilong Pop insait long ol Katolik sios long olgeta hap bilong kantri, we ol Katolik Sios memba i gat 5 pesen mak long 214 milien pipel bilong Indonesia

Pasifik Katolik Bisops Konferens luksave long Pop John Paul 2
 SEKETERI Jenerel bilong Pasifik Katolik Bishop Konferens Pater Roger McCarrick i tok Pop John Paul 2 i bin save gut long rijon na bai ol Katolik kongrikesen long olgeta hap blong Pasifik bai i

sori tru long em i dai pinis.

Pater Roger i tok lukluk raun bilong Pop i go long ol Pasifik kantri tupela taim i bin helipim long strongim bilip bilong Katolik Sios.

Em i tok dai blong Pop i mekim ol Bisop bilong rijen wantaim ol arapela kain pilim olsem nau ol i lus lain bikos ol i lusim Papa bilong ol.

Samoa na America Samoa i flaim flek long hap mas
 TUPELA Pasifik Teritori bilong Samoa na American Samoa nau i flaim flek bilong tupela hap-mas bihainim dai bilong Pop John Paul 2.

Hetman bilong lotu Katolik long Samoa Asbisop Alapati Mata'eliga, i bin tokaut tu olsem ol Katolik skul bai pas long tumora Fraide, de em matmat bilong Pope bai kamap.

AFP asisten komisina bai kamap nupela Solomons polis komisina
 OL I ting bai ol i tokaut long nem bilong Australia Polis Asisten Komisina Shane Castles long kamap nupela Komisina bilong Polis long Solomon Ailan.

Mista Castles i lusim pinis 28 yia wantaim Australia Federal Police.

Em i bin kodineta bilong AFP Risos wantaim RAMSI, Rijinel Asisten Misin long Solomon Islands.

Mista Castles bai kisim ples bilong Polis Komisina William Morrell husat bai go bek long Briten long wik bihain.

Mista Morrell i tok em i bin laki long holim dispela wok long wanem em i bin go pas long sampela bikipela senis insait long tupela yia em i holim wok.

Esia Pasifik saveman i no wanbel long gavman bilong Australia
 HETMAN bilong Australian Asia Pacific Institut i no ting gavman bilong Australia i mekim stretpela pasin taim em i tok em i no sapotim ol indipendens muvmen long Indonesia.

Praim Minista bilong Australia John Howard long dispela wik i bin sainim wanpela join deklaresen o bung toksave namel long Australia na Indonesia wantaim Indonesia President Susilo Bambang Yudhoyono bilong wanpela bikipela wokbung namel long tupela kantri.

Mista Howard i tok klia gen long Australia polisi olsem, em i no sapotim ol grup insait long Indonesia husat i laik bruk lusim kantri.

WOL NIUS

Indonesia Presiden lusim Australia i go long NZ
 PRESIDEN bilong Indonesia, Susilo Bambang Yudhoyono, i bin lusim Australia i go long Nu Silan long aste moning.

Australia i redi pinis nau tu long lukluk raun bilong ol arapela bikman bilong Esia.

Ol i bin tok welkam long Praim Minista bilong Malesia wantaim 19 gun salut long Fairbairn Airforce Base klostu long Canberra taim em i kamap long aste nait.

Abdullah Badawi bai bungim Praim Minista John Howard na ol Gavman Minista long nau nait, pastaim long em i sinaun kaikai wantaim ol bikman na bikmeri bilong Australia long tude belo taim.

Ol Seaking helikopta go yet long Nias
 WANPELA Nevi Seaking helikopta bilong Australia i go long Nias Ailan long Indonesia sampela de tasol bihain long wanpela arapela Seaking helikopta i bin bungim birua na kilim 9-pela Australia Difens Fos soldia long ailan.

Difens Dipatmen long Australia i tok ron bilong dispela Seaking helikopta i go long Nias nau i bin wanpela imejensi ron ol i mas mekim bilong givim marasin long wanpela long ol lain husat i wok long painim aut moa long birua i bin kamap long wiken i go pinis.

Aste Nevi bilong Australia i bin tok ol i pasim pinis olgeta Seaking helikopta long noken ron bihainim birua long wiken, tasol Difens Dipatmen i tok tingting bilong pasim ol pastaim bai i malolo liklik tasol long ol na i tok, ol i ken yusim yet ol Seaking helikopta long ol taim we samting nogut i kamap na ol i mas hariap long helpim.

Namba tu helikopta i bin orait na i bin go bek long Nevi sip bilong

Australia HMAS Kanimbla.

Ol i kisim bodi bilong Pop i go long St Peter's Basilika
 OL I karim pinis bodi bilong Pop John Paul 2 insait long wanpela seremoni lusim Vatican na St Peter's Square i go long ples ol i kolim, Altar of the Faith, insait long St Peter's Basilika.

Planti tausen manmeri insait long skwe i bin paetim han taim ol i karim bodi i kam raun long hap ol i sanap raun long en.

Ol i ting klostu long 2 million manmeri bai i go lukim bodi bilong Pope insait long dispela tripela de na nait, pastaim long misa bilong matmat bilong en i kamap long Fraide.

Wanpela long ol, ol i ting Philippines President Gloria Arroyo bai stap namel long ol arapela wol lida insait long dispela bikipela misa long Fraide.

India i plen long kamapim lo bilong stopim bagarapim ol lain i gat HIV
 GAVMAN bilong India i tingting long kamapim wanpela lo long stopim pasin bilong mekim nogut long ol pipel i karim binatang HIV na i gat sik AIDS.

Helt Minista bilong India, Anbumani Ramadoss, i tok ol i raitim pinis dispela bil bai ol i karim i go long Palamen.

Samting olsem 5.1 milien pipel insait long India i kisim pinis dispela binatang bilong HIV.

Na planti bilong ol i save painim birua long han bilong ol arapela manmeri long wanem planti tausim moa pipel i no save long dispela sik, maski ol i kamapim planti ol pablik helt kempein pinis.

Luksave long mipela husat i wok long ABC Radio Australia...

	<p>John Papik Provins blong John em long West Sepik o Sandaun, we emi skelim boda wantaim Papua Provins bilong Indonesia.</p> <p>Kenya Kala Kenya i kam long Central Province. Em i wanpela meri memba tasol bilong Tok Pisin sevis.</p> <p>Paulus Kombo Paulus ikam long Southern Highlands Province bilong Papua New Guinea. Nem bilong en i bigpela long Radio Australia long we em i save presentim "Tubuna Ston".</p>	<p>Pearson Vetuna Pearson emi Executive Producer bilong Radio Australia Tok Pisin Service. Pearson ikam long East New Britain Province bilong Papua New Guinea.</p> <p>Plus Bonjui Plus i kam long East Sepik provins, na ino long taim ligo pinis i produsim gavanis sirts "Taim Bilong Toktok". Em nau lukautim nipela "Yut Forum"</p> <p>Warium Benson Warium, husat i kam long East New Britain Provins, i wanpela long ol pipal husat i bin statim PNG sevis bilong Radio Australia long 1974.</p>	<p>Douglas Gabb Doug, husat i bilong Madang Provins long Papua New Guinea, i save produsim na presentim wanpela program bilong sustenaboli developmen oli koltim "Mama Graun".</p> <p>Peter Jonah Peter i kam long Rabaul long East New Britain provins. Em i save wokim program "Wantok Long Australia", we em i save toktok wantaim ol wantok bilong PNG.</p>	
--	---	--	---	--

ABC RADIO AUSTRALIA TOK PISIN

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

<p>RAGBI LIG Pot Mosbi Sarere 9/04/05</p> <p>PRL 1 9:00 Waliya vs Magani res 10:30 Souths vs DCA res 12:00 Brothers vs Defence res 1:30 Waliya vs Magani A 3:00 Souths vs DCA A 4:30 Brothers vs Defence A</p> <p>Sande 10/04/05</p> <p>PRL 2 9:30 Royals vs Puma res 11:00 Hawks vs Paga res 12:30 Dobo Warriors vs Tarangau res</p> <p>PRL 1 9:00 Wests vs Kone Tigers res 10:30 Dobo Warriors vs Tarangau A 12:00 Royals vs Pumas A 1:30 West Kone Tigers A 3:00 Hawks vs Paga Panthers A</p> <p>BASKETBOL CBL prisisen dro Hhohola Basketball Kot Sarere 9/04/2005</p> <p>Kot 1: 8:30 U19 Boys - Sainst Vs Muruks 9:30 U19 Girls - Sainst Vs Muruks 10:30 Reserve Women - Sainst Vs</p>	
---	--

<p>Muruks 12:00 Reserve Men - Sainst Vs Muruks 1:30 A Women - Sainst Vs Muruks 3:00 A Men - Sainst Vs Muruks</p> <p>Kot 2 8:30 U19 Boys - Jazz Vs Birdwing 9:30 U19 Girls - Jazz Vs Birdwing 10:30 Reserve Women - Jazz Vs Birdwing 12:00 Reserve Men - Jazz Vs Birdwing 1:30 A Women - Jazz Vs Birdwing 3:00 A Men - Jazz Vs Birdwing</p> <p>Sande 10 Epril Kot 1: 8:30 U19 Boys - Exodus Vs Souths 9:30 U19 Girls - Exodus Vs Souths 10:30 Reserve Women - Exodus Vs Souths 12:00 Reserve Men - Exodus Vs Souths 1:30 A Women - Exodus Vs Souths 3:00 A Men - Exodus Vs Souths</p> <p>Kot 2 8:30 U19 Boys - Chariots Vs Titans 9:30 U19 Girls - Chariots Vs Titans 10:30 Reserve Women - Chariots Vs Titans 12:00 Reserve Men - Chariots Vs Titans 1:30 A Women - Chariots Vs Titans 3:00 A Men - Chariots Vs Titans</p>
--

<p>Bye: Tamaraws</p> <p>SOKA PMSA sisen propa 2005 Sarere 9 Epril</p> <p>Bisini Wan 08:00 Cosmos vs Kurti Andra p/res 09:20 Rapatona vs Mirel Momase U21/Y1 10:30 Naniu vs Mungkas W1 11:45 Mungkas vs Badili Utd D1 13:05 University vs PS Rutz WP 14:15 Cosmos vs Kurti Andra U21/Y1 15:30 Rapatona vs Mirel Momase Primia</p> <p>Bisini Tu 08:00 PS Rutz vs Blue Kumuls U21/Y1 09:20 Jaha vs Tarangau D2 10:30 Souths Utd vs Sobou W1 11:45 Bavaro vs Cellnet D1 13:05 Telikom vs Cosmos WP 14:15 PS Rutz vs Blue Kumuls P 15:30 Rapatona vs Mirel Momase P</p> <p>Sir John Guise Stadium - Oval 1 08:00 Mungkas vs Los Negros U21/Y2 09:20 Maset vs Raitman D3 10:30 UBOG vs Fernor D2</p>

<p>11:45 KB Utd vs Yawata D3 13:05 Manambu vs Pom Bus Coll U21/Y2 14:15 Telikom vs Tawala D2 15:30 PNG Gardener vs Orogeft D2 16:45 Lus Prutz vs Verave D2</p> <p>Sande 10 Epril Bisini Wan 08:00 LBC Defence vs Sunset U21/Y1 09:20 Sunset vs Los Negros W1 10:30 Murat vs Los Negros D1 11:45 Tawala vs Mopi Soweto W1 13:05 Lamana GFN vs Guria WP 14:15 Guria vs Pacifica Ltd D1 15:30 LBC Defence vs Sunset P</p> <p>Bisini Tu 08:00 University vs Souths Utd U21/Y1 09:20 LBC Defence vs Jaha W1 10:30 WMI Momads vs PNG Gardener WP 11:45 LBC Defence vs Sunset P/res 13:05 Rapatona vs Murat WP 14:15 Naniu vs Manambu D1 15:30 Cosmos vs Kurti Andra P</p> <p>Sir John Guise Stadium - Oval 1 08:00 Sobou vs Badili Utd U21/Y1 09:20 PS Rutz vs Blue Kumuls P/res</p>

<p>10:30 Mopi Soweto vs Markham Yarangs D3 11:45 Guria vs Cellnet U21/Y2 13:05 Sobou vs Bomana PC D3 14:15 Rapatona vs Mirel Momase P/res 15:30 Bavaro vs Markham Yarangs U21/Y2 16:45 University vs Souths Utd P/res</p> <p>Mid wik - Mande 11 Epril</p> <p>Bisini Two 16:30 KG Utd vs Nomads D3</p> <p>SOFBOL Pot Mosbi sofbol man Gren fainol Sarere 9/04/05</p> <p>Daimon 1 12:00 Airways Bears vs Brown Eagles B 2:00 Elcom vs Manalos A</p> <p>Priliminari fainol- meri Sarere 9/04/05</p> <p>Daimon 1 8:00 Tikana vs Wantok B</p> <p>Daimon 2 8:00 Tikana vs Admiralty U16 10:00 Airways Bears vs SP</p>
--



• Meri long Word Publishing tim i putim ai long bal bipo long birua pilaia bilong em long Bee Mobile i kisim. Tupela tim i pilai long gren fainol bilong PNG Sariti soka long las wiken. Word win 1-0. Poto: PAUL ZUVANI



• Nesanel Kapitel Distrik volibol kompetisen i stat gen wantaim prisisen pilai. Hia ol manki NFA (blu) i pilai wantaim Lavena long Taurama Lesa Senta. Poto: PAUL ZUVANI



• Pilaia bilong Lae i hamarim gut bal tasol abrus long bal i go foul long taim Lae i pilai wantaim Pot Mosbi long nesanel sempionsip gren fainol long Mosbi long tupela wiken i go pinis. Lae win 10-9. Poto: ANDREW MOLEN




• Telikom gol kipa Sharon Bagi i holim pasim gut bal long Pot Mosbi prisisen gren fainol wantaim Rapatona long wiken. Telikom win 2-0. Poto: PAUL ZUVANI


Bihainim Mal Michael

ANDREW MOLEN i bihainim stori bilong ol yangpela AFL PNG manki husat i go tren long wanpela kem long Gereka ples ausait long Mosbi long las wiken.

AFL PNG i surukim developmen progem bilong em i go moa yet long olgeta hap insait long kantri. Na dispela i no kamap long ol bikpela senta na taun taso, nogat. Em i go tu long ol liklik ples na distrik wantaim. Wanpela samting i stap insait long developmen progem bilong AFL PNG em long givim skolasip i go long ol gutpela yangpela pilaia bilong wanwan provins we AFL PNG bai baim skul fi bilong ol na ol bai i stap na skul insait long Mosbi na pilai wantaim wanpela tim long hap. Hia em tripela manki husat ALF PNG i luksave long ol na givim ol skolasip bilong wanpela yia. *Wantok niuspepa* i bungim ol long wanpela trening kem bilong ilit skwad bilong PNG long ples Gereka ausait long Mosbi long las wiken.



Nem: **Peter Milaura.**
 Krismas: 17.
 Provins: **Kerema, Galp provins.**
 Liklik ples: **Sepoe na Move'ave.**
 Yia yu stat pilai: **Mi stat pilai long 2004 bilong Kerema hai skul we i bin skul bilong mi long dispela taim.**
 Skul: **De La Salle, Bomana.**
 Divisen: **Anda 18.**
 Posisen: **Beks.**
 Yu bin i stap insait long wanpela tim i makim wanpela ples o kantri pinis o nogat? **Nogat, dispela em i namba wan mak bilong mi long stap insait long wanpela skwad.**
 Wanem narapela spot yu save pilai? **Mi save pilai soka na ragbi lig.**
 Fevret AFL tim bilong yu long Australia: **West Coast Eagles na Brisbane Lions.**
 Fevret pilaia? **Jason Akermanis bilong Brisbane Lions.**
 Tingting bilong yu long bihain taim long AFL? **Mi no ting bai mi stap long skwad tasol nau mi stap na mi amamas na mi lukluk nau long tren hat na kamap wanpela gutpela pilaia bilong PNG.**
 Wanem toktok bilong yu long ol narapela yangpela pilaia? **Mi laikim bai ol narapela manki tu i mas trening hat na pilai strong bai ol i ken i kam antap tu. Long sait bilong ol manki long Kerema, i gat ol manki husat i gat planti talent long pilai i stap tasol i nogat ol gutpela samting bilong pilai olsem ol gutpela fi we ol bai i ken pilai na soim ol yet.**
 Tok tenkyu: **Mi laik tok tenkyu i go long AFL PNG long baim skul fi bilong mi na ol famili na wanpilai bilong mi long Kerema.**



Nem: **Bobby Williams.**
 Krismas: 17
 Provins: **Isten Hailans provins.**
 Liklik ples: **Okapa.**
 Yia yu stat pilai: **2003.**
 Skul: **Kila Kila Sekenderi.**
 Divisen: **Anda 18.**
 Posisen: **Ful-bek.**
 Yu bin i stap insait long wanpela tim i makim wanpela ples o kantri pinis o nogat? **Mi bin stap long Goroka sait we i kam pilai long Lae las yia.**
 Fevret AFL tim bilong yu long Australia: **Bisbane Lions.**
 Fevret pilaia? **Mal Michael (Brisbane Lions).**
 Tingting bilong yu long bihain taim long AFL? **Mi laik kamap wanpela "Successful" pilaia.**
 Wanem toktok bilong yu long ol narapela yangpela pilaia? **Sapos yu man bilong pilai AFL, yu pasim tingting bilong yu long en na noken bisi long ol narapela spot bilong wanem bai yu kisim luksave hariap.**
 Tok tenkyu: **Mi laik tok tenkyu long mama bilong mi na ol lain i lukautim mi hia long Mosbi.**



Nem: **Eston Niginel.**
 Krismas: 17.
 Provins: **Westen Hailans na Nu Ailan.**
 Liklik ples: **Balg (WHP) na Kavieng.**
 Yia yu stat pilai: **2003.**
 Divisen: **Anda 18.**
 Posisen: **Rova (yutiliti)**
 Yu bin i stap insait long wanpela tim i makim wanpela ples o kantri pinis o nogat? **Mi bin makim Mt Hagen long 2003 na 2004 long anda 16 na 18 divisen i kam daun long Lae.**
 Fevret AFL tim bilong yu long Australia: **St Kilda.**
 Fevret pilaia? **Nick Revolt, St Kilda.**
 Tingting bilong yu long bihain taim long AFL? **Mi laik pilai moa yet, makim kantri na tu long i go pilai long ovasis.**
 Wanem toktok bilong yu long ol narapela yangpela pilaia? **Pilai strong wantaim AFL bilong wanem ol i gat planti gutpela progem na ol samting long helpim ol yangpela pilaia.**
 Tok tenkyu: **Mi laik tok tenkyu i go long dedi bilong na ol lain long haus na ples.**

• Hia yu ken lukim ol AFL PNG manki husat i stap long kem i kisim trening long Gereka ples ausait long Mosbi long las wiken. 14 manki olgeta i stap long dispela kem we Overa Gibson i go pas long en long givim skul. Gibson i wanpela top pilaia bilong PNG Mosquitoes (Moskitos). Planti ol samting em ol manki i lainim em bilong helpim ol long stap na pilai strong insait long ol pilai. *Poto: ANDREW MOLEN*





NRL NIUS

Kennedy tokaut long pinis pilai

MANLY fowet Ben Kennedy i tokaut long dispela wik olsem em i no moa redi long stap insait long Tes skwat o pilai long sait bilong Nius Saut Wels.

Tasol Shaun Timmins na Matt Sing bai tokaut ples klia olsem tupela bai pinis long stap insait long Tes skwat o kamap long ol Stet ov Orijin pilai. Moa yet Sing bai laik tok olsem em i laik stap wantaim famili bilong em moa long em i save kisim taim long tren na kamap long ol pilai.

NRL Klub North Queensland i salim wanpela pas i go long ARL we em i tokaut long Queensland na Tes winga long em bai pinis long ol pilai bilong em na menesa bilong Timmins George Minis i tok em bai mekim wankain long lok bilong St George Illawara.

Tasol nius long kem bilong Kennedy i kamap gut tru.

Menesa Mike Newton i tokim ol nius-man olsem Kennedy long wanpela taim i no bin tokaut olsem em bai pinis long ol Tes pilai o long makim Niu Saut Wels sait na pilai.

"Mi ting ol man i paul long wanem samting em i bin tok long em long las yia," Newton i tok. "Em i tok nogut em i no inap kamap long ol pilai gen."

"Bai i gat Tes Mes long hia na olsem em bai kamap yet long dispela. Long toktok long strong bilong em long pilai long dispela taim mi ken tok em i stap gut. Long pinis bilong taim bilong wok long dispela wik ARL i wet long kisim toktok bilong dispela ol tripela man. Dispela em long mekim isi long ARL i makim Tes skwat."



Manly sief eksekutiv Paul Cummings i tok klub i no putim presia yet long Kennedy long mekim wanpela disisen we maski long dispela ol nesenel seleta i go het long makim 22-man skwat.

"Bikpela tingting mi save bihainim em sapos wanpela man i gat sans long pilai na makim kantri o stet bilong em orait i nogat wanpela klub i mas pasim em long pilai," Cummings i tok.

"Long wankain taim Ben long namba wan taim i mas tokaut long wanem samting bai i mas kamap long laip bilong em na olsem em i no lapun yet - em i no mas pilai moa long makim kantri/stet o klub?"

Kennedy, 31, i bin mekim bikpela wok long kisim Manly i kam antap long NRL kompetisen tasol em i painim hat liklik long painim ples long stap insait long skwat long ol pilai bilong Trai-Nesen.

Em i strongpela pilaia long stap insait long dispela skwat long pilai long ANZAC Tes Mes wantaim Craig

Fitzgibbon o Tonie Carol. Dispela ol lain i gutpela lain long fowet pek bihain long ol toktok olsem Timmins bai pinis long pilai.

Kennedy i bin pilai long 5-pela Tes long makim Australia na 10-pela long makim ol (Niu Saut Wels) Blues.

"Ben i bin go long ol wokabaut bilong Kangaroo tasol i no bin pilai tumas long dispela ol wokabaut," Cummings i tok taim em i tok dispela em long wanem Kennedy i save bagarap hariap long bodi bilong em. Mi ting Ben i wanpela man bilong amamas na sapos em i pilai dispela bai wankain long ples olsem em i bin stap long en long Kangaroo wokabaut.

"Mi no save tasol samting mi save em Ben i putim ol tingting bilong em long kamap long pilai long dispela Sarere nait (egensim St George Illawara). "Lus bilong Sing em i bikpela sori long sait bilong Australia na long Kwinslen olsem 30 yia winga i wanpela top pilaia."

Raun 5

Fraide, April 8 - Melbourne Storm vs Penrith Panthers. Yu ken lukim long EMTV long 8.30 long nait.



Sarere, April 9 - St George Illwara Dragons vs Manly Sea Eagles
North Queensland Cowboys vs Cronulla Sharks
New Zealand Warriors vs West Tigers

Sande, April 10- Brisbane Broncos vs Paramatta Eels. Yu ken lukim dispela long EM TV long 4:00-6:00 avinun



Newcastle Knights vs South Sydney Rabbitohs
Sydney City Roosters Vs Canberra Raiders

Bai: Canterbury Bulldogs

NRL Poin Lata

Klub	P	W	D	L	B	P/D	Pts
1. Raiders	3	3	0	0	1	52	8
2. Sea Eagles	3	3	0	0	1	39	8
3. Storm	4	3	0	1	0	111	6
4. Cowboys	4	3	0	1	0	124	6
5. Sharks	4	3	0	1	0	2	6
6. West Tigers	3	2	0	1	1	-9	6
7. Warriors	4	2	0	2	0	-4	4
8. Roosters	4	2	0	2	0	-4	4
9. Eels	4	1	0	2	0	5	4
10. Broncos	4	2	0	2	0	-27	4
11. Bulldogs	4	1	0	3	0	-4	2
12. Panthers	3	4	1	3	0	-4	2
13. Rabbitohs	4	1	0	3	0	-28	2
14. Knights	3	0	0	3	1	-63	2
15. Dragons	4	0	0	4	0	-82	0

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	Poin
1. Clinton Schifcofske	Raiders	50
2. Stacey Jone	Warriors	48
3. Josh Hannay	Cowboys	44
4. Luke Covell	Sharks	40
5. Matt Orford	Storms	40
6. Hazem El Rabbitohs	Bulldogs	38
7. Bred Hodgson	Sharks	26
8. Joe Williams	Rabbitohs	29
9. Billy Stater	Storms	28
10. Michael Witt	Sea Eagles	28

O'Meley inap kisim ples

BULLDOGS fowet Mark O'Meley em ol opisel i lukim olsem bai kisim ples bilong fran-rana Shane Webcke long skwat bilong Australia.

O'Meley bai stap long skwat we bai pilai wantaim Niu Silan Kiwis long ANZAC Tes Mes we bai kamap long April 22.

Webcke i tokaut long dispela wik olsem em bai pinis long makim kantri long hevi bilong lek. Dispela i tokaut bilong em i givim sans long planti ol narapela fowet husat i redi long pulimapim ples bilong em.

Ol lain husat i redi em O'Meley, tupela boi bilong St George Illawara em Luke Bailey na Jason Ryles, Webcke Broncos tim wanpilaia Petero Civoniceva, Penrith Joel Clinton na NZ Warriors skipa Steve Price.

O'Meley i bin stap long sait lain bihain long em i kisim bagarap long lek (ni ijari) long tripela pilai i go pinis. Tasol nesenel selekta Bob McCarthy i tok liklik taim we O'Meley i stap long ol bikpela pilaia i no ken samting em ol i mas lukluk long dispela 23-yia man taim ol i laik makim skwat.

Ol Bulldog i stap long bai long dispela wiken. "Em i no inap stap fit tasol em bai



• O'Meley (wantaim bai) i strong long skoaim tra.

strong na em bai mekim planti ol wet long jim," McCarthy i tok. "Yu no save pilaim 80 minit moa. Taim yu pilim nogut yu save putim han bilong yu i go antap."

"Em i yangpela manki tasol. Ol i save ran maskim ol i go tren."

"Em i pawahaus taim em i paialait. Bipo Tes faiv-eit i Andrew Johns i makim O'Meley long kisim ples bilong Webcke

we planti lain i tok em i namba wan prop long dispela taim.

"Sapos em i ken kam bek na pilai wankain olsem em i bin lusim mi ting em bai stap insait," Johns i tok.

"Long narapela sait Luke Bailey i bin soim sampela gutpela pilai. Em i gutpela pilaia na Petero i gutpela profesinol pilaia tu."

Sori tumas, Canberra Raiders kaunim ol bagarap bilong ol

CANBERRA fowet Alan Rothery long dispela wik i bin putim ol plasta klostu long tupela ai bilong em bihain long ol bagarap em i kisim long pilai bilong ol wantaim St George Illawara Dragons long las Sarere nait.

Long dispela pilai long wanpela taim Rothery i no bin lukluk gut bihain long em i kisim strongpela han long wanpela pilaia bilong Dragons.

Long dispela taim ol i kisim em i go long hausik we nau long dispela taim em i malo-

lo tasol long haus na bai i no inap kamap long ol pilai.

Ol dokta i ting olsem em bai i no inap pilai long 4-pela o 6-pela wik olgeta.

Tasol bagarap bilong Rothery i makim tasol wanem kain hevi em ol Raiders bai kisim long kompetisen- nogut ol bai go daun long lata bihain long ol i statim ol gutpela pilai bilong ol long stat bilong kompetisen.

Senta Craig Frawley bai i no inap pilai tu bihain long em i kisim bagarap long lek bilong em. Em bai abrusim pilai bilong ol

wantaim Sydney Roosters long dispela Sande. Na Ryan O'Hara bai kisim toksave long ol dokta long sol bilong em na painimaut sapos em inap long pilai.

Na yutiliti Alan Tongue i gat 50-50 sans long pilai bihain long em i kisim bagarap long bel bilong em na fowet Terry Martin i kisim bagarap long sol bilong em tu. Moa yet winga Nathan Smith i kisim bagarap long skru bilong em na bai olsem i no inap pilai moa long olgeta bilong dispela dispela sisen. Tasol long strongim sait bilong em

Raiders bai kisim bek narapela strongpela fowet bilong em lan Hindmarsh husat i kisim malolo long lek na Tyrann Smith long kisim saspenson long namba wan pilai bilong ol.

Bikos em i sot long ol pilai Raiders long las wik i no bin mekim sampela senis long ol pilaia husat i stap insait long pilai bihain long ol planti ol narapela pilaia bilong em i gat hevi. Tasol kosa Matthew Elliot i tok maski dispela ol hevi Raiders bai pilai gut.

"Las yia mipela i kisim ol pilaia daunbilo i kam antap na ol i pilai gut," Elliot i tok.

Etlit redi long Melanesian ron

Paul Zuvani i raitim

SAMTING olsem 34 intanesenel etlit o spotmanmeri i tok long kamap long Melanesian Emetik Sempionsip we bai i kamap long Lae long Epril 22 i go inap long 24.

Oi spit manmeri bai kam long Fiji, Vanuatu, Solomon na Papua Niugini yet. Na Not Kwinslen long Australia bai salim tu 4-pela lain long kam na salens wantaim ol, Papua Niugini Emetik seketeri Philip Rehder i tok.

Osenia Emetik Asosiesen aninit long sab rijinol kompetisen program bai baim rot na ples bilong ol lain long ol arapela kantri long kamap long dispela sempionsip. Rehder husat i kodinetim wokabaut

na sindaun bilong ol pilaia na opisel i tok tim bilong ol wokman bilong em i mekim ol samting stret na i redi long kisim ol pilaia na opisel. Em i tok tenk yu long Lae Biskit Kampani, Disain Printing Ltd, Nestle PNG na Coca Cola Amatil long helpim ol i givim long holim dispela ol pilai.

Nupela samting long ol PNG ronmanmeri em ol opisel bai yusim ilektronik mit menesmen na poto taiming sistem.

Rehder i tok Graham Pilcher, wanpela biknem opisel long Townsville, Australia bai kamap long Lae long lukautim na yusim dispela sistem wantaim helpim i kam long ol lokel opisel. Na long wankain nius PNGAU i tokaut olsem dispela sempionsip i op long olgeta manmeri husat i

gat tingting long kamap na ron. Tasol ol i mas toksave long opis bilong PNGAU bipo long Fraide em i tumoro tasol. Sapos ol i laik tokaut long laik bilong ol, ol i mas ringim telepon namba 472 0510.

Long dispela nupela ilektronik sistem em bai hat long tok orait long ol manmeri husat i laik ron i kamap na tokaut long de bilong ron stret.

Dispela long wanem long dispela sistem olgeta lain husat i givim nem bilong ol pinis em ol opisel bai wokim dro we ol bai bihain dispela dro tasol. Sempionsip bai kamap long Open na Anda 18 divisen. Entri fom na ol kopi bilong program i stap long PNGAU opis long Lae we feks namba em 472 1358.

Strongpela pilai long Pom lig

Andrew Molen i raitim

BIHAIN long 5-pela raun bilong ol gem insait long Pot Mosbi ragbi lig kompetisen, Brothers na Puma i go pas yet wantaim 10 poin.

Tupela tim bai lukluk nau long strongim dispela rekot bilong ol taim Brothers i burgim Defence na Puma i takol wantaim Royals.

Long poin Puma i stap pas liklik long Brothers long sait bilong "For and Against" long ol skoa insait long gem bilong ol. Dispela i lukim Puma i go pas wantaim 140 poin long "For" na 76 poin "Against" na Brothers i skorim 124 poin long "For" na 68 long "Against."

Long ol gem bilong ol long las wiken Brothers i ronawe tasol long DCA wantaim 22-20 skoa insait long wanpela strongpela gem.

Puma i soim tenkyu bilong ol long ol PRL opisel wantaim wanpela strongpela gem tru agensim Kone Tigers we i lukim ol i daunim Tigers 34-14.

Las pilai bilong wiken long A Gret i lukim Magani i kam bek strong long seken hap long winim Dobo Warriors 18-16.

Dobo Warriors i kam insait long gem wantaim strongpela tingting bilong win na ol i no westim taim long mekim dispela tingting bilong ol i kamap ples klia taim insait senta bilong ol, Enoch Yori i skoa long kona na wantaim kik bilong huka Stanley Torato, ol i go pas 6-0.

Faipela minit bihain long trai bilong Warriors, Magani kisim wanpela penelti na lok bilong ol, Emmanuel Palme i kisim fes tu poin bilong ol long gem long putim



• Pilaia bilong West i kisim taim nogut long han bilong Kone Tigers pilaia long wanpela pilai bilong ol. FAIL POTO

skoa 6-2.

Klostu long hap taim Warriors i bekim wanpela trai gen na bihain long konvesen kik, ol i go pas 12-2.

Magani i no givap na long seken hap taim ol i kam klostu long trai lain bilong ol Warriors, pawahaus fowet bilong ol, Pete Mond i kisim bal long we yet na ron i go, brukim disfens bilong Warriors na skoa. Tasol bihain long dispela planti toktok i kamap olsem dispela i no trai long wanem ol i tok Mond i dropim bal.

Tasol maski long dispela wantaim gutpela kik bilong Palme dispela i kisim skoa i go 12-8. Laspela trai bilong Warriors long gem i kam long risev pilaia bilong ol

Sam Ataisa tasol kik i krangi na skoa bilong ol i stap 16-8.

Magani i pait bek na salim Charlie Joe Pombo i go skoa bilong ol long putim skoa olsem 16-12.

Bihain long dispela Warriors i givim tripela penelti long ol Magani long ai bilong gol bilong ol we Palme i kisim sans na kikim ol gol long givim ol win 18-16.

Long ol narapela gem Paga winim Royals 16-14, Defence nekim Waliya 32-20, Tarangau givim Wests 18-16, Hawks i bagarapim Souths 24-22, Brothers pinisim DCA 22-20 na Puma kikim Kone Tigers 34-14.

Wetlifting makim Arafura skwat


Paul Zuvani i raitim

PNG Wetlifting i tokaut long skwat bilong Arafura Gem bihain long ol i holim nesene sempionsip long Pot Mosbi long las wik.

Dispela trening skwat em ol meri Mira Vagi (48kg-Hanuabada), Rita Kari (58kg-Hanuabada), Aina Andrew (63kg- Hanuabada), Jodie Kokiva (69kg- Hanuabada), Bede Vada (75kg- Badihagwa TLC), Brenda Goro (75+kg-TLC).

Long ol man em Leo Kivavi (65kg- TLC), Jeffery Robby (69kg- TLC), Ben Saup (77kg-Badihagwa- TLC).

Robby i tok: "Dispela skwat em planti bilong ol em ol junia skwat husat i bin mekim gut long ol pilai bilong ol na mipela i amamas tru long ol. "Ol i soim ol mak olsem ol inap long kamapim ol gutpela pilai long



• Rita Kari long 58kg divison i redi long hapim ain. Poto: PAUL ZUVANI

bihain taim. Na PNG wetlifting Toua (53kg), Rita Kari (58kg), long go long Darwin em- Dika Margaret Luke (63kg), Jodie

Kokiva, Edlynee Miso (69kg), Guba Hale, Dede Vada (75kg) na Brenda Goro (75+).

Long skwat bilong ol man, em Kelly Hendry (56kg). Kosa em Iwila Jacobs na menesa em Udu Heni. Ol risev em Miria Vagi (48kg), Resena Joe (63kg) na wantaim narapela moa em long mini Gems em Jeffery Robby (69kg), Ben Saopoa (77kg) na Morea Morea (62kg). Risev em Joe Namuno (56kg), na Rigoori Lolo (56kg).

Ol opisel em kosa Iwila Jacobs na menesa Udu Heni.

Long wankain nius PNG Wetlifting Federesen i holim wanpela kibung we em i makim ol ol nupela eksekutiv bilong em. Ol opisel nau em presiden em Toua Lou, Vais Presiden Frank Robby, Jenerel Seketeri Iwila Jacobs na Asisten Jenerol Seketeri na Tresera Lega Vada.

Hap Hap Spot

PNGSF Trukai Fan Ran Oksen

NAU apinun Papua Niugini Spot Federesen bai holim Trukai Fan Ran T-set Oksen bilong em long Papua Yot Klub.

Dispela oksen em i bilong kamapim mani long helpim federesen i salim tim bilong mini Saut Pasifik Gems i go long Palau long Julai dispela yia na 2006 Komenwel Gems long Melbon, Australia.

Las yia Federesen i bin holim Oksen long Lae na Pot Mosbi wantaim. Long Lae Federesen i bin kamapim K72,000 na long Pot Mosbi em i kamapim K146,000. Dispela tupela mani mak i winim namba bilong wanwan ol yia we ol i save mekim. Na wantaim kain gutpela mak Federesen i bilip em i ken kamapim narapela gutpela mak gen long dispela yia.

Long go pas long oksen Federesen i no tokaut long husat man em bai askim long kamap long mekim ol oksen. Fan Ran bai kamap long Mei.

SP Brewery lonsim SP Kap

Long narapela wik Foden SP Brewery bai lonsim 2005 SP Kap.

Dispela kompositen we i semi-profesinol i wankain olsem biknem SP Inta-siti Kap kompetisen. Long dispela yia ol pilai bai kamap tasol long Pot Mosbi, Lae, Goroka na Kokopo na ol tim bai kam long Pot Mosbi, Lae, Rabaul, Goroka, Kundiawa, Mt Hagen, Mendi na Wabag. Pot Mosbi bai i gat tupela tim. Dispela ol tim bai i gat ol sponsa bilong ol yet.

Dispela kompetisen bai gat komiti bilong em yet we i no inap kam aninit tumas long eksekutiv bilong PNGRFL. Kompetisen bai stat long Mei 17 inap long Septemba 15 we bai holim gren fainol bilong em.

Bihain long dispela PNGFL bai kamap long Pasifik Kap long Oklen, Niu Silan long Oktoba 8 na makim PNG Presiden ill long Oktoba 16.

PNG Sofbol makim nupela eksekutiv

NUPELA presiden bilong Papua Niugini Sofbol Federesen em bipo Sinia Vais Presiden Chris Bais.

Em nau i kisim ples bilong man Lae Noah Warkia.

Bais i kamap nupela presiden bihain long Federesen i holim AGM bilong em long Sarere tupela wik i go pinis long taim ol i holim sempionsip bilong ol long Pot Mosbi.

Wantaim Bais long dispela ileksen em Madang sofbol presiden Ralph Tarasomo husat i stap olsem sinia vais presiden na Makis Vonono husat i holim yet wok bilong em olsem junia vais presiden.

Ol arapela nupela pes em Pot Mosbi sofbol presiden Joe Lumaris husat i holim wok olsem seketeri na Harry Keket olsem tresera.

Bais i tok tenkyu long luksave bilong komiti long makim em olsem presiden na i tok i tru federesen i bin bungim planti ol hevi long dispela ol taim tasol ol i bin sanap strong.

"Mi bilip mipela bai skruim yet dispela gutpela spirit bilong mipela na kisim sofbol i go bek long ol gut taim bilong em," Bais i tok.

"Bikpela tingting bilong mipela em long kisim bek dispela kod i go antap we mipela i laik lukim ol strongpela sofbol ples olsem Rabaul na Kavieng i stap insait.

"Na dispela i min olsem mipela i mas strongim ol arapela asosiesen olsem Kimbe, Goroka, Mt Hagen, Kerowagi, Wewak, Alotau na Popondetta.

"Dispela ol asosiesen nau i nogat nem bilong ol.

"Mipela bai mekim olgeta samting long kamapim strong gen sofbot."

Em i tok tenk yu long SP long las tripela yia we ol i helpim ol kamapim nesene na klub sempionsip.

Tasol nau long dispela taim bikpela tingting bilong federesen em long salim tim i go long PNG mini Gems long Palau long mun Julai.

Bihain tasol long nesene sempionsip em i makim pinis skwat bilong ol man na meri long mini Saut Pasifik Gems.

Tasol i gat ol risev pilaia husat i sambai long kisim ples sapos sampela pilaia i kisim bagarap.



WANTOK Spots



Manalos trainim Elcom ...long Mosbi sofbol gren fainol

Paul Zuvani i raitim

EM i longpela taim long Manalos i kam bek long mekim nem long Pot Mosbi sofbol we long dispela wiken bai bungim Elcom long gren fainol.

Em bai laik bekim dinau long lus long Ice Kopex long las yia gren fainol na olsem em i nogat taim moa long abrusim narapela sans.

Tasol long wankain taim tu Elcom husat i no bin kamap long wangepela gren fainol klostu 13-yia olgeta i hangre tu long kisim dispela taitol.

Long oi tim- Manalos, tim bilong Kavieng i bin save kamapim gut nem long ol 1980's we long sampela taim long 1982 em i bin winim las gren fainol bilong em.

Tasol bihain long dispela tim em i go daun long wanem ol pilaia i lusim klab na go nambaut.

Tasol las yia em i kam bek strong long go insait long gren fainol na lus long Ice Kopex. Nau em i laik bekim dispela dinau.

Las wik em i stopim wantok na kasen bilong em Airways Bears taim ol i winim Bears 6-2 long mekim wei bilong ol i go insait long gren fainol.

Long helpim ol long win ol manki karanas bai kaun moa long pitsa bilong ol Isirpel Marnapai. Marnapai las wik i givim bikpela het pen long Bears na sapos em i ken skruim dispela pawa i nogat wangepela samting i ken stopim em.

Tasol em yet i no inap. Wantaim helpim bilong ol betman olsem Paul Bogan, Guy Kila, Henry John, Saga Gimi, Robert Livingood, Daniel Evald na Daniel Pialkolos ol inap win.

Elcom long narapela sait i no tim nating. Ol i maina primia na olsem ol i bin go pas planti taim long dispela kompetisen na olsem tingting bilong win i stap long ol.

Kosa Isikel Tovia bai lukim olsem ol i mas sokim ol manki Niu Ailan long pawa bilong ol. Long go pas long ol em pitsa Nelson "kirapim skin" Kiap. Na long ol bat ol bai lukluk long ol Tovia brata- Daniel, Isikel Jnr na Demas, Michael Porom, Eddie Simba, Edward Sena na Alister Tavor.

Sapos ol i ken bungim het wantaim dispela pilai bai bilong ol.

Kosa Isikel Tovia long redim tim bilong em i tok: "Mipela i redi gut. Mipela i hangre long win wankain olsem ol Manalos tasol wanem tim husat i no mekim planti asua bai win long dispela de.

Long 1992 i kam inap nau mipela i wok long nok long do na nau em i taim bilong mipela long lukim dispela hatwok




Em Nau...Karen Dobbin bilong Telikom i makim bal gut long het long helpim tim bilong em i go het long winim Rapatona long Pot Mosbi prisien soka gren fainol. Telikom win 2-0. Foto: PAUL ZUVANI

bilong mipela i karim kaikai.


"Mi lukluk long tim spirit long go pas long gutpela pilai na win bilong mipela. "Bikpela hevi bilong mipela em mets praktis. Ol pilaia bilong mi i no bin pilai klostu long tripela wik olgeta na dispela i ken mekim ol i tingting planti. Tasol long narapela sait ol i yangpela manki na olsem sampela ol gutpela pilai bai kamap." Tovia i tok.

"Na sapos mipela i ken makim gut ol bal bilong Marnapai mi ting i nogat wangepela samting i mas stopim mipela long win. Long B Gret Airways bai nek wantaim Brown Eagles. Long priliminari fainol bilong ol meri Airways Bears bai bungim SP long A Gret, Tikana kisim Wantok long B Gret na Tikana i bai danis gen wantaim Admiralty long Anda 16 divison.



TRAMONTINA
Bush Knives

- Top quality bushknives with carbon steel blades
- Available in wooden and poly handles
- Size ranging from 10"-28"



Exclusively distributed by Brian Bell and authorised dealers nationwide

Brian Bell
Shop with a friend

PLAZA 3/3 0411 HOME CENTRE CITY GORDONS 3/3 0411 LAE HOME CENTRE CITY 4/2 2002 GOROKA 7/2 1602 DISCOUNT HAUS 4/2 0411 KOKOPO 3/3 2007 MT HAGEN 5/4 1202 MADANG 1/2 1001